



IOANNIS
BAPTISTÆ MONTANI
VERONENSIS.

MEDICI ET PVBLCI IN ACADE-
MIA PATAVINA OLIM PROFESSORIS

CHIRVRGICA
CONSILIA.



NORIBERGÆ, IN OFFICINA IO:
annis Montani, & Vlrici Neuberi,

M. D. LIX.

CONSILIORVM

INDEX ET ARGVMENTA.

De Ophiali & achoribus	Consilium	1.
De Achoribus seu tinea capitis antiqua.		2
De fistula in oculo, cum gonorrhœa, & suspitione morbi Gallici,		3
De lachrymali fistula,		4
De catarracta		5
De tumore duro maxillæ dextræ,		6
De Apostematibus cancris in naribus,		7
De Apostemate maligno, polypo scilicet, ad cancrum accedente,		8
De narium ulceribus,		9
De gutturis struma.		10
De contusione brachij ex equo decidente.		11
De abscessu exulcerato mollificando & abstergendo.		12
De uulnere in brachio, tumefacto.		13
De brachio uulnere, & omnium principalium membrorum influxu destituto,		14
De tuberculo circa thoracis regionem, in latere sinistro.		15
De uulneribus in pectore & in capite inflictis,		16
De eisdem uulneribus,		17
De cancro in mamillis.		18
De stranguria ex casu facta.		19
De ramice intestinali		20
De scirrho uteri,		21
De Ædemate Erysipelatoso in crure,		22
De Erysipelate phlegmonode in genu,		23
De contusione neruorum, uel distortionem in genu,		24
De utriusque cruris contractione,		25
De dislocatione & contractione sinistri cruris, ac dextri ulcere,		26
De crurum ulcusculis ex nimia hepatis caliditate,		27
De ulceribus in pede & brachio, cum leui delirio,		28
De Ædemate in pede, urinæ stillicidio, & morbo Gallico,		29
De ulcere ac tumore in pede,		30
De uaria luxatione in pede,		31
De eadem pedis luxatione,		32
De pedis tumefactione,		33
De scabie à natiuitate contracta,		34
De scabie cum febre coniuncta,		35
De scabie post purgationem,		36
De scabie in puero.		37
De scabie humida cum pruritu,		38
De scabie post purgationem,		39
De scabie cum tinnitu aurium & hæmorrhoidibus,		40
De psora occupante uniuersum corpus,		41

HIERONYMI DON- ZELLINI AD LECTOREM, DE

huius partis ordine, admonitio.



IN ijs morbis tractandis, qui manuum opera indigent ut curentur, duplex à nobis ratio atq; ordo institui potest: quorum prior naturæ est maxime consentaneus, scilicet, ut à tumoribus præter naturam, ad ulcera, quæ ex illis ferè originem ducunt: ab ijs ad uulnera progrediamur. Et in singulis generibus, à simplicibus ad composita & complicata, doctrinæ ordo procedat, Atq; hunc, auctiores multi, tam ueteres quàm re-
gentiores (qui quidem probantur) secuti sunt: siue de omnibus simul, siue de singulis generibus seorsum disputarint. Alter uero non rerum naturam, sed discipulorum commodum ac faciliorem rerum inuentionem, spectat. Quem certe nos non iudicio ac uoluntate, sed necessitate potius quadam, hic instituere sumus compulsi. Nos enim nostra minime tractamus, sed alienam: in quæ iam facta cum inciderimus, ordinem qualemcumq; illis conciliare studuimus: qui ueluti Indicis loco, studiosum quo uellet, adducere facile posset. Nulla igitur aut in authore hæret culpa: qui non ideo hæc disputauit ut æderentur, aut in me, qui confusis rebus, legitimū naturæ ordinem indere minime potui: sed pro re nata, tuum tantum commodum atq; utilitatem spectans, quod potui feci. Eum enim ordinem mihi proposui, quem Galenus in libris de compositione medicamentorum *ἡ τῶν φαρμάκων σύνθεσις* seruauit. Quem cum hic uiderem studiosis commodiorem, quantum rei natura patiebatur, secutus sum. Alioqui, prior ille, uniuersali horum morborum tractationi, posterior autem, particulari magis uidetur conuenire. Et si enim tumores, ulcera ac uulnera, cuius humani corporis parti possint accidere: scopi tamen uniuersales in his curandis propositi, in partibus diuersis, magnam habent uarietatem. Aliiter enim uerbi causa Erysipelas curatur, si sit in crure, quàm si in facie. Aliiter tractatur ulcus in articulo atq; in musculo. Sunt præterea morbi ex ijs aliqui, partibus peculiare: ut narium polypus, unguium paronychia, inguinis ramex, crurum uarices, pedum calli. Ut ab horum tractatione, is ordo minime abhorreat. Sed autorem etiam primi nominis, hac in parte habeo, cuius merito uestigia sum imitatus, Paulum scilicet Æginetam, qui in sexto libro Chirurgiam docens, eundem hunc sibi seruandum duxit. Non est igitur ut quisquam me hic inconulto aliquid fecisse puret. Atq; ideo te hic admonendum iudicauī, ne meum hoc consilium temere susceptum existimares: sed meam hanc qualemcumq; industriam ac diligentiam, æqui boniq; consuleres. Vale.

IOANNIS BAPTISTÆ
MONTANI VERONENSIS,
MEDICI ET PUBLICI IN ACADEMIA

Patauina olim professoris Consilia
Chirurgica.

De Ophiali & Achoribus

Consilium I.



Larissimi atq; doctissimi uiri, occurrit nobis nobilissimus adolescentulus, cum quibusdam dispositionibus præter naturam, quæ apparent sensui. Duo sensu deprehenduntur circa cutem, qui affectus cum sint contigui, tamen uidentur diuersi & contrarij. Primo est priuatio omnimoda capillorum: quæ siue sit alopecia, siue ophialis, siue caluitium, nunc non dicam, sed infra. Secundo est tumor quidam præter naturam, cum crustis & pustulis apparentibus. Est sibi raritas, & ideo etiam priuatio capillorum. Primo uidentur esse affectiones contrariæ. Defectus pilorum solet esse ex nimia siccitate. Crusta & *αχόρις* proueniunt illi ex deprauatione humorum. Causæ igitur horum considerandæ. Primo, quo ad priuationem pilorum, dico hanc nullo modo esse posse ex siccitate, sed ex redundantia aliqua mali humoris: & ab eadem causa provenire has affectiones, scilicet a deprauatis humoribus. Nam pilorum conueniens materia, teste Galeno, & melius Aristotel. secundo lib. de generatione animalium, provenit ex humore adusto cum quadam pinguedine, & substantia aërea: ubi talis materia deficit, deficit etiam materia pro pilis. Hic illa materia non est talis, qualis esse debebat, sed corrupta & deprauata. Eodem loco dicit Aristoteles, quod pili sunt passio cutis, & requiritur etiam ad generationem pilorum temperamentum cutis: & ex superfluitatibus cutis tantummodo generantur pili, & non ex alia superfluitate: unde secundum cutim affectam afficiuntur pili. Ergo talis affectus est propter duo: Primo, quia ista materia non est idonea ad pilos generandos, sed corrupta. Secundo, propter locum non bonum, quia temperies cutis est ualde humida, quæ non potest producere pilos. Nam & nimia humiditas, & nimia siccitas prohibent generationem pilorum. Fortassis contraria etiam quædam affectio est in ipsis meatibus, nam & horum ratione sæpe non nascuntur pili: sed hoc non est manifestum, dicamus tantum de ijs quæ apparent.

Ergo hætenus habemus intemperiem cutis, & materiam malam, ratione quorum uidentur duo contraria fieri. Primo, priuatio pilorum in parte commissuræ coronalis, ubi plurimæ sunt transpirationes uaporum. Euaporato plurimo humido propter amplitudinem meatuum in illa parte capitis, non potest materia aggregari. Galenus probat uapores diuersos effectus facere pro crassitie, & materie, & meatuum. Nam si possunt transpirare, nihil mali aut incommodi inde euenit in

cute, Sed si uel propter crassitiam, uel densitatem meatuum cutis non possunt transpirare, fit uel pruritus, uel scabies, uel ~~exulceratio~~. Ergo in illa parte suarum coronalis ubi meatus sunt aperti, non potest illa materia detineri, sed transpirat, & nihil aliud incommodi facit, quam priuationem pilorum: non tamen alopeciam facit, quia nulla ibi abrasio est cutis. Ophiasis est: cum decorticatione cuticulæ, quia fit propter humores deprauatos. Alopecia etiam ex siccitate. Hic uidemus in hoc puero, ubi desiciunt pili, esse asperitatem: ergo est ab eadem causa, à qua fiunt crustæ. Nam ubi cranium est crassius & densius, ibi materia non potest transpirare, sed fiunt crustæ. Ideo circa posteriorem partem capitis apparent illæ pustulæ, & uidetur esse dispositio quædam proxima ad achoras & tineam. Ergo hæc duæ affectiones licet secundum sensum uideantur diuersæ, tamen ab eadem esse causa uidetur, scilicet humoribus deprauatis & intemperie cutis, quæ in hoc puero est maxima. Sed utrum illi humores deprauati ibi generentur, uel aliunde deueniant, inquirendum. Dico, utrumque potest contingere: potest enim aliquando fieri, quod nihil patiente cute, tamen materia ad illam demandetur. Sed in hoc puero uideo ipsum optime esse dispositum quo ad habitum corporis, colorem, & omnes operationes: unde non uideo, unde debeant multiplicari humores tam deprauati. Nam si humores aliunde demandarentur, & in membris naturalibus, ut hepate, splene, uentriculo &c. esset quædam mala dispositio, tunc circa cutem apparent maiora symptomata: & nihil est quod magis attestetur dispositioni hepatis & lienis, quam color, quem in hoc puero uidemus esse optimum, clarum & lucidum, propter spiritus bonos & lucidos quos habet. Vnde non uideo, unde possit deriuari humor ad cutem ex alijs partibus. Ergo dicendum, quod membrum intemperie laborat: & tunc contingunt duo. Primum, quod alimentum etiam bonum transmissum ad cutem corrumpitur, quia membrum est distemperatum, & calor eius proprius debilitatus, & humidum radicale consumptum, & ideo non potest pars illa exercere suas actiones naturales, ut expellere, concoquere, attrahere &c. quæ sunt propriæ cuiusque membro. Secundo contingit propter hoc, quod scilicet sunt aliqua excrementa in uicinis partibus, quæ necessario generantur in corpore humano etiam optime disposito in omnibus quatuor coctionibus: & hæc semper expelluntur ad partes debiliores.

Ergo duo patitur incommoda hic puer, propter intemperiem cutis. Primum, quod alimentum deueniens ad cutem, non potest confici: Secundo, quod partes uicinas pellunt sua excrementa ad cutem tanquam partem debiliorem, ut solet in corpore humano contingere. Ergo in ipsa cute est affectus, & est intemperies cum materia. Non dixi quod in principio contingerit intemperies sine materia, sed quod ex defluxu illius humoris elusus est calor proprius illius partis, propterea humidum radicale semicorruptum. Ergo habemus intemperiem propter humores, unde & habemus quare loco pilorum generentur crustæ.

Quid modo fuit in causa, quod ad cutem magis transmissa est materia, quam ad alias partes? Audio nutritum fuisse infectam, & generasse pessimum lac, uel propter intemperiem aliquam naturalem, uel alijs propter malum regimen, ut solent fieri: unde incidit iste puer in febrem longam, quam habuit usque ad annum quartum. In ea ætate pueri solent habere maximam debilitatem capitis, unde etiam non possunt se bene erigere illo tempore, propter nimiam humiditatem, & etiam caput turgebat temporis uisus illis esse maius. Vnde plurimæ ægrotudines capitis tunc temporis illis accidunt, ut sunt epilepsie &c. Et quia membrum imbecillius, natura defatigata longa ægrotudine, fecit crasim circa quartum annum: nam quartus annus est criticus morborum chronicorum. Et sic materia transmissa ad caput. Non tamen adeo fuit imbecillum caput, ut materia reciperetur ad cerebrum, sed natura illius pueri exillens fortis & ualida, expulit ad cutem partem ignobiliorē, & ubi semel incepit occupare cutem, mansit ibi et imbibita est: & sic subsecuta est ophiasis in una parte, et crustæ in altera parte, ut uidetur.

Habemus ergo causas propinquas & remotas huius affectus, & non contingit ratione alicuius membri principalis, ut solet plerumque accidere in his fluxibus. Quibus ita suppositis, apparet statim quid possim iudicare de eventu huius ægreditinis. Credo quod possit curari. Aegritudo est tantum in parte, & non habet radicem, nec in cerebro, nec in partibus naturalibus, quamvis possit quidem cerebro communicari nocumentum aliis quod propter uiciniam, sed tamen non insigne: quoniam illud membrum est sanum, cuius operationes sunt sanæ. Sed in hoc puero operationes cerebri sunt sanæ, ut apparet, ergo & cerebrum non est affectum. Sed tamen non facile poterit curari, quia intemperies illa est fixa & confirmata, & habitus iam factus, qui est difficile remouibilis à subiecto in quo est, ut & logici dicunt: durauit à quarto anno usque ad 14. Sunt ergo decem anni: sed tamen potest curari. Natura rei indicat nobis curationem convenientem. Nos scimus, quod ubicunque est aliquid præter naturam in loco, medicus debet attendere an hoc pendeat ab alio, an non. Si ab alio, illud erit curandum: sin minus, accedendum ad locum. In hoc puero nullum membrum est deprauatum, & ideo non credo esse opus curatione membrorum mandantium. Et ita tollimus totam illam historiam. Ideo credo quod non multum debemus laborare circa euacuationem. Bene uerum est quod tutius & sine dispendio erit, quod totum corpus antea euacuatur, sed non multis euacuationibus, quia corpus est bene præparatum. Ergo euacuatur alio quo modo, & præcipue cum simus in uere, in quo etiam sana corpora purgari solent. Leniatur ergo uenter cum cassia & hiera. Infrigidetur corpus, & ideo syrapi sint non admodum eleuari in caliditate, nec ita incisui. Nam illi humores sunt salii, quod testatur crustæ, quæ non sunt nisi ab humoribus calidis & adustis. Ideo autem non nego esse pituitam etiam, sed tamen dico quod etiam adustos humores habet, præcipue cum sit calidi hepatis, ut apparet, & temperatura declinet ad calidum & siccum, & fortasse nutrix genuerit in illo humores calidos, & solent bibere uina calida, & fortasse etiam habuit malos & corruptos humores: & utinam sciremus etiam aliquid de hoc, Deus nouit. Ergo darem ego syrupum de Cichorea, uel de endiuia. Vel ita facerem: darem syrupum de cichorea & loco aquarum, serum lactis caprini darem: hæc facerent apertione, absterfionem, & etiam infrigidarent: & credo hoc genus syruporum esse optimum pro hoc puero. Pro pharmaco darem agaricum cum cassia, quod est medicamentum convenientissimum, & potest educere omnes humores. Factis euacuationibus omnis spes mea (ut ingenuè dicam) esset circa localia, & rectificare intemperiem cutis. Calor est diuis & suffocatus, & tollendi sunt humores prauis. Primo igitur amouendi humores qui sunt in ipsa cute, scilicet excoctantibus. Secundo confortare in cutem, ne amplius reciperet excrementa membrorum, & conficeret proprium suum alimentum. Confortatur autem calor cum moderatè calefacientibus. Remoueantur humores illi mali abstergentibus & exiccantibus. Chirurgus fricat locum uel cum pannis asperis, uel cum squilla: sed cum panis asperis condensantur meatus: frictio cum squilla est mitior, & maxime conficeret. Et postea fiant lotiones quæ subtilius penetrant, & magis in profundum. Adderem & sulphur, sed cum lixiuo acri, in quo esset nitrum & sulphur: in principio enim non est statim utendum astringentibus. Postea facerem etiam linimenta abstergentia, ut est oleum amygdal. amararum, cum iride, centauro minori & maiori, & Gentiana, pane porcino, item clematitide altera, & aristolochia rotunda. Factis absterfionibus, leniter exiccandum & confortandum, & tunc deuenire possumus ad illa quæ recipiunt alumen, & etiam calchantum, si opus esset maiore excoctatione. Factis mundificationibus credo quod pili per se generabuntur. Sed si non oriantur, confortare locum, & nihil magis expediens ad hanc rem quam linimentum factum ex oleo amygdal. dulcium, ladano, & capillis Veneris puluerisatis, & ponatur super locum: nam plurimum facit ad pilorum generationem, & ad tollendum quicquid est circa radices pilorum. Oleum amygd. dulcium humectat cutem, si forte ex medicamentis

superioribus nimis exiccata esset. Et hæc sunt mutanda prout uidebitur, & affectio mutabitur. Victus sit exquisitus, quia hic maximam partem curæ sibi uendicat. Sic puto emendari posse, Deo uolente, hoc uitium.

De Achoribus seu Tinea capitis antiqua, post purgarum corpus & uaria ab alijs Medicis adhibita remedia,

Consilium II,

Primo abstineat à lacticijs, pascilibus carnibus antiquis, asibus pascistris, rebus frictis in sartagine, leguminibus, herbis crudis, uino dulci & crasso, & à uino nigro & turbido, à satietate & multitudine ciborum, post cibum à studio & exercitio pleno existente stomacho. Hæc ubi iste fecerit, sumat pilulas singulis septimanis semel, aut etiam bis si oportuerit, num. 3. hora una ante coenam, quarum descriptio est talis:

℞. Succī fumiterræ

Boraginīs

Chamædryos

ana 3 2.

Myrobalanorum chebulorum

Indorum

Citrinorum

ana 3 4.

Ellebori nigri

3 2.

Agarici electi

3 4.

Aloës

3 6.

Epithymi

Foliorum fenæ

Polypodij

ana 3 1.

Puluerizentur omnia, & permisceantur cum succis, & permittantur exiccari, & postea cum syrupo de fumo terræ fiat magdaleon: de quo formentur pilulæ pro singulis drachmis, tres, sumendæ ut supra. Item tondentur capilli usque ad cutem, postea utatur lotionē infra scripta saltem semel in septimana:

℞. Lixiij dulcis quantum sufficit pro una uice,
in quo decoquantur,

Aristolochiæ rotundæ

Panī porcini

ana 3 2.

Gentianæ

Rheupontici

ana 3 3.

Centaury maioris

3 2.

Decoquantur omnia ad consumptionem tertie partis lixiij, & cum eo lauentur caput, & exiceatur, semel aut bis in septimana. Deinde iungatur caput oleo infra scripto magistrali:

℞. Ireos

℞. Ileos	℥ 2.
Squillæ	℥ 1.
Centaurij minoris	℥ 2.
Myrtillorum	℥ 1.
Garyophyllorum	℥ 1. 5.
Olei amygdalarum amararum	℔ 1.

Ponantur omnia simul in uase uitreo bene obturato, & bulliant in balneo Mariæ lento igne per horas sex, postea seruetur oleum in Sole, remouendo ipsum tempore nubilo & in nocte, & hoc oleo illiniatur caput quotidie in introitu lecti, & post lotionem ordinatam à nobis.

Ad simplex œdema, in frontis parte superiore, uersus uerticem.

Evacuato corpore, & ordinata uictus ratione; fiat fomentum ex decocto chamomillæ in aqua salsa, quo foueatur locus affectus, spongia in eo madefacta. Deinde unguatur oleo chamæmelino & anethino.

De fistula in oculo, cum gonorrhœa, & suspicionem morbi Gallici; pro iuuenē Ferrariensi.

Consilium III.

VVENIS uiginti annorum singulis ferè duobus mensibus aut tribus laborat gonorrhœa, & urinæ magna difficultate. Et patitur duas fistulas, diuersarum naturarum, in utroque oculo. Ante duos annos laborauit affectione capitis, quam uulgo tincam uocant, & dicit, quod ex anno decimo ætatis inciderit in gonorrhœam. Vixit est Venere ante tempus. Ex naribus eijcit materiam uiscidam, & foetentem: ita ut, & ipse & assidentes odorem percipiant. Per creatum, excrementa purulenta, & potius uiridia. Hæc sunt symptomata. Deliquit in omnibus sex rebus non naturalibus. Est enim mercator. De fistulis oculorum est magis sollicitus, ideo de illis primo dicemus. In sinistro oculo fistula habet cavitatem intrinsecam, uix foris uidetur; cum comprimit, copiose aqua exit. In altero oculo est etiam cum cavitare, sed foramen seu orificium magis manifestum habet. Bis est curatus, & rursus redijt malum. Scire autem debetis, sicut Clariss. D.D. norunt, quo modo cavitates & sinus conueniant essentialiter, licet figura differant. Sinus, uel fistula, est solutio continui, in quibus est durities præternaturalis, quæ facit curationem difficilem, & interdum omnino non recipit, sed in figura differunt. Nam sinus in latum & profundum, fistula in longum, & angustum protrahitur, sicut tubæ. Nam ob hanc similitudinem fistula dicitur, & hac ratione difficilioris curæ sunt ambo. Vtrū modo hic sint fistulæ, uel sinus, non possum determinare: quia non uidi, nec possunt uideri. In sinistro credo esse fistulam, quia longior est, ut ex compressionem etiam prope partes remotiores apparet. Sed eadem est curatio. Quare de nomine non sum sollicitus, sed de cura, quæ semper longa est, ubicumque fuerit. Et hic difficilior etiam, ratione loci nobilissimi, operationum nobilium, & paucitatis.

Estq.

Estq; in loco conspicuo, ubi facit deformationem non recte curata. Ideo meritum sollicitus. Si ergo uolumus curare, oportet scire naturam, & causas annexas, quae fouent, & impediunt rectam curationem: quia ad locum accedere non possumus, nisi remotis illis causis. Perpeffus est gonorrhoeam. Est pessima ea, ratione signi mali, & ratione causae, quia natura habebat membra relaxata, praecipue uasa spermatica: & uirtutem tam retentiuam debilem, quam expulliuam corruptam. Ac propter debilitatem illorum locorum, reliqua membra solent committere sua excrementa. Per uiam causae, quia exiccat ille fluxus, & facit ariditatem. Subtrahitur enim alimentum membris spermaticis, quae semine nutriuntur, ut & Galenus refert. Ideo arescunt corpora, quae diu eo fluxu laborant, & perueniunt ad tabem. Hic incepit ab anno decimo, & singulis tribus mensibus his tandem patitur, quod signum est, non solum calorem naturalem, sed omnes uirtutes esse debiles. Deinde mercatores ab externis causis multa coguntur pati, & peccauit in Venere, quae ad exhauriendum corpus, & debilitandum nihil magis facit, ita caput quoque, quod ex defluxu seminis maxime debilitatur, redditum fuit imbecillius. Et perpeffus est ulcera adeo magna, ut Medici dixerint esse tineam, uel achoras Galeni, quae Arabibus Saphati dicuntur. Sunt autem ulcera emanantia in capite, quae diuersas causas, pituitam saluam, & putrefactam habent, & interdum aliquid etiam ex alijs humoribus, & uariae sunt horum species. Nam melicerides dicuntur, cum effluit melleus humor. Steomata, cum materia seu est similis: Athromata, cum pulticulæ. Semper autem habent dominium pituitæ, quoquo modo putrefactæ. Et habet adhuc uestigia in capite attestantia malignam humorum. Nunc quaeritur, cum habeamus causam fouentem fistulas, uidelicet uirtutes omnes affectas, quae multiplicant excrementa, & praecipue pituitam, quae admixta est cum bile, in iuvene habente hepar calidum, cum qua putrescens fit deterior, mordax, erodens partes in quibus figitur: Et magna imbecillitas capitis, multiplicantis excrementa: quaeritur inquam an non adlint alia, quae augeant, ut Morbus Gallicus. Ego de hoc non ausim affirmare, cum non habeam signa. Quod concubuerit cum mulieribus infestis, coniectura est: sed non est necessarium. Est tantum signum. Aditus est decocto ligni. Verum neque id signum est necessarium. Aditus est, non quia laborauit morbo Gallico, sed quia lignum sua uirtute exiccat, & roborat membra. Et quia dietam uictusque rationem meliorem habuit. Ceciderunt pili, hoc signum approximatur quidem ad rem: sed quia eo tempore ceciderunt pili, quo passus est tineam, non est mirum, cum sit propria passio, sequens illum morbum, ob corruptionem alimenti. Ideo quoque hoc signum non est necessarium. Sed potest contingere, ut perpeffus sit, & etiam nunc patiatur. Nam multi incidunt in eum morbum, etiam sine bubonibus, & ulceribus in uirga, & multis talibus occurri, qui propter hanc causam nolebant habere, & tamen habebant, ac potuissent sanari eos. Ideo nec affirmare certo, nec negare ausim. In curatione tamen non abhorrerem a decocto ligni, siue habeat, siue non, nihil impediet. Omni enim modo exiccando iuuabit eum, & membra confortabit. Ad curam igitur. Fistulae morbus factus, non fiens, & fluxus habet causas fouentes, quae continuo subministrant materiam. Ideo oportet intercipere fluxum, & tollere materiam, ac postea curare fistulas, quae si non fuerint curatae, etiam sublata materia, disfluat optimum oculi alimentum. Sed corpus primo curandum, quia uirtutes habet imbecilles, ideo praecipue utendum bona uictus ratione. Ac praecipue attendendum, ut curetur gonorrhoea, quae corpus extenuat. Id astringentibus post curationem fiet, postea caput, ne redundet excrementis, lotionibus, cum Maiorana & Sena roborabitur. Utatur deinde masticatorijs, non caput purgij, uidelicet Mastiche & Pipere. His factis, deueniendum a Chirurgo ad fistulas. In quibus occurrit caro, uidelicet callositas, toto genere praeter naturam, ea remouenda, sed hoc

fieri non potest, nisi prius aperiantur sinus, ut medicamenta operari possint, postea injicienda exsiccantia, & erodentia callositatem: mediocriter tamen, quia locus nobis. Habemus autem pro hoc Diachalcididem celebratam à Galeno. Item unguentum Indum sacrum. Sed hæc sunt officia Chirurgi, in quæ non decet nos intrumittere. Fiat igitur exquisita euacuatio, & detur decoctum ligni.

De lachrymali fistula.

Consilium III.

VBI CONFIRMATA EST QVEMADMODVM hanc esse audio, per scilicet annum, nunquam aliter remoueri uidi, nisi per cauteria commodissime applicata ab aliquo prudentissimo Chirurgo. Et quamuis innumera prope obseruauerim ab excellentiss. Medicis, omnia tamen semper frustra fuere tentata. Dixi enim igitur hanc puellam prius esse purgandam, deinde adhibendum esse cauterium, cum auro uel ære, omisso ferro. Ex ferro enim sit maior adustus, & profundior cicatrix. De fluxu saniei ab aure stante fistula, nullo pacto tentarim curationem. Est enim tanquam uersio quædam, qua suppressa, forte & totus oculus in deteriorem aliquem affectum incideret, proinde auris interea dimittatur.

DE CATARRACTA.

Consilium V.

MORBUS est peculiaris uni membro. Est primo querendum, quid sit quo ad nomen. Secundo, in quo loco sit. Tertio, quæ sit natura huius morbi, quia indicationes sumuntur præcipue à natura ipsius membri, in quo morbus est, & à natura morbi. Quantum ad nomen igitur, appellatur descensus aquæ, siue aqua, seu catarracta, quia factum sit aliquid circa oculi partes, sed est barbara uox, græci *νεκρωξ*, uocant, quali suffusionem, infunditur enim quidam humor ad talem locum, locus, ubi inuenitur ista aqua, impedit uisum, ergo oportet, ut sit in proximo instrumento uisus, non in coniunctiua, quia cerneretur, non in cornea, quia non impediretur uisus. Ergo uel in neruis opticis est obstructio, uel in primo instrumento uisus crystallino, quando diminuitur uel offuscatur, aut aliquid tale, uel est in humore uitreo, uel est in aqueo humore, uel in foramine uueæ. Inter corneam & pupillam est locus proprius descensus aquæ. Quod si esset in opticis, nihil aliquis uideret, si in alijs esset, nihil etiam cerneretur, sed apparet ista aqua: & qui operantur, penetrant coniunctiuam, & cum perueniant ad corneam, apparet acus per corneam, & uertunt acum, & remouent istam aquam, obstruitur illud foramen, & fit uel diminutio uisus, uel destructio. Et hæc tantum de loco affecto. Morbus non est mala complexio, quia non ob caliditatem &c. sed est morbus in compositione, in eo genere, qui dicitur in uia. Vitium enim est in compositione, circa formationem & hoc uel circa figuram, superficiem, cavitatem, meatum, magnitudinem, numerum, situm. Est ergo morbus in compositione, in uia seu meatu. Locus eius est ultimum foramen inter corneam, & uueam. Materia morbi est uiscosa frigida, aliquando autem ibi non est permanens, quia ascendit à stomacho, & fit ibi quasi nubes, ratione uaporum: sed non durat tale malum, & tales curantur cum Hieræ, dicit Gale. Aliquando uero est essentialis ibi humor, & habet firmam sedem, & talis est casus noster, quia hic est per essentiam, non per consensum.

Materia

Materia enim est pituitosa, uiscosa, & crassior, & est ibi per essentiam. Talis materia tripliciter diuersificatur, uel secundum quantitatem, uel secundum substantiam, uel secundum colorem. Sed in quantitate, quandoq; ita multa, ut occupet totum oculum, quandoq; partem superiorem, quandoq; inferiorem. Aliquando uariatur secundum modum substantię, uel quia ista aqua crassa, uel tenuis, uel aquosa. Quandoq; secundum colorem, quia interdum coloris albi est, & clari, ut margarita orientalis, uel fusci uel luidi, uel est tendens ad flauedinem, uel citrinus color est tendens ad luteum. Si secundum quantitatem, ex forma apparet. Si in medio erit tantum, uidebit omnia, quasi esset foramen in medio, si est in uno angulo, tum ex ista parte manum oppositam non uidebit. Si est inferius, uidebit tum superius, & contra si tenuis est, facile mouetur sursum & deorsum clauso altero oculo, ex quocunq; etiam adueniente motu. Si est crassa, non mouetur, & est pessimum signum. Colores uidentur facile. Quę ē pauca materia, est melior: & quę tenuis: non debet tamen esse nimis tenuis, quod ita non potest deponi cum acur: neque nimis crassa, quę est alba, est melior, reliquę habent partes terreas, & adustas, maxime si ad fuscledinem declinant. Quę est carulea, est melior. Vbi est catarracta, ita, ut nihil uideatur, nec manus, nec lux, casus est desperatus. Si ex mediocri motu mouetur, sed non diuellitur à loco prorsus, ibi tunc est matura. In casu nostro macula uidetur in loco dicto, occupat totum foramen, habet uel nulum, uel paruum motum, colorem tendentem ad fuscum. Miseret me eius, quia est pauper, & uix curabitur. Quid faciendum? hic est materia & obstructio, ergo pertione indiget, indicatione sumpta à morbo, ideo abstergendum, uel aperiendum. Si aperire uolueris, destruetur pupilla, & indurabitur, si adhibebitur abstergium, corrosionem faciet, quare cum abstergentibus & aperientibus nihil poteritis operari. Si enim leuia erunt medicamenta, nihil facient, si fortia, destruent oculum. Ergo ad acur confugiendum, si debet fieri operatio. Sed corpus prius purgari oportet bene, & est hic uir, Alexander nomine, in hac parte peritus, & tempus optimum est operandi, quia luna in oppositione, & incipit declinare, & huius est ratio Physica, non Mathematica, quia humores tunc maxime ad superficiem deueniunt, & tota materia tunc bene ad ultimum foraminis deuenit. Quare optime remouebitur, & remota non crescet, etiam iste humor, quod facile fieret alio tempore inconuenienti, ut si luna crescente deponeretur, esset periculum, ne ascenderet rursus. Quare melius tempus est, quando luna est in oppositione, sed incipit decrescere, & tempus sit medium inter calorem & frigus. Post depositionem experimentatores ouum cum croco apponunt, sed crocus est maturatiuum, uolunt maturare, ubi nihil est maturandum. Oportet repercutientibus uti, ouum totum cum uitello solum adhibeatis, quia reprimat, & sedat dolorem, & accipiat pilulas Cocciarum 3 4. fiantq; pillule quinque, cum aqua foeniculi. Dicunt illum esse rusticum, tamen uix efficient pillule istę tantum, quantum in delicato calsia. Postea dandus syrupus hic:

13. Succi rosarum

Rutę

Foeniculi 3 4.

ana. 3 6.

Sacchari q.s. fiat syrupus, de quo detur singulis diebus.

3 2.

Aquę foeniculi

3 3.

per octo dies aut longius.

De tumore

De tumore duro maxillæ dextræ,

Consilium sextum.

IN hoc iuvene consideranda est ægrotudo, in loco particulari, quæ sita
 tis temporibus, non semper contingit, sed habet periodos: Circa maxilla
 lam dextram tumor dilatatur à mento ad aures, atq; inter hæc membra
 medium locum occupat. Audimus primo, antea cum fuit aliqua duriti
 ties in dextra parte faciei, chirurgum tentasse maturare, ita attraxit ma
 teriam, & facta est inflammatio in loco, & cum uidebatur illi suppuratio, incidit, &
 effluxit sanies. Fuit igitur hoc initium, & post hanc duritiem ita curatam ad ulcus de
 senit, ita ut certis temporibus in eo fiant crustæ, quæ decidunt adhibitis medicamen
 tis. Nunquam tamen liber est, & etiam nunc fit crusta certis temporibus ac periodis,
 itaq; cogitur consulere Medicos. Sunt autem tres anni, cum fui Teruisij, & uidi in ea
 maxilla magnum tumorem, & consideraui, & percunctatus de percunctandis, dixi
 esse propter caliditatem hepatis, ut deinceps ostendam. Et narratit mihi cauterium
 sibi factum esse in brachio, quod ego non damno, etsi in crure maluissim. Exhibui
 medicamenta disertentia, & refrigerantia. Medici uerò noluerunt ea, quæ iussi face
 re, inde semper incidit in deteriores affectiones. Nunc accessit ad E. V. & fuit ali
 quo modo curatus, sed non plene liberatus. Ideo rursum quærit curationem, ac petit
 sibi prouideri, ne incidat in talia. Video autem quod habeat ulcus cum escchara, ubi
 escchara non prouenit à causa externa, sed interna, uidelicet humore acri, & calido
 inducente esccharam, inflammatur locus ille, & fit inflammatio purpurei coloris, quæ
 tendit ad rubedinem. Et ita ex colore, & ex crusta iudico materiam esse calidam.
 Talis materia igitur calida est, & adusta, & quia ea defluit, certe defluit ab aliquo ter
 mino. Proponuntur duo membra, à quibus potest defluere: ut caput, à quo potest
 defluere ad maxillam, uel possunt ascendere uapores ab inferioribus per uenas, et
 go potest esse à superiori, uidelicet à capite, uel ab inferioribus, ut ab hepate. Quod
 hic mandat, an utrumq;? Ego non possum determinare id, quod non indicetur ab ali
 qua ratione. Percunctatus sum, nunquid antea habuerit defluxum à capite, aut apo
 stemata circa Adenas? Nihil dixit prorsus se habuisse, nonnunquam aiebat se catar
 rhum habuisse. Sed ex interrogatione diligenti non potui rimari, & in coniecturam
 rationabilem deuenire, quod sit caput læsum. Nam illud membrum, cuius actiones sa
 næ, læsum non est, neq; cognoscimus membrum læsum, nisi eius operationes læsæ,
 siue istæ uitientur, ut sit morbus uel dispositio morhosa. Nec inuenio ista, quæ sen
 sui appareant. Cum igitur non sit in capite læsio, accessi ad alia, & quia omnes hu
 mores generantur in hepate, consideraui illud. Video in eo colorem subnigrum, am
 plitudinem uenarum, habet pilos multos in capite, est in alijs partibus sine pilis pro
 pter ætatem, est satis musculosus, circa superiora magis quam inferiora. Quæ signa
 sunt hepatis calidi, nam tales habent sanguinem calidum, qui magis nutrit partes su
 periores. Est igitur habitus calidi, & hepatis calidi. Cum igitur hepar calidum plus
 generat de bile, & humore adusto, sanguis duplex est, uidelicet pituitosus, cum non sit
 perfecta concoctio, & deinde superaffatus. In hoc igitur iuvene cum hepar sit cali
 dum, in quo generantur quatuor humores, iuxta gradum hepatis plus de calido, uel
 adusto generatur. Contra, si frigidum, plus de pituitoso, & aquoso humore genera
 tur. Ad tale hepar accesserunt causæ extrinsecæ, quæ id potuerunt præstare, ut fierent
 ægrotudines: Est uenator, exercitatur, incalescit in sole, utitur etiam uinis potentibus,
 quod inflamat adolescentes. Utitur etiam cibarijs calidis. Habemus hæcenus mem
 brum, quod mandat excrementa sua ad illam partem, habemus terminum à quo fluit
 illa materia, & terminū ad quem, & quod fluit ad dextrū, quia natura seruat, *æst* *isq;*
 rectitudinem in fluxu. Vnde Medici cum uolunt auertere, seruant quoq; eam re
 ctitudinem. Defluit igitur materia ab hepate, uel sub forma uaporis, uel humoris, uel
 utroq; modo. Cur igitur fluxit ad maxillam dextram, non ad brachium? Merito id

factum, quia apparuit durities circa locum illum, & fuit male curata. Cur fuit tibi pustula? Hoc est, ac si queras, cur in hac parte vulneratus? quia erat illic commoditas vulnerandi, & ita tibi materia delata sursum. Audiuimus etiam, quod male fuerit curatus, habuit duritiem quandam, tentata fuit maturatio, talia calefaciunt locum, & relaxant, sunt enim calida & humida. Vnde Galenus prohibet, dum materia defluit, ne applicentur maturantia. Et est hoc pessimum, præparant enim locum relaxando ad fluxum. Cumq; ita fuerit curatus ab inflammatione, debilitatur locus, & ita paratus fuit, ut fieret imbecillior, & excrementa ad imbecillio rem partem mandantur, facta est ins becilla pars ob malam curationem, ob longam ægritudinem, & ita aggregata materia, quam natura expellere tentat. Ac audimus, quod hoc anno prius ualuit, & inflammatio augetur & minuitur, iuxta collectionem materie. Accidentia iam sunt nota. Video duritiem, quæ uidetur esse per totam maxillam, ubi erat eschara. Quæ causa duritiei est? Credo, quod sit materia adusta, quæ permansit in loco, nam cum applicamus resoluentia, resoluuntur tenues partes facile, & crassa permanent, quod facile alteratur, tollitur, terrestre permanet, idq; difficulter dissoluitur. Est hic inflammatio, video foramina, quæ arguunt materiam fluere ad illum locum, quæ est acris, corrodens, calida. Et ita credo, quod est materia calida, cuius gradus multi sunt. Si est adusta, petit cutim, epidermin, & sit herpes, & quando magis adusta, sit herpes miliaris, & quanto plus acquirit adustionis, tanto minus serpit: sed magis erodit. Hæc materia non est ita in extremo, quæ posset facere herpetem phagædenicum, & ita tenuis non est, ut serpat. Quomodo igitur appellanda, uel lichen uel impetigo? Sed cum habeamus naturam eius, de nomine, non ita sum sollicitus. Potest fieri, quod sit lichen, quia Celsus dicit lichenem occupare locum circa mentum. De nomine itaq; dicam nihil amplius, cum de re, & natura nobis constet. Paucis procedam, quia erat curatus, habet chirurgos tantum sollicitos, ne incidat in talia, queritur qua arte procedere debemus, ne in talia incurrat. Faciam Prognosticum. Quando deueniet ad maiorem ætatem, fiet adustio humorum quoq; maior, & nisi sibi cauebit, incidet in morbum aliquem malum, ut cancrum phagædenicum. Natura morbi indicat, quid faciendum. Est membrum mandans calidum, generat humores adustos, qui euacuandi: Ne generentur contempera hepar, & membrum, ne recipiat, corrobora. Dux igitur indicationes, una propter membrum mandans, altera propter recipiens. Ego procederem ita: Exquisite purgato corpore, quod optime factum est, ab Excellentissimo Frisimelica, curarem, ne generarentur amplius humores adusti. Ad aliud uero, ad alterationem: quod hepar plus æquo calidum debet alterari, proponitur aqua Veronenfis Calderiana, quia habet uim refrigerandi, & ultra hoc etiam corroborat: eam uellem exhiberi extra & intra. Audio illum habere tumorem lienis, non mirum, quod eum habear, quia abundat humoribus adustis. Quare prodest ei ferrum, & electuarium de scoria ferri, quod tollit obstructions lienis. Et laudo, ut singulis annis utatur his balneis. Temporibus intermedijs uti uellem eum saccharo rosaceo. Fugiat exercitia ualida, & uinum forte ne bibat, & a cibis calidis abstineat, ac alias res alterantes deuitet. Exterius unguentum rosatum Mesues, & alia possunt adhiberi. Est unum, quod hepar non facile potest alterari, ne generet humores adustos. Volo, ut fiat cauterium in crure, quia in omni auersione, ubi terminus à quo & ad quem, non debemus, retrahere per eundem impetum humorem, fuit ab hepate, & uolumus retrahere ad brachium: non retrahes, imò attrahes. Sed tu uolens retrahere, retrahe ad crus, & impedies impetum humoris. Hoc antea quoq; laudati, & nunc dico, uerum idem repetendo, quod omnino faciendum est cauterium in crure, quia proderit, sicut nocet illud in brachio. Quare id in brachio factum consolidetur. Habeat quoq; res ætam uictus rationem. Circa locum læsum, quia percipit influxum, laudo succum Solatri, cum oleo rosato completo, ut in plumbeo mortario, pistillo plumbeo ducatur, hoc etenim repercutiet, & confringet locum ne recipiat, & inflammationem tollet, id quod erit ad præseruandum bonum.

De Apostematibus canerosis in naribus
pro Nobili Germano.

Consilium VII.



VT possit conservari atq; etiam præservari sua dominatio, oportet ut habeat rationem diligentissimam circa omnes res non naturales, & primo circa aërem, cū ferè tota causa suæ aggritudinis sit vitio cerebri, quantum fieri potest, evitabit omnes excessus aëris, tam calidos quàm frigidos: unde ventos tam australes, quàm boreales effugiet, & moram sub sole. Quòd si cogatur equitare vel flantibus ventis, vel sub sole, curabit omni artificio, ut muniat caput ab omni offensa. Cauebit à pluuijs, & ne aliquid habeat in capite humidum, neq; capillos madidos, sed confestim si pluuijs se casu obiecerit, exiccabit caput calidis linteis. Et eadem ratione vitabit loca humida & terrena, & nocturnum aërem, vel noctu apertis fenestris dormire. Cauebit à meridiano somno. Surget diluculo, atq; excretis superfluitatibus consuetis, exercebit corpus, & negocia sua peraget. Post prandium studebit quiescere, neq; scribendo, aut aliquid ubi mentis labor accesserit agendo, se defatigabit. Conabitur iucunde viuere, atq; omnes animi molestias evitabit. Bis tantum in die comedet, neq; bibet intra prandium & coenam. Dum equitat, parce ptandebit, uberius coenabit, & hoc erit commune quotiescunq; post prandium aliquod magnum exercitium sit facturus. In reliquis temporibus par erit prandium & coena, & neutrum ad satietatem. Ciborum electio talis erit. Carnes iuvenes omnes edat, præter agnorum paruorum & potcellorum: à porcis tamen siue iuvenes, siue senes fuerint (meo consilio) omnino abstinebit. Vitulina, castratorum iuuenum, leporum, hœdorum, aulium omnium campestrium quæ non degunt in aquis, pullorum omnium, conueniunt. A piscibus cuiuscunq; generis quantum fieri potest abstinebit: ab omnibus rebus frictis in sartagine, à lacticijs, præcipue caseo antiquo, ab omnibus oleribus, præsertim syluestribus, ab ouis duris: recentia uerò mollia, si in cinere calido vel in aqua decoquantur, utiliter sumi possunt. Hæc ferè ratio victus erit illi præscripta. Quantum uerò ad medicinas attinet, bis singulis annis ipsum purgandum consulo, autumno inquam & uere, neq; omnino prætermittendum, donec omnino motus extinctus fuerit. Purgatio erit huiusmodi:

℞. Floris calsiæ.

3 2.

Specierum hieræ simplicis.

3 2.

Cum zucharo fiat bolus.

Item:

℞. Syrupi de fumo terræ simplicis.

Acetosi simplicis

ana 3 2.

Aquæ endiuizæ.

3 4.

Misce pro uno, & sic pro quinq;.

Deinde uerò:

℞. Confectionis Hamech

3 4.

Syrupi rosati solutui

3 4.

Misce, & fiat potio danda in aurora cum custodia. Post hanc medicinam laudatur autumno quidem sumat meos syropos de elleboro, quorum descriptio in tractatu nostro de morbo Gallico habetur. Vere autem post calsiam assumptam, & unum aut alterum syrupum, mittet sanguinem è uena communi dextri brachij, extrahendo circa uncias quatuor sanguinis; sed postea non sumat syropos de elleboro. Hæc erit

b b 2 purgæ

purgatio. In temporibus uero intermedijs, ut continuo disertatur materia, laudo ut semel in septimana saltem sumat unam pilulam ex descriptione infra scripta:

℞. Agarici electi,	3	2.
Aloes optimæ.	3	4.
Rheubarbari electi	3	3.
Cinnamomi.		
Garyophyllorum.		
Spicæ.	ana	3 1.

Puluerizentur omnia per se, deinde misceantur, postea cum succo rosarum puro aspergantur, & dimittantur exiccare, atq; ita iteretur septies. Postea cum melle rosato fiat magdaleon, de quo fiant pilulæ singulis vicibus numero tres pro dragma una: ex quibus sumat unam per horam ante cenam, sine custodia, semel in septimana. Deinde permittet sua cauteria in brachijs, sicut sunt, aperta; imò si adhuc his omnibus peractis materia descenderet, laudo ut cauteria etiam multiplicentur, & duo fiant circa pulpam & partem carnosam utriusq; spatulæ. Circa uerò locum nasi, ego nollem transire unguentum infra scriptum, si quandoq; ulcus aliquod emergeret, uel perseverarent reliquæ antiquorum. Descriptio unguenti talis est:

℞. Tutia optime præparatæ	3	1.
Succi solatri	} depuratorum ana	3 2.
Succi plantag.		
Olei rosati completi.	3	3.

Atteratur tutia diligentissime in mortario plumbeo cum pistillo plumbeo: postea paulatim addantur succi, & oleum rosatum, semper magis ac magis confricando cum dicto pistillo per totum diem: ultimo addatur modicum ceræ liquefactæ, & fiat hæmamentum pro loco. In singulis septimanis fiat capitis ablutio talis:

℞. Lixiuij dulcis quantum sufficit pro una uice,		
atq; in eo decoquatur agarici,	3	1.
Rosarum.		
Maioranæ,		
Betonicæ	ana	man. 1.

Et cum hoc lixiuij, & aliquo sapone aromatico abluat caput.

De Apostemate maligno, polypo scilicet in naribus, ad cancerum accedente.

Consilium VIII.



Asus. Nobilis hic annorum triginta, toto reliquo uitæ suæ spacio sanus, & quead sibi uidetur optimæ constitutionis, sub annum ætatis duodecimum, incidit in fluxum sanguinis narium, sine aliqua causa extrinseca notabili. Nihil enim in uictus ratione mutauerat, nisi quod uino uteretur paulo meraciore, non ultra modum tamen, sanguis effluens, sicut & quæ hodie effluunt, ei frigidiore uidentur, is fluxus cum diu duraret, ac quotidie etiam angeri uideretur, ac postmodum cum se in Italiam conuulisset, in tantum accresce-

crederet, ut quotidie tribus uel etiam quatuor uicibus sanguis e naribus fluere, sine aliquo tamen capitis dolore, eo molestia perduxit hominem, ut cum 9. annis continuis per eam corporis partem natura se exonerasset, ipse contrarium plane conaretur, & cum fluxum uisistere intenderet, consuluit Vrbinum, qui tunc Patavij primus erat, sub annum ætatis 21. qui etsi omnino dissuaderet, & hæc incommoda quæ interrim secuta sunt, omnia prædiceret, precibus tamen eo perductus est, ut exhibitis medicinis per os, & aperta uena sine localibus sanguinem listeret. Ipse paulo post bene secum putans agi, sine aliqua uetus ratione uixit. Sanguis autem qui per nares efflueret solitus erat, cum illic impediretur, alias quæsiuit uias. Ac primo aures infestans, meatusq; illos obstruens, sensum auditus per sex ferme menses plurimum impediuit; tenuit & oculos, nihil tamen neq; hic neq; illic effluxit. Vitimo usitatam suam uiam aggressus per fauces, & per os partim effluxit, partim in naribus refedit & congelatus est: ita ut cum ui digitis inde erueret conaretur, nares eo pacto quo apparet, deformaret. Hoc ad quinque annos post illam suppressionem sanguinis factum est: in quo eoto tempore nulla adhibuit remedia alia, nisi quod uenas interdum aperuit (sub lingua etiam quandoq; id ter uel quater in anno) & corpus medicorum consilio aliquoties leniter purgauit, iam quartus annus agitur, ex quo sanguis ille, qui narium meatus (sicut dictum est) obstruxerat, nescio quo pacto colliquatus est, & ipse ad hunc defluxum humiditatis cuiusdam continuum deuenit, ex quo primum alæ narium ruptæ, & deinde apostemata, quæ sub naribus apparent, orta sunt. Continue enim fluit & eum molestat, nisi pannis lineis nares obstruat. In hoc tempore à Chirurgo uarie uexatus est, semel potus ligni illi exhibitus est, bis suffumigia duodenis septimanis pertulit, aliquoties etiam pulueribus erodentibus succurrere apostematibus uoluit. Nihil profecit tamen, sed potius fluxum augeri & ualidiorem reddi, malumq; latius serpere sensit, ciborum delectum nullum unquam habuit, nisi quod carne porcina abstinuit. Vino satis grandi, non nimis tamen immoderate usus est; in somno & reliquo totius corporis habitu nihil plane sentiens incommodi. Montanus dixit fluxum illum à causa extrinseca uiolenta scilicet sanguinis obstructione ortum; ac Vrbanum dupliciter peccasse: non solum quod fluxum represserit, sed quod eo represso fluxu, nullum regimen uitæ ordinarit, nec alias diuersiones fecerit. Esse apostema illud polypum completum ex materia adusta melancholica maligna, accedere ad cancerum ulcerosum. Victus ratione exquisitiore uti uoluit, abstinere à carnibus antiquis & salitis, bubulis etiam & porcinis, ab omni genere piscium, à caseo & lacticiis omnibus, à frictis in sartagine, leguminibus, & omnibus herbis, comedere tamen carnes uitulinas, hœdinas, pulli iuuenis, far quoq; bene coctum, iura pulli & gallinarum, oua recentia, sorbilia, non dura nec fricta. Vinum bibere tenue, album, pauciferum, pro euacuatione corporis, lenituum dedit. 1^o. Electuarij linitui 3 12. Bene operatum est, & tionitum aurium quem aliquot diebus senserat, remouit. Syrupus.

1^o. Syrupi de fumo terræ.

Syrupi de pomis simpl.

ana

3

1.

Syrupi Sabor Regis

3

1.

Aquæ borraginis. 3 3. Misce pro uno & sic pro alijs.

Post tertium Syrupum, extractus sanguis e basilica dextri lateris, ad 3 7. sanguis noster melancholicus & pituitosus ualde, post quintum syrupum dedit hanc purgationem:

1^o. castæ nouiter extractæ

3

1.

Agarici præparati.

3

2.

Mis. cum zaccaro, bene eduxit, ita ut ad sensum etiam materiam ex capite descendere sentiret. Post sanguinis missionem & purgationem uoluit, ut nares & locum apostematis inungeret ter in die, tali linimento:

1^o. Succo solatri purificati

3

3.

Olei rosati puri completi

3

4.

Malaxentur omnia simul in mortario plumbeo cum pistillo plumbeo, donec crasset

b b

3

fiat. Idem

fiat. Idē per plurimum tempus, & per 4. horas faciendum, donec linimenti spissitudine affequetur, quo inungat alas narium intra & extra, & ipsum apostema cum penā ter in die, sicut dictum. Hoc unguentum sanum visum est ei, & lenire dolorem fluxionis, & ipsum apostema mollescere. Post purgationem die sequenti usus est ante prandium & cenam 3. ℥. zaccari rosati, sequenti die decoctionem suam ex helleboro exhibuit, cū sacchari sufficienti quantitate syrupizatam, & in sero lactis caprini, quod calores nimium metuerit, octo vicibus, non sex, ut alioqui solent, totū accepit beneque successit: eduxit enim 7. uel 8. vicibus per diem, sine molestia & lassitudine aliqua, materias nigras & melancholicas. Post hos assumptos syropos alumen adieciū expirari uoluit in loco affecto, ut uideret, si quæ remedia fortiora ferre posset, sed id non ita statim succedere uidebatur. Itaque post absolutos syropos ad operam manualemente accedendum statuit, dum corpus purgatum esset. Vocatus Chirurgus, omnia experientia duxit, antequā ad ignita cauteria accederet, quod malignitas ulceris supradicti unguento remota esset, ita ut causticis facile celsurū uideretur. Propter suspicionem igitur morbi gallici, quod eo illū laborasse, nec bene curatū esse, Vuula ablata & signata cerum (hæc sanata) in faucibus offenderent, uoluit ut ligni potum assumeret, id factum iuxta ordinationem Montani. Chirurgus postea loco unguenti applicauit emplastrum diachalcitis, & aliquot diebus post, pulueres quos arbitramur ex Mercurio sublimato esse. Sed uidebatur res uergere in deterius. Ideo Montani cōsilio Venetia abiit ad ueterem Chirurgum Treuisanum, is statim pro secundario decocto aliam aquam bibendam exhibuit, ex decocto certarum radicum, quam etiam inspergebat naribus primo, deinde aperuit eas aqua erodente, intincta in illa bombice, & imposita quatuor uel quinque vicibus, apertas deinde sanauit emplastro diapompholigos, ad discessum cauteria fecit in utroque brachio, prope posteriorem partem humeri, ut diuersio magis per opposita fieret; quia uero tumor sub naribus erat, pulueribus erodentibus, & unguentis dictis erodere nolebat. Ultimo adussit ære ignito, & postea subito cerussam coctam adhibuit, ad prohibendam inflammationem, deinde unguento diapompholigos sanauit. Rubedinem uerò relictam unguento masticino sustulit. Ultimo canaliculos plumbeos fieri curauit, quos naribus imponderet, ne meatus iterum obstruerentur, & uel similia uel deteriora causarent symptomata. Ita ex parte restitutum dimisit.

Pro quodam Polono narium ulceribus laborante.

Consilium IX.

℞. Tutie preparatæ	3. 1.
Olei rosati	
Succi solani	ana 3. 2.

Ponantur simul in mortario plumbeo, & malaxentur cum pistillo plumbeo, tam diu, donec habeant consistentiam conuenientem. Postea cum modico ceræ liquefactæ fiat unguentum molle, & feruetur ad usum.

Aliud.	℞. Sacchari	lib. i.
	Salis communis	℥. 6.
	Aluminis rochæ	3. 1.

Misce & distillantur in Alembico.

Guttula una immissa in pustulam, exiccat, sanat & incarnat.

Ad ambustionem faciei.

℞. Corticum interiorum sambuci	
Olei rosati completi	ana 3. 6.
Cerussæ	3. 6.

Misce & cum modica cera fiat linimentum.

Pro struma gutturis. Consilium X.



Iuxta rationem uictus, uictetur aqua cruda, frigida, cſbi craſſi, & uiſcidi, utatur aqua cocta, aut uino pauſifero. Octauo quoq; die, id eſt, quater in menſe accipiat Agarici præparati 3 1. s. uel 3 2. in forma pillulari, ſub decubitu, modo uelſperi inconatus dormiat, primis octo diebus à principio, lambendo mane, ſumat mellis roſati 3 1. uel 2. poſtea loco huius,

oximellis Scillitici tantumdem per quindecim dies. Exterius uerò applicet linimentum tale;

Ammoniac		
Bdelli		
Hyſopi humidæ	ana	1.
Adipis porcinæ eiſdem anni		2.
Croci		3 2.

Diſſoluantur gummi in aceto, deinde reliqua miſceantur ſecundum artem, & cum modico ceræ fiat linimentum. Ac cum uoluerit locum abluerẽ, utatur ad hoc uiſno albo.

Ad idem aliud remedium.

Fiat ſomentum in loco, cum decocto chamomillæ, anethi, & radicum althex, ſpongia in eo madefacta. Deinde inungatur unguento Dialthea, & applicetur lana ſaccida, & hoc bis in die. Deinde:

Agarici præparati		
Rhabarbari electi	ana	3 2.
Garyophyllorum		
Nucis Moſchatæ		
Zingiberis	ana	3 2.

Puluerizentur, deinde miſceantur & fiat magdaleon, de quo pro ſingula 3. ſiant pillulæ tres, quas ſumat bis in ſeptimana, hora una ante coenam.

Ad contuſionem brachij per caſum cum equo.

Consilium XI.



Commendator Cypri, curſu equorum cum Duce Urbini, priore de Roma & alijs, certans ad S. Antonium, forte fortuna cum ſuo equo tanto impetu, in alium quendam irruit, ut uterq; cum equo proſterneretur, & ipſe Commendator cum ſuo in brachium cecidit, ita tamen, ut nec fractum eſſet quicquam, nec loco ſuo remotum, ob metum tamen & ſubitum timorem, nec mouere poterat commodè ſurſum neq; deorſum, nec animo præſenti admodum erat. Montanus uocatur, intellecta forma, quomodo cecidiſſet cum equo in latus, & uiſo brachio, non inuenit alicuius periculi ſignum, ſed brachium ei ad omnes partes torquere nitebatur, quod ſatis proſpere ſucceſſit, & quia animo cõturbato erat, nec ſatis præſenti, iuſſit, ut aquam roſarum arte mixtam, illi olfaciendâ propinarent, ſtatim etiam exhibuit dyſtere commune, ex oleo & melle roſato, in brachio exterius ſupra radium & cubitum apparebat paruus tumor, quem cum tangeremus, maximo afficiebatur dolore, cum locum Montanus hac ſouit decoctione;

Abſinthij	M.	1.
Furfurum ſubtiliſſ.	M.	9.
Adipis anſeris	3	1.
Olei roſarum	3	3.

Miſce & decoquantur in 6 q. aquæ. Humerum & totum collum, in quo etiam dolores patiebatur ex caſu, unxit hoc oleo:

Olei roſati completi	ana	3 1.
	b b	4
		Iuſſit &

Iussit & incidi uenam basilicam ex latere opposito sinistri brachij, & extrahi sanguinis ʒ 3. cibum concessit eo uespere panatellam ex brodio caponum, & confusum pulli eiusdem. Voluit enim in principio liberalius nutrire ægrum, ut si opus esset in statum facilius de cibo subtrahere posset, potum dedit aquam coctam cum zaccaro, & in ea oximel.

Contra modernos, qui principio nimium detrahunt, & ita debilitant ægrum, ut in statu postea cum defecerint ex inedia uires cum summo interdum periculo nutrire liberalius cogantur, eo tempore quo cum morbo maxime natura occupata, cibo non onerari debebat. Sequenti die hora una ante prandium, sumere iussit hunc bolum;

ʒ. Floris calsiaz 3 10.

Rubez tinctorum puluerizatz 3 6.

Misce, & fiat bolus. Hoc seruato regimine euasit.

Ad abscessum exulceratum mollificandum & abstergendum.

Consilium XII.

ʒ. Hæsyti cerati descriptione Philagti 3 1.

Extendatur &c. aut sicc.

ʒ. Diachylon siue gummi.

Dialtheæ.

Myrrhæ.

Bellij.

ana 3 2.

Cum modico ceræ, renouetur ceratum, & extendatur in corio perforato in medio, & applicetur loco, ne attingat os abscessus.

Item ʒ. Mellis rosati.

Terebinthinæ. ana 3 1.

Farinæ hordei mundæ 3 2.

Misce, & singulis uicibus addatur modicum uitelli oui, & ponatur in filamentis, & imponatur in Apostemate pro digestionem.

Ad uulnus in brachio tumefactum.

Consilium XIII.



Rachium quidam habuit tumidum, quod musculus exterior latus fuerat ex ictu. Aderat nonnihil materiæ, & præterea duo ulcera saniosa. Montanus pro resolutione illius materiæ hoc adhibuit.

ʒ. Radices consolidæ maioris. N 3.

Bulliant in uino claro minime austero, cum modico melle rosato, Deinde facta diligenti expressione & colatura.

ʒ. Farinæ fabæ & hordei ana M. 1.

Misce cum colatura & tumori apponatur.

Erat is tumor in articulatione ulnæ cum humero, ita quod illius articulationis motus omnes amiserat, extensionem, reflexionem, & in circulum ductionem.

De brachio

De brachio uulnerato, & omnium principalium membrorum influxu destituto.

Consilium XIII.



Historia clara est, & satis constat quod multiplex sit læsio in illo brachio, & quidem tot modis quot sunt principia. Primo est principium sensus & motus. Secundo, principium uirtutis uitalis. Tercio, principium uirtutis nutritiue. Et quodlibet horum principiorum habet suos riuulos. Primus sunt nervi, per quos deriuatur uirtus sensitua & motiua: per arterias defertur calor & spiritus: per uenas uis nutritiua ab hepate. Hi tres riuuli sunt aliqua ex parte læsi, & secundum huius læsionis proportionem est affectus. Arteria fuit incisa & nervus. Et nos ex quadam necessitate consequentiæ concludimus, licet medici id nobis non indicent, quod etiam uenæ sint læsæ. Hinc sequitur quod non nutritur, quia uenæ non deferunt sanguinem, & percipit etiam perpetuam frigiditatem in isto brachio. Motus læditur propter nervos: sensus etiam. Hæc est res quæ sensui patet. Sed illud est dubium, utrum hi riuuli, scilicet nervi, arteriæ & uenæ, ita sint incisi, ut nulla planè sit continuïtas: an sint ex parte incisi illi riuuli, an plane non sint incisi, sed potius propter materiam influxam sint obturati? Ego incipiam ab arteria & uena. Oportet credere historiæ. Omitto puncturam illam factam ex uulnere: sed quia fecerunt incisionem magnam, & cauterium etiam adhibuerunt Medici illi pro sanguine sistendo, quod cauterium adurit uenam, & obducit callum, & sic constringitur: ergo probabile ualde, quod illa uena separata sit in totum: & quia ignis exiecit, & hinc uena facta breuior, & sic non potest bene continuari, quia ad hoc ut continuentur & consolidentur, requiruntur duo, ut sint molles, & ut se inuicem contingant. Sed hic sunt duo: Primo, ignis qui adulsit, & fecit partem duriores. Et secundo etiam breuiorem: & sic & propter duritiem, & propter breuitatem non potuerunt hæc continuari, & sic non est liber transitus sanguinis & spiritus ad partes inferiores. Et ita credo, quod illæ uenæ & arteriæ sunt incisæ, & habeant cicatricem non facile consolidabilem. Vtrum sint omnino interceptæ & separatæ secundum totum, & quod partes planè distent, & factus sit callus tam in parte superiori quam inferiori? Ego non possum certo dicere, sed credo quod plane sint discissæ, & hoc ex coniecturis meis dico. Quo ad nervos est facta læsio. Motus resolutionis in manu & erectionis est impeditus, & nonnullorum digitorum: & credo, quod omnes illæ læsiones non sint æquales, & non omnes ex uulnere. Nam illi nervi qui sunt incisi ex uulnere, non recipiunt curationem: & non possunt consolidari: & cum sit uulnus in una parte, non credo, quod omnes nervi sint æqualiter læsi, sed facto uulnere, debilitatur locus, & ita affluit materia: & recipitur etiam in nervis, & propter frigiditatem & crassitudinem illa materia non facile resoluitur, & sic facta est obstructio. Et non solum hæc læsio est ex uulnere, est etiam læsio in sensituiis nervis, & etiam motiuis, & sic credo illam læsionem neruorum esse ualde diuersam, & non solum ex uulnere. In superiori parte etiam non habuit motum: nunc autem incipit mouere humerum, cum antea non potuerit, quia materia affludit ad illam partem. Unde sæpe euenit, quod uulnerato pede sit bubo, propter interceptionem materiæ. Ergo nunc mouet humerum propter medicamenta quæ adhibita sunt. Ergo quantum est incisum, est incurabile, & quo ad nervos, & quo ad uenas & arterias. Qui uerò sunt obstructi & refrigerati propter affluxum materiæ, hi poterunt curari, & maxime cum antea fuerit catarrhus: non enim potuit mouere humerum, quem iam mouet. Quantum ad torturam oris sum anceps, an aliquid sit incisum: audio tamen, quod continue melius habuit, & sic credo quod etiam materia defluxit ad illum locum. Sed quod est incisum non curatur, quod tamen certo non scio.

De cura

De circa. Omnino tentet resolutionem, & non potest sequi nocumentum, si recte fiat ea resolutio. Utatur perpetuo resoluentibus, sed misceat cum mollientibus, ne quod subtile est resoluatur, & pars gypsea relinquatur. Utatur ergo his inuicem. Mollientia sint calida & sicca in secundo gradu, quia materia est crassa, ut crocus, bdellium, myrrha. Emolliatur cum pinguedinibus & oleis, ut oleo amygdal. dulcium & chamamelino; item lapide pyrite, quod Gallenus dicit esse magicum. Vtrum lutum Sancti Bartholomaei conveniat & foueat illae? Placerent, sed oportet considerare quod ad illa ualida resolutentia egemus multa preparatione corporis, & est corpus cacochymum, & hoc tempus ineptissimum est pro purgationibus, & maxime in corpore cholericum, ut istud est. Ergo balneum differatur usque ad Septembrem, & quia corpus non est preparatum, opportunum tempus expectetur. Interim tamen aliqua cerata uel emplastra applicentur, ut est oxycroceum illud, quod ponatur supra totum brachium, & singulis quindecim diebus remoueatur. Hoc consului in quodam iuvene nuper, qui amiserat motum in brachio, & nunc optime incipit se habere, & mouere brachium.

De Tuberculo circa Thoracis regionem lateris sinistri, pro generoso Domino à Strubenbergo Germano.

Consilium XV.

Tuberculum uel eminentiam illustissimi domini circa thoracis regionem tam in posteriore quam in anteriori parte existentem in latere sinistro, sicut esse non puto, propter luxationem alicuius uer-tebrae uel ossis in thorace, ita credo fieri non posse sine aliquo leui motu eorundem ossium à proprio situ, quem pararthrasin Graeci appellare consueuerunt. Indicio est maxima durities in parte eminente apparens, quae à nulla scirrhi specie produci posset. Cum ex ea uero nulla adhuc actio impediatur sensibili nocumento, ideo praeservatione potius indiget quam curatione. Praeseruetur igitur primo cum recta uiciis ratione, deinde cum medicamentis commode applicatis. Quantum ad uictus rationem attinet, non erit in primis contemnenda aeris dispositio: nam & maximum frigus, & ingens calor, aequaliter contrarijs rationibus nocere possunt. Vitabit etiam usum balneorum aquarum calidarum, & diutina moram in uaporarijs nimium calefactis. Utetur moderato exercitio, & praecipue inferiorum partium, deambulando commode: etiam brachium dextrum exercebit cum ense, aut aliquo tali instrumento. Luctam fugiet, & omnia exercitia, in quibus uiolenter brachia utraq; & thorax concutitur: saltus etiam ab alto, & equitationes equorum robustorum, qui totum corpus ualde concutiant: abscon-derit etiam clamores & cantus non modice nocebunt; lectio, in etiam locutio temperata proderit. Nocte dormiet sublimi capite, in dextrum potius latus quam sinistrum. Cauebit à ualida tussi & sternutationibus, quae si illi occurrerint, omni studio sedabit. Circa cibum & potum, primum cauebit ab omni uino dulci & crasso, uel turbido: propterea & mustum maxime euitabit. Abstinebit à fructibus, praecipue uuis, & pomis, & castaneis, ab auibus palustribus, à radicibus, sicut daucis, rapis, coevis, allijs, & denique ab omnibus quae flatum plurimum pituitamque crassam generant. Ideo & fungos effugiet, & omnia leguminum genera. Vnico obsonio contentus erit. Bis tantum in die comedat, neque inter coenam & prandium potabit, computationes tanquam pestem effugiet. Quantum uero ad medicinas attinet, laudo ut bis in anno corpus purget, posterius huiusmodi esse purgatio:

℞. Specierum hieræ simplicis. 3 2.

Floris calisæ 3 10.

Cum zucchero fiat bolus, sumendus in aurora, uel tribus horis ante prandium.

℞. Oxymellis squillitici.

Syrupi de cichorea Nicolî ana 3 2.

Aquæ Marubij 3 4.

Misce pro uno, & sic pro septem. Quibus exhibitis sumat pharmacum, quod habet:

℞. Confectionis hamech. 3 4.

Syrupi rosati solutui. 3 4.

Cum aqua betonicæ fiat potus breuis, sumendus in aurora cum custodia.

Hæc purgatio & in mense Martio, & Autumno post medium Septembrem singulis annis repetenda erit. Temporibus uero intermedijs utetur zucchero rosato quam frequenter poterit, ante prandium, ad semunciam. Quod si interim alius astricta fuerit, lenietur commodissime cum terebinthina Cypria, de qua sumat tribus horis ante prandium pondus duarum drachmarum. Loco uero eminenti tam antea quam postea applicabit cerotum de betonica, uel de gumma Helemi, uel utrumque simul aquis portionibus confectum, sine quo neque interdiu manebit. Optimum præterea erit, si supra applicatum cerotum fascia ligetur, quæ ita locum dolentem astringat, ut non inde tamen impediatur motus thoracis, uel augmentum, aut alimenti transitus prohibeatur. Hæc si diligenter obseruauerit, spero suam Dominationem præseruandam fore à maiori incommodo, & illud quoque, quo nunc vexatur, esse remouendum, cum laude optimi Dei, cuius nomen sit benedictum in sæcula.

Ad Scirrhum in pectoris parte anteriori iuxta Xiphoides.

Foveatur decocto malux, betonicæ, Ireos, hyssopi, Chamæmeli, & apponatur unguentum de Aescylo ex descriptione Philagri.

Pro Domino Andrea Polono in pectore, eius uero fratre in capite uulneratis.

Consilium XVI.



Vlnus Domini Andreæ erat inter secundam & tertiam costam uersus concuum pectoris. Idem non amplum ualde. Propter dolorem tamen, quem circa os pectoris sentire se dicebat, profundius uidebatur, nec multum sanguinis effluxerat: ita ut adhuc locus sanguine repletus uideretur, qui arte eliciendus & extrahendus esset. Montagnana & alter Chirurgus, ac item Phrisimelica, pulmonem uulneratum esse arbitrabantur, idem colligebant ex sanguine spumoso, ac quia manus ad uulnus applicata, sentiebat aërem egredi. Fratris uero uulnera in capite per se periculosa non erant, nisi quod sanguinis maxima copia effluxerat, ita ut restingui quasi non posset, faciei color permutaretur, & pulsus etiam appareret admodum debilis, suppresso tamen sanguinis fluxu, redibat uirtus, ita ut statim omnes sperarent melius.

D. Mon.

D. Montanus: Clarissimi Doctores, profectio uulnus istud est cōsideratu dignum, penetrat ad cauitatem pectoris, sed non est clarum, utrum penetret ad pulmonem: apparet sanguis spumofus, hoc fit in omni uulnere pectoris. Ex cōtinua enim expiratione & inspiratione fit sanguis spumofus, uidemus exire aërem, quod ipsum etiam uisum est, in omni uulnere ad cauitatem pectoris transeunte. Nec difficultas anhelitus arguit necessario uulneratum esse pulmonem. Impeditur enim spiratio statim cum uel musculus aliquis, uel aliud membrum faciens ad motum Diaphragmatis & pectoris leditur. Cum autem pulmo uulnus uel ulcus simplex habet, non fit difficultas anhelitus, & hic præcipue dolor circa uulnus facit, ut ob eam causam non ita dilatetur pectus, & quia per uulnus expiratur aër, ideo anhelitus est diminutus. Vtrum igitur sit uulnus in pulmone an non, non nego neq; affirmo. Sed potius uidetur quod nō, quia uulnus est circa secundam costam, quousq; non extenditur pulmo. Sed istæ sunt coniecturae, processu temporis uidebimus ueritatem, sanguis est circa diaphragma, quod ne congeletur uidendum est, & cum hodie accessi, nullum animaduertere potui pulsū, adeo ut ipse etiam uulnus letale crederem. Videndum igitur si quid sanguinis ibi remansit, ut incidatur & expellatur. Quod ad medicinas attinet, Hippocrates & Galenus in uulneribus pectoris ab omnibus restringentibus cauendum scribunt, præterquam ab oximelite. Nam illud solum non exasperat pulmonem, ideo eo hodie cōtentus essem, & quoad cibum, iudico sufficere hodie panatellam. De altero qui in capite uulneratus est, quoniam sanguinis fluxus est restinctus, melius sperabimus: cum præsertim uulnra ex sese non letalia esse intelligamus. Venam non incidendam iudico, quia plurimum sanguinis effluxit, cibabitur quoq; panatella, impositum est dylistere pro diuersione utriq; & quia Andreas sitiebat admodum, ordinari potus ex hordeo & saccharo, & oximelite, & rubea tinctorum, quæ sanguinem concretum excerneret: iussus etiam in eodem latere recumbere, ut sanguis ex uulnere effluere posset, quod & factum.

Pro eodem, Consilium XVII.



D. Montanus inprobat bolum Armeni, quia excoaret cū aëre.

Quinta Iunij, quæ quinta etiam erat dies accepti uulneris, corripuerat cum ingens tussis, expuerat sanguinem usq; ad 6. 3. & amplius, & aperto uulnere inde etiam aliquid effluerat. D. Phrigimelica exhibuerat calidam, ut leniret aluum duriorē, addiderat aliquid boli Armeni ad excitandum pulmonem, quem uulneratum arbitrabatur, eod quod sanguis qui effluerat ex pulmone ex parte uiuidus & spumofus esset: adiecerat etiam aliquid rubæ tinctorum, si quis adhuc restaret sanguis grumofus aut congelatus. Postera die uocari ad Collegium Montanus & Phrigimelica à Chirurgis, & consulti, an esset incidendum uulnus, & paulo amplius aperiendum, & uterq; Chirurgus arguebat quod sit, propterea quod metuerent, ne si materia retenta, non posset libere exire, generaret inflammationem, & quidem id faciendum cito antequam dilabatur uirtus. Phrigimel. cū pulmonem arbitraretur lœsum, noluit tamen admittere ulteriorem incisionem, quod orificium satis amplum ad immittendas tentas uideretur, & esset periculosum de dolore in illis partibus sensibilibus admodum, ne is attraheret materiam, & causaret inflammationem nouam. D. Montanus ita ratiocinabatur: Duo nobis proponuntur querenda: quæ dispositio sit uulneris intrinsecus, seu quo terminetur, & quale ac quantum sit extrinsecus, id est, de principio & fine querimus, & utrumq; non dubios facit, & in cura & in prognostico. Nondum determinare possum, an ueniat ad substantiam pulmonis an non, cum uideam & satis etiam explorarint Chirurgi, uulnus per transuersas partes inflictum à dextra uersus sinistram, non recta à parte anteriori pectoris ad posteriorem, quod satis apparet ex impositione tentæ, & idem uulnus ad secundam costam est ualde ædito & alto loco: ideo suspicor pulmonem non esse lœsum. Deinde si lœsus esset pulmo, lœsus esset superior locus, ac esset uulnus

uulnus profundum in eo, & scruissima sequerentur accidentia, ac inflammatio etiam ex qualibet leui causa, quia pulmo, propter multam suam humiditatem (sive substantia sic ea sit siue excrementalis & aduentitia, ut dubitat Auicenna) in eo existentē, aptissimus est ad putredinē, ut in multis locis testatur Gal. Item 5. Met. dicit Gal. quod ex parua uena rupta in pulmone, tantū sit periculi ab inflammatione, ut post triduum ne minē uiderit curatū. Quomodo igitur hic uulnerato pulmone tanto uulnere potuisset perdurare tam diu? est hodie quintus dies cōpletus, & non apparet inflammatio facta post uulnus. Quod autem exeat sanguis ex uulnere, nō est mirum, est uulneratus musculus, in quo uenę sunt semper, quę una lęduntur, & nihil frequentius, quā ex uulnere sanguinem fluere. Quod autem sanguis ille spumofus uideatur, non mirum est, uidetis aërem ingredi per uulnus tanta copā, ut egrediens iterum extinguat candelas, huic cum permiscetur sanguis, fit spumofus cum tali agitatione excernatur. Quod autem per tussim exeat, fit, quia transit ad pulmonem, & illud solum est quod metuo, ne sanguis ille erodat illam exteriorem pelliculam pulmonis, & ad substantiam pulmonis perueniat, & in ea remaneat, ac tandem putrescat, ac ita sequatur phthisis, maxime in iuue humido & pingui, in quo abundat materia, & meatus sunt angusti. Credo igitur pulmonem non uulneratum, sed sanguinem ex lęsis partibus ad eum defluere, & postea per tussim expelli, nec habeo signum adhuc, substantialiter lęsum esse pulmonem, ostendens. Cum igitur terminetur uulnus ad pulmonem, ut credo, indigemus maxime exiccantibus & abstergentibus sine astrictione, quia totum periculum ei est a sanguine, qui non potest exire, & congelari facile retentus poterit, quem cum rebus astringentibus faciemus crassiores, & minus obedientem: consolidabimus etiam locum citius quā oportet, cauerem itaq; ab astringentibus, & adhiberem potius abstergentia, quę essent subtilis substantię, & exiccarent unā, quo prohiberent putrefactionem in membro alioqui humido, ea tamen tenuis substantię esse uelim, & minime erodentia, ne excitarent tussim. Vterer igitur aqua fontis, mixta cum pino albo tenuissimo, quia tale est leuis substantię, & habet uim penetrandi, nec ita potens est, ut calefaciat, cum tenue sit & dilutum etiam. In eo coquerem hordeum, quod abstergit & exiccat, sed sine erosionē & adstrictione. Adderem rosas in aliqua quantitate, quia Galenus lib. tertio de simplicium facultatibus, capite de rosis, dicit eas habere astrictionem lenem, scilicet in primo gradu; quę non erodit, nec astringit nimium, sed adiuvat penetrationem & exiccat. Vellem etiam ponere aliquid de Bestonica, quę exiccat & corroborat membra, & pectori conuenit. Adderem & rubeam tinctorum, sed in modica quantitate, si quis restaret sanguis grumofus, ut eliceretur, huic decoctio adderem zuccarum, quod abstergit, ipsum etiam zuccarum candi rosatum, quod quia abstergit sine omni erosionē, etiam oculorum collyrijs utile est, & hoc decoctum inijcerem in locum uulneratum.

Nunc de altero, uidelicet de principio uulneris, & an uideatur dilatandum esse, ut uterq; Chirurgus arbitratur, & quidem primus ratione ipsius uulneris, non recta procedentis ad cavitatem pectoris, sed per sinum seu angulum quendam id faciendum existimat. Alter uero, qui secundo loco dixit cum sinum non esse ex natura uulneris, sed putat pēetrationem factam inter musculum & musculum, uel ex putredine media, quę ad ea loca fluxerit, uel etiam ob magnum eum & uiolentum motum tussis, quod ualde sit uerissimile, eō maxime, quod primo rectitudinem percepit cum filo, nunc nero non, sed quicquid sit ea cawitas, in profundo est sub musculo, quęritur an sit incidendū orificium? ego credo quod non. Primo, quia si fiet apertio uulneris erit magnum periculum cum pauca utilitate, quia utilitas tantum ea est, ut natura habeat commodiorem exitum, habetis orificium satis amplum, pro tentis imponendis, & exitum sanguinis etiam satis pro re & opportunitate copiosum; & materia, si quę inter musculos defluxit, medicamentis concoqui & educi potest, & si fieri incisio des-

bet, erit ea aut superficialis, & in cute tantum, quæ nihil proderit, quia angulus ille in profundo est, aut profunda erit incisio, hæc non erit sine periculo, & absceidētis musculos, quod absq̃ dubio motui nocebit. Deinde sum cum excellentissimo Doctore, qui dixit rem fieri non posse sine grauissimo dolore, quia membra sunt ualde sensibilia. Dolor uocabit materiam ex corpore abundante humoribus ad partem affectam, sequetur inflammatio, tussis, ac tandem putredo etiam ex sanguine illo retento & incrassato. Tertio, in quarta die, quæ est indicatrix septimæ, peius habuit: orta tussis, & effluxit sanguis, ideo dimitterem eum usq̃ ad septimam, & non potest etiam fieri ante septimam, ideo donec ea transiret, starem interim in illis. Curatus est sine ulteriori incisione, & quidem integre.

De muliere cancro laborante in mamillis,

Consilium XVIII.



Causa ex Chirurgo. Agitur secundus annus, quod laborauit Apostemata in mamillis duris & melancholicis, quod ostendunt uenæ magnæ, humore melanch. refertæ, & color & dolor etiam cancerositatē ostendit, & locus etiam, quia in mamilla solent esse melancholica & cancrosa. Causæ uidentur duæ: Primitiua, usæ est uestimentis duris, circa eas partes, thoracibus scilicet illis solitis, qui causarunt dolorem, ratione cuius attractus est sanguis ille melancholicus. Non habebat postea menstrua, & erat sterilis, unde facile potuit abundare sanguine melancholico. Cura mirabilis uidetur. Prima uia esset: cum inuisione mamillæ totius, sed ea non est rationabilis Chirurgi, sed carnificis. Alia est cura, qua possumus progredi ordinato regimine rerum non naturalium & euacuatō corpore, quia apostema nec profundum, neq̃ malignum, nec scirruidum, ego consolidatione procederem, & postea uterer unguento de palma, & consolidante Galeni, uel etiam linimento simplici. Ad reliqua apostemata defensusi uterer, ex oleo rosaceo, bolo armeno, & pauco aceto. Contra dolorem acciperem linimentum cum succo solatri, aut semperviui.

Phrisemelica: Sermo clarissimi Doctoris, breuis quidem, sed repletus sententijs, ut ferè dixerit omnia. Vnde ego potius confirmando & dilatando quædam dicam, quàm innouando. Historia hæc est: Narratur, quod cum coniuncta erat uiro, nunquam prægnans erat, & tamen habebat menstrua debita, postea uidua per sex annos desierunt menstrua. Agit iam annua sexagesimum, nec mirum si in quinquagesimo tertio, aut quinquagesimo quarto desierunt menstrua, ante annum usæ est uestimentis durioribus, pressa mamilla, accessit humores in tribus diuersis locis, qui nunc in tumores magnos excreuerunt. Hæc effluebat sanguis, & sentit defluxum à capite ad illos tumores, nec percipit dolores, etiam si comprimuntur digitis tumores illi, temperatura totius corporis calida & humida. Venæ latæ, optimi sensus, & ingenij, & membra principalia conueniunt. Dispositiones præter naturam tres patitur, quæ in quo genere ponendæ, & quæ earum causæ querendum. Tumores sunt duri. Valde igitur crediderim, prius scirrhum fuisse, nunc cancerum. Sunt enim quidam scirrhi, qui facile in cancerum conuertuntur, ut scirrhi ex melancholia, qui uero ex pituita, nunquam in cancerum deueniunt, sed potius indurantur in lapidem. Quod autem fuerit scirrhus ex duritie & priuatione sensus colligo. Quod autem cancer ex tumore duro & uenis, latis & apparentibus 38. Aphorif. 5. & in libro de tumoribus præter naturam, color etiam liuidus attestatur humorem melancholicum.

In quo genere canceri, an ulcerati? dico quòd unus est ulceratus, alij duo non. Vnus in mamilla, alius sub ala, tertius prope caput. Mamillam facile incurrere in canceru manifeſtu eſt, quia rarior eſt & imbecilla, non habet uirtutem aliquam expulſiuam, & multas recipit ſuperfluitates. Cauſa efficiens ſit maxime ab humore melancholico craſſo, cum leni aduſtione. Non enim poteſt eſſe magna aduſtio, cum non percipiat magnos dolores. Quod autem ſit humor melancholicus teſtantur uenæ craſſiores, liuidæ, repletæ ſanguine craſſo, tendente ad nigredinem, non rubeo, & facile effluit ſanguis ex ulcere & alijs partibus. Vnde profluit ſanguis ad eas partes: Poteſt ab omnibus membris eo manare, ſed maxime à capite cum deſluxum ſentit. Caput calidum & humidum, & ſupercalcraftum unguentis, quibus utuntur ad capillos. Crediderim tamen etiam aliorum membrorum uitio manare illuc. Hepar calidum & ſiccum facit ſanguinem craſſiorem, nigriorem & inutilem magis, eo ſe exonerans, mittit ad loca imbecilliora, abundant & reliqua membra ſuperfluitatibus, nunquam concepit, & aliquot ſam annis non eſt purgata. Licet enim ſit ſexaginta annorum, tamen ut Ariſtoteles inquit, de hiſtoria animalium, etiam cum deſinunt conueniente tempore, tamen abundent ſuperfluitatibus. Habuit etiam ſuperiori anno febrim, in qua non purgata, nec miſſus ſanguis. Hæc omnia auxerunt ſuperfluitates in corpore & excrementa: ſed quia non erat locus aliquis debilis, ad quem transmitterentur, non apparebat tumor. Poſtea acceſſit conuulſio in loco raro & imbecilli, ideo ortus dolor, & ſuperfluitates eo miſſæ. Hæc ſunt res præter naturam quæ remouendæ, ſuperfluitates euacuandæ. Sed hic uidetur, quòd non poſſit commodè: materia enim craſſa eſt, quæ reſpercuti non poteſt, digeri uerò aut reſolui multo minus, nec ad alias partes facile diuerſi. Nec uidetur aperiendus, non poterimus nec abſtergere, nec exiccare, nec curare ulcus, quia iecur eſt male affectum: ſemper mittit eo humorem aduſtum melancholicum, & inimicum naturæ. Paulus in quarto, capite 1. ex ſententia Aretei. Si igitur erit modus aliquis curandi erit is, quem dixit Chirurgus doctiſſimus, integra curatio inſtitui non poteſt, ne acceleremus mortem. Quid igitur faciendum? Quia morbus eſt qui curari non poteſt, uidendum ne ingraueſcat, et ut ſit mitis, quantum fieri poteſt, & cum operationibus tam bonis quàm poteſt, ne ſiant ſymptomata grauiora, & dolores maiores. Primo agendum, ne augeatur dolor: remouenda cauſa deſluxus materiæ ad locum, euacuando materiam in loco iam exiſtentem: Idem perpetuo, ſi deſluxus prohiberi non poteſt. Primo totum euacuarem, præmitterem caſſiam uel mannam, aut aliud Pharmacum lenius, decoctum epithymi. Poſt ſecarem ſaphenam eiufdem lateris: non pro euocandis menſtruis, quia tempus non eſt, ſed pro diuerſione materiæ, & mitterem copioſe, quia aflueta eſt, & abundat multo ſanguine. Poſt deuenirem ad coctionem materiæ, cum polypodio, & reſpicerem ad capitis roborationem. Syrupo roſato deniq; euacuarem, cum decocto epithymi, & ſi alta ferret, decocto hellebori cum Reubarbaro uel conſectio Hamech, uel pillulis cochijs cum helleboro. Secundo prohiberem, ne generaretur plus materiæ: euacuato corpore ſam in Vere, tempore idoneo, inſtituerem uiuendi rationem: uictum attenuantem, uinum non nigrum, nec forte, catænes laudabiles, ut cauere omnia quæ generarent melancholiam. Quòd ſi uictus ratio non ſufficeret, ſuperueniente autumno, iterum purgarem: ſingulis etiam menſibus uteretur lenioribus. Tercio roborarem membra trochiſcis de uiperis, & locum affectum ne reciperet, ulcus uerò non negligerem, uteretur reprimentibus & remittentibus calorem, & malam qualitatem ulceris & doloris, ut unguento ex calce lota, & oleo roſato, dum dolores uehementiores, uteretur roborantibus locum non relaxantibus. Metallica optima exiccantia: unguentum ex thucia, cadmia lota. A calidioribus cauere, ne traherem materiam ad locum, ex quo tandem ſequeretur mors: caput curarem, ne transmitteret. Materiam diſſuarem caput purgijs per nares, maſticatorijs per palatum: ſanguifugæ ſanguinem tenuiorem euacuant, & non craſ-

florem, quo nos hic moleſtamur. MONTANVS: Conſtare primum de natura morbi oportet; ſi volumus curare morbum, incipiendum eſt ab his quæ apparent ſenſui. Eſt enim Medicus artifex ſenſitiuus, ex ſenſu iudicans ea quæ latent. Quod ad ſenſum attinet, apparent tres abſceſſus, non vnius materiæ ſolum. Sed vnus & idem etiam morbus diuerſam habet materiam, ut patet ex his quæ apparent. Abſceſſus qui eſt prope collum, ad latus ſiniſtrum, eſt albus, ſine vena accedente, eſt minimus ſenſus, & eſt durior duritiæ renitente. Niſil dolet ibi, nec nigredinem habet, ſed eſt albus colore naturali. Ergo ſcirrhus eſt dependens à pituita. Nam 5. libro de ſimplicibus & decimotertio & decimoquarto Methodi & alibi, per albedinem diſtinguit Galenus ſcirrhum à phlegmate ortum, à ſcirrho melancholico, per ſenſum ab apoſtemate, & per duritiem ab abſceſſibus alijs. Et ratione loci eſt circa tendinem & ſinem muſculi, qui locus eſt determinatus ſcirrhi ex pituita. Ille igitur eſt ſimplex ſcirrhus, dependens à ſola pituita craſſa. Cum igitur hunc omnino ſeparatum ab humore melancholico iudicem, & ſint variz eius ſpecies, prius naturam & rationem huius conſiderabo. Credo medium eſſe inter curabiles & non curabiles, ut bene Galenus ait: Cum ſcirrhus ad ſummam peruenit duritiem, non poteſt curari. Et dat ſignum, quoties prorsus caret ſenſu non dolore ſolum. Tum enim tanta durities non poteſt curari. Sicut apparebit infra in indicationibus curandi. Videtur igitur medicis, quòd non penitus caret ſenſu cum tangitur, ſed obtuſum non ita acutum, ſicut in partibus propinquis habet. Sicut igitur mediàm naturam habet, ita medium etiam iudicium. Et quantum habet de duritiæ, tantum de cura non eſt ſperandum. Hoc de gradu ſcirrhi & de eſſentia. Eſt autem pituita craſſa & acida, Galenus libro ſecundo de facultatibus naturalibus, & de atra bile. Vitrea pituita cum craſceſcit, & ob moram longam reſolutis partibus ſubtilibus peruenit ad eam formam, quæ glycea dicitur ab Auicenna; hi ſcirrhi non curantur. Sed ad eam nondum venit hæc mulier, nondum eſt enim tanta durities, & ut dicit Galenus libro quinto ſimpl. Omnis ſcirrhus pendet à materia frigidiſſima & craſſiſſima. Ergo ſemper à pituita uel melancholia. Materia autem deſcendit à capite, ſicut etiam ſentit deſluxum. In capite generatur catarrhus à frigore. Hic igitur ſcirrhus ſicut in colore & eſſentia ab alijs eſt diuerſus, ita & in membris & cauſis mandantibus alius eſt. Et fuit etiam vltimus qui coepit poſt alios. Cur autem multiplicatur humor phlegmaticus in capite? Primo, ætas, ſexaginta annorum & ſexus frigidiôr; ætas in qua redundant excrementa pituitôſa, & pars vltimi ſenijs, in qua manifeſte calor extinguitur 5. aph. accedit ad climactericum maiorem, ex quo pauciſſimi euadunt propter ſenectutem. Tertio, regio in qua habitat, ſunt plurimæ paludes & aer craſſus & putridus, qui generat excrementa & multiplicat catarrhum: habuit etiam cerebrum calidum, ut bene diſcurrit D. T. J. tanta igitur maior eſt affectus, cum fit mutatio in contrarium, etiam ratione caliditatis hepatis 3. de locis affectis. Qui hepar calidum habent, ſubſecti ſunt maxime catarrhos quia multi vapores generantur, qui cum aſcendunt, non poſſunt concoqui à capite. Cum calor ille naturalis extinctus ſit, qui concoquebat prius. Tranſmittit igitur ad locum imbecilem: ſicut ad pedes, quandoq; à toto corpore deſiuit, cum pedes doſent, ut Galenus pulchre docet. Quia autem locus circa glandes etiam eſt debilis, ideo firmata ibi materia craſſa fecit alium ſcirrhum, qui vltimus eſt: antea deſcendebat ad locum affectum. Habetis cauſam materiale & efficientem, membrum mandans & recipiens, quæ item ſit cauſa corporalis & primitiua huius ſcirrhi. Sunt modo alij duo, vnus verſus iuncturâ brachij ſiniſtri, inter uertebra brachij ſeu aduſtoris, qui habet ſigna à priori diuerſa, color liuidus, ut in libro de atra bile, vere indicat atram bilem, habet ite uenas circumquaq; repletas, ut aſſimiletur brachijs canceri, inde enim ſimilitudo accipitur. Tumor corpus dicitur: Venæ uero canceri brachia. Ica color diſtinguit cancerum à ſcirrho, qui à pituita pendet, & dolore nō tantum diſtinguitur à ſcirrho, qui à pituita pendet, ſed etiam à ſcirrho melancholico, ille enim non habet uenas iſtas nec dolores.

*Scirrhus
quando in
curabile.*

Das igitur habet propria cancer, dolorem & uenas illas, quæ non sunt in scirrho melancholico, qui ipse etiam est ab humore nigro, sed sine dolore & uenis, & benignior, quia est simpliciter fece sanguinis sine aduersione. In cancro est humor melancholicus, adustus aliquantulum, & supercalesfactus, cuius ratione redditur crassior se ipso. Ideo apparent uenæ, ut ostendit Galenus 6. apho. quia sanguis currens ad abscessum propter multam crassitudinem non potest exire uenas, sed hæret in uia & obstruitur, sicut aqua lutosæ per angustum defluens, impingitur. Ideo turgent & apparent uenæ, quia humor crassior est quam in scirrho, ibi enim tenuis transit uenas, & uenit ad tumorem usque. Hic crassior, quia propter supercalesfactionem exhalant partes subtiliores. Ideo non potest penetrare, & inde crediderim illum abscessum esse de genere canceri, sed non absolute, ut materia ex solo succo melancholico collecta sit, sed ex aliqua etiam pituita. Habet enim permixta signa, primo quia nec is dolor hic est, qui in cancro solet esse. Is enim ubi tangitur, est dolor insignis, hic uero est sensus obtusus circa aliquas partes. Secundo, color etiam non est prorsus niger, sed circa radices albus. Tercio, in summo color liuidus est, ibi minor dolor & calor etiam seu feruor quidam, qui circa radicem non apparet, & hodie addebat aliud, quod illum dolorem sentit in superficie tantum, non in profundo, & cum sanguis aliquis effluit, cessat. Est ergo mixtus ex humore melancholico & pituita, nec est una atque eadem res simplex. Imo credo, quod etiam aliquid sit de inflammatione, quia calor ibi est, & sanguine exente cessat dolor. Est ergo sanguis ibi, qui facit inflammationem seu phlegmonem. Idcirco etiam de 3. abscessu, qui in mamilla, dixerim, is quo ad humorem melancholicum longe mitior. Venæ non ita sunt repletæ atro sanguine, sunt minores & obscuræ. Accedit is etiam ad naturam canceri, sed non tam ualde, ut ille ad spatulam. Ergo multum habet de bile ruffa, inde fecit ulcus in superficie, non cum magno dolore, & curabitur facile ab excellentiis uestris. Hi sunt illi duo compositi abscessus. Atque hæc est materia illorum. Vnde autem in muliere ista tantum humoris melancholici sit collectum, nunc est uidendum: Totum corpus calidum & siccum est, non peperit, & causa sterilitatis fuit caliditas, adurens semen, cum haberet menstrua commoda, & uir esset idoneus. Apparet & ex colore pilorum, & alijs calor magnus. Talia corpora frigida & sicca sunt in ultima ætate, propter aduersionem sanguinis sunt retenta menstrua, unde aliqua materia & excrementa aggregata. Præcessit febris, quæ ipsa quoque adulsit sanguinem, non missus est sanguis cum esset aliueta, non purgata est. Multæ sunt causæ primitiæ & corporeæ, quæ omnia facile materiam adustam generare poterunt, ex qua canceri uel scirrhi cancerosi oriuntur, egit in aëre crasso, qui etiam pituitam & humorem melancholicum multiplicat in corpore idoneo, quia prohibet euacuationem & diffusionem uaporum adustorum, qui retinentur postea in uenis. Ideo qui in aëre crasso habitant, ut Ferrarienses & Mantuani, quia vapores sicci non diffiantur, nec expurgatur sanguis à melancholia, adusti sunt, & redundant melancholia, ob crassitatem aëris. His ita habentibus natura morbi satis percepta est. Prognosticum. Abscessus pituitosus non diffuciliter curari poterit, si adhibeatur diligentia, reliquis duobus non adhibenda cura, nisi quatenus prohibeamus, ne fiant deteriores. Vt & Hippocrates inquit in Apho. Cancer curatus citius interimit, id est, minus curari debent, non ut plane dimittantur, sed debemus prohibere, ne fiant deteriores, & pro ducere ætatem ægri quantum possibile est. Cura. Incipio ab eo quem existimo posse curari, autore Galeno, cum abscessus pendent à pituita, si uenit ad ultimam duritiem, ut sit factus sicut lapis, non potest curari: quia si debet curari, cum materia collecta propter resolutionem sit indurata, & postea congelata, indiget colliquatione à calido, & mollitione ab humido. Hæc duæ sunt indicationes in scirrho. Sed hoc præcipue obseruandum est, ne ex colliquatione fiat adustio, & quia in alio scirrho materia ita indurata est, ut colliquationem non toleret, nec euacuationem, ergo non potest curari. Sic ut lateres cocti non possunt dissolui, nec in aqua nec in igne: ita scirrhus induratus non potest dissolui, nec à calido colliquari, nec ab humido molliiri. Curari igitur non

Ferrari.
Mantu.

Hipp. aph.
de cancro.

Cura. scirr.
ubi pituita
tosi.

Scirrhus in
duratus cu
vari non
potest.

potest, qui extreme induratus est, sed quia hic scirrhus sensum adhuc habet, non ergo est extreme induratus, potest colliquari adhuc uel camomilla uel semine lini & macilagine, uel fenugræco, uel Ammoniaci aut croco, quæ colliquant sine calefactione nimia. Sic primus scirrhus curabitur. Sed alij duo scirrhj, duo habent maxima, sunt duri, ut sit maxima difficultas in colligatione, & adest materia melancholica, cui non adhibenda calefactio. Non enim colliquatur humor melancholicus, cum sit materia terreftris, non congelatur, sed exsiccat, sicut terra. Frustra igitur colliquamus melancholiam adustam. Deinde aliud est incommodum, cum sit aptus ad adustionem, quando applicamus calida, deteriore facimus, & fiunt ulcera. In hoc enim differt ea noster occultus ab ulcerato, quod hic humorem melancholicum adustum habet, ille mihi uis. Ideo Hippocrates inquit: Cancri occulti non curantur. Incisionem necessario sequitur inflammatio, quæ adurit humores, & accedit collectio materiæ. Vnde sit deterius dispositio: Nec potest aliquid applicari, quia omnia deteriora faciunt calida applicata, qualia sunt omnia colliquantia, digerentia, resoluentia, omnia magis adustum reddent humorem melancholicum, ita ex cancro simplici ulcerosus fiet, & interficiet mulierem. Non igitur attingendus, cum nec resoluentia, nec maturantia, nec digerentia, nec incidentia, nec colliquantia conueniant. Quid igitur faciendum? Primo cauendum est, ne humor augeatur, & ut ille euacuetur, qui iam actus est ad cancerum. Nam & Galenus dicit se sæpe curasse cancros occultos, sola euacuatione. Optimum igitur esset eam euacuare purgantibus, sed quia in eo loco facile incalescent materiæ, & periculum est, ne fiat ulcus, quia materia non potest dissilari: ideo prouidendum est loco in frigidantibus sine consipatione: qualia essent frigida, non astringentia admodum. Astringentia enim cauenda sunt. Ideo nec bolum Armenum, nec succum arnoglossæ, id est, plantaginis laudo, licet frigida sint, quia astringunt & obstruunt meatus cutis. Acciperem succum solatri cum oleo rosato, quod præfert Galenus. Refrigerat enim & non astringit, quia substantia est aquæ, arnoglossa ualde astringit, oleum rosaceum non astringit, ut & Galenus 3. simplicium docet, est ita lenis adstrictio, ut propter eam facilius penetret, non obstruit meatus, refrigerat locum, & non permittit inflammari, & penetrat ad profundum. Ut igitur concludam, euacuemus eam sæpiissime, & bis in anno semper exquisite, usque ad perfectissimam euacuationem, temporibus intermedijs sæpe leniter, habeat rationem uictus: optima sunt, uinum album clarum, non acidum, carnes & cibaria boni alimentum, generantia bonum sanguinem, oryza cū lacte amygdalino, pitisana, oua recentia, far, condrus: euacuetur primo missione sanguinis ab eodem latere, quia rectitudo obseruanda est. Auicenna & Galenus in methodo. Sed utrum a basilica an a Saphena? si tantum diuertere sine euacuatione uolumus, melius a Saphena, sed si etiam euacuare, a basilica melius. Venæ illæ habent ramos distinctos a ramis, qui ueniunt ad caput. Ita igitur facietis derivationem optimam, & simul etiam euacuabit: sed quia abundat sanguis, optimum foret a Saphena incipere, & postea descendere ad basilicam, & hoc facerem, cum præsertim ipsa petat. Inciperem a lenitio, a cassia cū speciebus hieræ simp. euacuat materiam adustam, & corroborat uentriculum, nec calefacit, sed refrigerat potius. Postmodum syrupi dentur refrigerantes, propter feruorem sanguinis, & incidentes propter phlegma. Syrupus rosarum, acetosæ simp. de succo endiuizæ, cū aquis endiuizæ, aut alijs destillatis, quæ refrigerant. Nō dārem decocta, facta digestionem euacuarem cum confectione Hamech, pillulis aggregatijs, sed semper adderem 3. 1. aut 3. s. uel etiam integram 3. hellebori nigri. Vd optimum fortasse erit euacuare eam cū syrupo magistrali cum helleboro, euacuat enim melancholicum humorem maxima copia, & sine molestia. Estque sine dubio optimus singulis mensibus. Quantum ad localia Galenus nunquam utitur succo arnoglossæ, nisi ubi cancer est ulceratus: ubi est ulcus cum materia multa, adhibendum diaporpholigos, quia exsiccat, conueniret etiam bolus Armenus, & succus arnoglossæ, & rosalia exsiccantia & consipiantia: cum uero non est cancer ulceratus, non sunt adhibenda, quia exulceraret, & facerent, ne dissilaretur materia. In scirrho pituitoso uteretur primo

primo fontibus locum; mollientibus & resoluentibus, decocto tepido ex floribus camomillæ, & lilij albis, postea linireni cū pinguedine porci, & oleo amygdalarū dulcium, postea linimentum faciem ex bdellio ammoniaco, & faciem fomenta ex pyritide lapide, uel alijs. Postea singulis annis mense Iulio iuberem accedere ad aquas calderianas Veronenses, ut eas biberet aliquot diebus, quia refrigerant corpus, & præcipue hepar.

De stranguria ex casu facta.

Consilium XIX.

Quidam ex alto cadens in asserem pedibus expansis, eo modo, quo equorum sellas conscendimus, partes inguinis uicini læserat, & præcipue cololum uesicæ, ita ut in urinando quandam difficultatem sentiret, & sæpius singulis horis ferè, tum noctu, tum interdum mingere cogeretur, nec tamen posset libere, sed guttatim propemodum emitteret, ac dolores ingentes circa uesicæ collum & uicinas partes sentiret, mingebat interdum pus, & omnino metuebat apostema. Montanus rogatus, hæc ordinauit: Primo cibus suus erit talis: semper pro serculo suo utetur pitana hordeacea cum zaccaro. Deinde comedat oua recentia tremula, simul cum suo albumine, poterit etiam carnes comedere uel pulli uel auium paruarū, abstinebit omnino à cibis falsis, piscibus, caseo, & leguminibus & carnibus antiquis. Bibet uinum album, subtile, dilutum cum aqua mulsæ siue decoctæ cum zaccaro, semper ante cibum mane, & sero per horam comedet ʒ i. zaccari rosati. Item bis in die ante prandium & coenam sedebit in decocto infra scripto actu calido, suauiter & sine labore.

ʒ. Rosarum rubezarum	M	4.
Radicum consolidæ maioris	ʒ	4.
Radicum althææ		
Radicum maluarum ana	ʒ	6.
Florum camomillæ		
Anethi ana	M	3.
Salutæ		
Betonicæ		
Rosmarini ana	M	5.

Decoquantur omnia simul in aqua & uino æqualiter commixtis, cum consumptione tertie partis. Deinde seungat circa collum uesicæ, inter anum & testes, & inguen, & totam pubem, oleo infra scripto:

ʒ. Olei camomillini, rosarum,		
Liliorum alborum ana	ʒ	2.
Vini albi optimi	lb	1.
Lumbricorum terrestrium	lb	6.

Abluantur lumbrici in uino bono duabus aut tribus ablutionibus. Deinde decoquantur in prædictis oleis, cum prædicto uino aromatico, usq; ad consumptionem uini, & cum oleo inungantur loca supra dicta.

Item ʒ. Reubarbari optimi	ʒ	6.
Garyophilorum	ʒ	10.

Deinde ʒ. Mellis rosati	ʒ	1.
Aque consolidæ	ʒ	3.

Misceantur omnia simul cum prædicto Reubarbaro puluerizato, & detur in potu singulis diebus actu calidū, hora syrupi circa auroram. Item, si non habet beneficiū alit; utatur clysteribus cū decocto surfurū, malua & consolidæ, addito oleo cōmuni & mellis

rosati 3. Item quiescat, molliter sedeat, & nunquam super re dura. Vt maneat in lecto molli quiescendo, donec dolor urgeat. Vbi hæc fecerit, & adhuc dolor perseverauerit, laudo ut mane bibat unum cyathum lactis recenter nulli ex ouibus, simul cum 3. 2. zaccari, uel tantum 1. 3. penidiarum, quod erit melius.

Ad ramicem intestinale.

Consilium XX.

ET locus & modus tumoris, & materia exiens, quæ proculdubio intestinalis est, manifestissime indicant uerum esse ramicem intestinale, non ex apertione, sed ex ruptura peritonæi. Propterea cura perfecta non est tentanda, quam omnino fieri non posse arbitramur, præcipue cum tam diu perseverauerit. Sed quæ cura adhiberi potest, ne in deterius decida, & ut consueta negotia transigat, talem esse iudicauerim: Primo, ut perpetuo se abdicet ab aëre frigidiore, circa partes illas affectas, & à frigore pedum, quanquam etiam totius corporis quantum fieri potest: euitetq; & nives & pluias, quæ uel caput uel alias corporis partes humectent & refrigerent. Caveat à quocumq; ualido motu, ab equitatione equorum tollant, uel incommode ambulantiū, & à sella diuore & aspera, & à staphis longius productis, & ne equitet post cibum & potum, illud enim pessimum est. Caveat à coitu præcipue intento, à retentione anhelitus, & nimia compressione uentris, à clamore & uociferatione, à fistularum sono, & præcipue earum, quæ uulgo corneta dicuntur, ab occasione tussis & sternutationis magnæ. Effugiat compositiones & commensationes, sitq; pauci uictus, bisq; tantum in die comedat & bibat, in prandio scilicet & cenâ. Cibaria sint simplicia unius generis, minime flatuosa, sed boni nutrimenti. Pessima sunt omnia lacticina, pisces, legumina, olera, allia, coepe, acetaria, & huiusmodi, pastilia & res frictæ in sartagine, castaneæ, & tandem omnia quæ flatuosa sunt, ac uina dulcia ac crassa, & noua, turbida, quale mustum est. Caveat à fructibus, præcipue uuis & pomis quicunq; generis, caueat à potu aquæ, & præcipue si admiscerit cum uino, habeat quotidie beneficium alui, neq; hoc dimittat, quantum fieri potest: quod si quandoq; deficiat, suppleat uel cum clysteri communi, uel cum pilula una, aloes simpl. ad 3. 1. sumpta per horam unam, ante cenam. Vel cum Terabinthina ad pondus 3. 1. sumpta tribus horis ante prandium. Utatur sæpe pillulis de hiera simpl. scilicet ter. uel 4. in mense, sitq; pondus 3. 1. hora una ante cenâ. Descriptio autem pillul. talis est: 18. Cinamomi, croci, cubebæ, mastice, asari, spicæ, ana 3. 2. aloes optimi 3. 1. 6. pulverizentur per se. Aut uero ter in mense sumat pinguis, ac purissimæ resinæ larinæ 3. 6. cum 3. 1. specierum hieræ. Faciendo bolum cum zuccharo, sumat autem tribus horis ante prandium. Quantum uero ad extrinsecas & localia attinet: primo tumorem rupturæ leniat blandè singulis diebus, fouendo cum oleo anethini. Postea ubi ex recta ratione uictus, purgationibus & linimento recto cesserit intestinum ad interiores partes, quemadmodum consuevit, tunc apponat ceratum firmissime adhaerens loco, & conficiatur uulgo apud aromatarios, & appellatur ceratum de pelle arietina, uel ceratum quod uulgo dicitur pro crepatis. Deinde supponat ligaturam ab optimo artifice, ita compositam, ut & firmissime adstringat & sustineat, & minimum aut nullum excitet dolorem, sitq; mollissima & lenissima tactu, quantum fieri potest. Ea figuram hemisphærij habeat, ut planum eius sit extrinsecus, convexum intrinsecus supra rupturam. Sitq; illa conuexitas sensim rotunda, nec multum protuberans, ne nimia compressione fiat dolor. Fit autem istud Hemisphærium masticando chartam communem, & figurando modo prædicto, eam die ac nocte loco affixam tenebit, singulis autem quibusq; 15. diebus, aut saltem tribus septimanis, ceratum innovabit. Hæc sunt quæ ad possibilem curam mihi præcipue præstare uidentur. Cerati descriptio hæc est:

℞. Lithargyrii aurī		
Lapidis hæmæthitis		
Sanguinis draconis		
Boli Armeni		
Masticis		
Armoniæ	ana	3 s.
Mumiæ		
Galbani		
Thuris		
Costi.		
Lumbricorum terrestris		
Picis navalis		
Colophoniz	ana	3 l.
Ceræ albæ, rubæ.		
Radicum consolidæ maioris, mediz, minoris	ana	3 3.
Rosarum, Myrræ, Aloes.	ana	℥. 15.
Pilæ marinæ combustæ		
Gallæ contusæ, Balanstorum		
Aristalochiz rotundæ	ana	3 6.
Visci quercini	ana	3 2.
Sanguinis hominis ruffi	℥	1. minus quarta.

Conficiantur hoc modo: Accipe pellem unam hœdinam, uel arietinam, cum omnibus pilis suis, & decoquantur quasi bulliendo per totum diem, donec tota liquefacta sit, & fiat ut colla, & parum uel nihil de aqua ibi remaneat. Deinde accipe ex illa aqua ℥. i. optime cum panno colatam, & adde cum ea uiscum quercinum, & in olla noua lento igne fac liquefieri & bullire, & cum baculo semper & continue ducas. Deinde lumbricos terrestres post ceram & picem addas. Deinde adde Therebinth. 3 2. postea adde reliqua, & liquefacta omnia ad lentum ignem, cum baculo ducantur, donec gutta eius super marmoreum lapidem, uel cultellum oleo perunctum coaguletur, postquam refrigeratum est, bene malaxetur.

Ad scirrhum matricis, pro puella uirgine,

Consilium XXI.



Rimo balneum ordinauit ex decocto anethi, camomillæ, radicum altheæ & artemisiz, in quo sederet usq; ad umbilicum. Deinde totum locum ab umbilico infra inungeret sequenti unguento:

℞. Hyssopi humidæ		
Adipis anseris	ana	℥. 1.
Olei amygd. dul.		℥. 5.

Cum modico ceræ fiat linimentum, pro tota parte sub umbilico, applicet deinde cerotum hoc:

℞. Diachylon sine gummi		
Dialtheæ	ana	3 1.

Cum modico ceræ, fiat cerotum. Item semel in septimana sumat tres pillulas ex infra scriptis:

℞. Bdellij		
Myrræ		
Aloes optimæ	ana	3 2.
Croci		3 1.
rosarum rubearum		3 1.

Cum melle rosato fiant pillulæ, pro singula dragma tres. Præ omnibus utatur bene ratione uictus.

Ad œdema Erysipelatosum in crure.

Consilium XXII.

PRimo circa rationem uictus, caueat à uino potenti. Sed utatur paucifero albo & claro, ex quo etiam parce bibat. Caueat ab omnibus aromatibus, à leguminibus cuiuscunque generis, à carnibus salis, à capis, alijs & huiusmodi. Caueat præterea à caseo, præsertim antiquo, à piscibus, & ab his quæ frixantur in sartagine. Utatur uitulina carne, pullacea, & omnibus carnibus iunioribus, ferculis, qualis est oriza, condrus, hordeum, non scribat, non recumbat, non cogitet molesta aliqua post prandium, neq; post coenam, non ingrediar lectum, nisi duabus ad minus horis post cibum. Quæret quotidie habere beneficium alui, cuitet nocturnum aërem, & caueat à somno meridiano. Vbi hæc facta fuerint, per totam hanc hyemem usq; ad uer, sit contentus infra scriptis remedijs. Primo accipiat mane horis tribus ante prandium bis, aut saltem semel in septimana, infra scriptum bolum;

℞. Diacatholicon	3	1.
Reubarbari electi	3	2.
Cum saccharo fiat bolus.		

Item utatur quotidie una hora ante prandium 3 s. zaccari rosati optimi. Crus affectum laetetur lotione infra scripta, ante coenam;

℞. Rosarum siccarum	M	3.
Hordei	M	6.
Rasuræ uel limaturæ cupressi, quæ cadit cum ferra secatur	3	6.
Saluæ	M	4

Decoquantur omnia in situlis duabus aquæ, donec maneat situla una, & cum hoc decocto lauet crus affectum.

De Erysipellate phlegmonode in genu.

Consilium XXIII.

A Nissæ cuidam crus circa genu ultro citroq; intumescerat, cum dolore intensissimo, & non tam cum rubore perspicuo, quam flauitie conspiciebatur; tactui renitebatur. Quia uero Erysipelas ex bile est, principio non uenæ sectionem, sed purgationem admittit, ut autor est Galenus 13. Method. Potuisset tamen & sanguis detrahi, quia phlegmone, huic adiuncta erat; tamen in hoc uti maluit purgatione Montanus, & ordinauit:

℞. Diacatholiconis	3	6.
Electuarij de succo rosarum.	3	2.

Cum zuccharo fiat bolus. His copiose, admodum purgaret totum corpus, post præcepit inflammationi succum semperuiui apponi, cuius proprium est repellere & digerere.

Ad contusionem neruorum, uel distorsionem in genu.

Consilium XXIII.

QUIDAM in casu ex scalis neruos læserat circa iuncturam radij, cum femore, ita ut cordas musculorum, & ligamenta, quæ eo loco plurima sunt, læsa uiderentur. Montanus insir, ut oleo Anethino inungerent, & Chasmezelino, quod magis penetraret, nec uerebatur inflammationē, quod nulla circa locum rubedo appareret. Post aliquot dies cum propter frigus

(ut ait)

(ut arbitror) nec dolores prorsus sedarentur, nec pede commodè uteretur, iussit, ut iungeret oleo de Hyperico, quod habent communiter in pharmacopolijs.

De utriusq; cruris contractione.

Consilium XXV.



Longa est historia rei, sed summa fastigia rei sequar. Vnum est summū & præcipuum quod habet hæc nobilissima Domina, & hoc considerabimus diligenter, & reliqua omnia sibi inuicem succedent ex hoc rectè considerato. Primum est, quòd habet contractionem in utroq; crure, quòd non possunt se extendere. Item habet imbecillitatem, quòd non potest se sustinere, & manere in illo situ. Et ita sunt hæc duo, imbecillitas & illa contractio. Accedit tertium, & est diminutio sensus circa crura; & dicit, quòd si quis tangit illam in crure, uidetur sibi quòd tangat rem alienam, & non suam carnem. Hæc tria sunt considerata, secundum suas formas & causas. Quo ad contractionem, queritur in quo genere morbi sit collocanda. Habet quidem hæc contractio complexionem corruptam, sed principaliter affectio est in compositione, & uitata est præcipue figura scilicet ipsius nerui: cum enim debeat esse longus, est decurtatus, & ita amittit propriam formam. Et cum in longitudine corrupta, sint uitia, quæ ad quantitatem pertinent, & etiam ad figuram, cum est correpta & abbreviata chorda, ita quòd nihil est amissum de substantia, non possumus dicere, quòd sit uitium in quantitate, sed in figura, quia neruus est decurtatus. Secundo, imbecillitas sensus est actio læsa. Huius autem symptomatis causam, id est, morbum oportet inquirere. Huius actionis læsæ ratio formalis est ipsa frigiditas, quia sensus est diminutus; diminutio autem fit à frigido, corruptio autem à calido. Tertiò, imbecillitas uirtutis sustentatiuæ, quemadmodum est naturale officium in ambulando, est etiam actio læsa, & habet suam ægritudinem. Reducenda igitur ad idem, scilicet ad frigiditatem, secundum principium supra dictum, quòd omnes actiones diminuantur à frigido. Ergo illa frigiditas facit, quòd uirtus illa motiua & sensitiua non potest deuenire ad locum, siue spiritus, siue uirtus transmittitur, de quo nunc non disputabimus. Ergo hæc sunt essentiæ & causæ formales huius morbi. Nunc uidendæ causæ & coniunctæ seu propinquæ, & remotæ horum morborum, & tunc statim apparebunt indicationes curatiuæ: hæc enim sumuntur à natura rectè agnita & percepta per suas causas. Causam propinquam contractionis crediderim ergo, quòd sit aliqua materia frigida, quæ per longum tempus in loco frigido crassefacta est & indurata, ut & hoc mane diximus, quia materia illa secundum diuersitatem locorum & efficientium uarie afficitur. Nam quando hæc materia deuenit ad medium musculi, facit abscessus: si ad caput musculi, facit conuulsionem seu spasmus; quando autem deuenit ad chordas ultra musculum, non facit acutū dolorem, nec conuulsionem, & motus illos spasmosos, quia sensus in chorda non est ita acutus: sunt enim chordæ ordinatæ à natura ad motus fortissimos obeundos, ideo habent ligamenta plurima, & habent etiam chordæ neruos obtusioris sensus. Et hinc nerui ad motum conditi, sunt magis frigidi & duriores quàm nerui sensitiui, qui minus à medio declinant. Et ideo materiæ deuenientes ad chordas, faciunt quiddè deprauatam figuram, sed non motus conuulsuos, & sic fit quasi quidam abscessus in chordis. Nam primo imbibitur materia pituitosa, quæ in principio est subtilis, sed propter frigiditatem loci congelatur: si enim materia in intelliuis existens ita congelatur ut fiat quasi tophus & crystallus, quanto magis in chordis tam frigidis poterit talis materia indurari & congelari: Nam illa induratio, & congelatio tam à frigido quàm à calido fieri potest, ut sæpe iam dictum est, & hoc obseruasse multum refert ad curationem. Materia ergo illa ad chordas ueniens fuit indurata & congelata, & inde chordæ illæ sunt factæ breuiiores, sicut & in citharis chordæ, cum imbibuntur aliquo humido, corripiuntur, & etiā franguntur.

guntur. Ita fit & chordis in humano corpore. Cum ergo chordæ corripiantur, contrahunt membrum, quia chordæ terminantur ad ipsa ossa, ut illa moveant, & sic etiam fit contractio ossis ad suum principium, quia chordæ intrinsecæ ab illo humore imbibito sunt factæ breuiorēs. Hæc est causa proxima, & coniuncta illius contractionis sustentatiuæ. Proxima autem causa imbecillitatis illius sensus, & uirtutis sensitiuæ, est eadem illa materia frigida. Nam Galeno 5. loc. aff. teste, cum materia illa deuenit ad nervos cutaneos, impeditur sensus, & non morus: & contra euenit cum opposito modo contingit. Hæc autem materia propter suam multitudinem non solum in chordis est, sed etiam deuenit ad nervos deferentes cuti sensum, & inde uirtus sensitiua debilitatur ab eadem causa frigida & humida, secundum diuersas partes. Et hoc quantum ad causas formales & materiales proximas. Sed quæ sunt causæ remotæ, quæ fouent has causas propinquas? Et hic est ingens chōrus, & uidentur omnia membra conspirasse in perniciem huius mulieris. Audiui, quod hæc mulier, antequam traderetur marito, fuit sanissima & boni habitus, & nullam plane habuit ægritudinem aut læsionem, nisi quod in brachio aliquando habuit abscessus, qui per se euanuerunt; unde ego potius iudicauerim eius sanitatem, & bonam corporis constitutionem, quam aliquam infirmitatem, quia abundauit plurimo sanguine, nam expulit superfluum; & hoc patet ex eo, quia facile materia illa resoluebatur; ideo non fuisse materiam illam malignam, sed laudabilem; aliis non tam statim recessisset talis abscessus. Nullum itaq; membrum in ea fuit læsum, quia nulla operatio fuit læsa, sed optime exercere posuit omnes. Et ideo non possum dicere, nec cerebrum, nec uentriculum, nec ullum aliud membrum in ea affectum fuisse. Postea autem tradita uiro secundum omnem diuersionem magno & robusto, & fuit puella tredecim annorum, quæ adhuc crescebat, (Arist. uoluit puellas non debere nubere ante decimum octauum annū, & adolēscētes ante uigēsimū octauum) Cum ergo in illa ætate crescente emisserit semen, cum ipsa adhuc indigeret illo semine ad proprium nutrimentum, & fuit coacta illud, quod sibi erat necessarium, excernere, & etiam concepit, unde est infrigidatum corpus, qui fœtus attraxit sanguinem pro sui nutritione, & etiam post abortum non est bene purgata; non ergo mirum, si uterus affectus est, & totum corpus exinanitum. Et ideo illam habere membra parua, quasi non peruenire potuerit ad perfectam magnitudinem. Hinc igitur maxime uterus est affectus, & hinc habet fluxum menstruorum alborum, & uarias etiam post abortum habuit ægritudines. Vtero autem consentire & uentriculum & cerebrum, notum est excellentijs uestris. Nam & œsophagus, & os uentriculi, & cor, conuelliuntur & afficiuntur propter uterum; nam uterus consentit cordi, & propter multas arterias, & etiam mediante ore uentriculi. Et sic credo ego, quod principalis affectio est uteri uitium, quia uterus primo læsus est, antequam alia membra afficerentur, ut supra dictum est, & maxime cum in febre secaretur ciuena, & punctus est nervus, unde secutus est spasmus, & conuulsio in brachio: & conuulsio quidem curata est, sed nervus non est curatus, permansit enim imbecillitas illius nervi, ita quod adhuc in omni plenilunio & nouilunio (quia tum luna dominatur humoribus, & in his temporibus maximæ fiunt mutationes) fit illa contractio, ex motione scilicet humorum, quæ fit in his temporibus ad illum locum debilem. Et hic diligentissime erit unum attendendum: num etiam sensus interior labefactetur. Et audio tum ex fratre eius, tum ex alijs, quod circa finem conuulsionis accidit ei abalienatio, & deperditio sensus: id quod ego diligenter noto, & est etiam notandum; & dico hic nullo pacto posse esse epilepsiam, quia epilepsia est spasmus uniuersalis corporis, & ita differt à spasmo, quia est motus uniuersalis, & facit uniuersalem contractionem, & non in aliqua parte; sicut & apoplexia est in toto, paralyssus in parte: proportionantur enim sibi hæc. Ergo cum hic sit contractio tantum unius membri, scilicet brachij, & non totius corporis, & in epilepsia in principio amittitur sensus, in fine autem redit sensus, propter obstructionem quæ pedetentim resoluitur: in hoc autem casu in fine fit deperditio sensus, ergo dico, quod non potest esse epilepsia. Et ego saepe

ego sæpe uidi, & puto etiam uos hoc obseruasse, quòd omnes qui patiebantur spasmos ex uulneribus, quòd delirabant in fine, & amittunt sensum cerebri, propter magnum consensum illius membri cum cerebro. Fit autem hæc deperditio sensus in fine, quia deterrentur, & fit aliqua resolutio spirituum, & sic amittitur sensus in fine. Si esset epilepsia, magis deberet fieri in principio, quia tunc obstructio maior: ergo credo quòd sit mera contractio & conuulsio. Sunt ne aliæ causæ & remotæ illius contractionis in cruribus etiam? Dico quòd est & cerebrum & uentriculus, & sic totum corpus refrigeratum, unde pituita in uentriculo multiplicatur propter frigiditatem. Item cerebrum generat pituitam & catarrhum propter frigiditatem. Et quia antea fuit calidum & siccum cerebrum, nunc autem frigidum & siccum est, & ideo parum dormit: & diximus sæpe, quòd cerebrum frigidum & siccum facit maxime catarrhos, si quid aliud. Et sic uidetis quemadmodum omnia membra naturalia conspirant in hoc, & facta est non solum mala complexio hæc, sed etiam compositio uitata: nam est ibi tumor & tensio circa hypochondria, & sic non mirum fieri hæc symptomata. Et sic uidetis quomodo ratione eorum quæ supra proposuimus, omnia dicenda erant, & causæ propinquæ & remotæ. Nihil dicam de medicationibus malis, quibus hæc mulier afflicta est. De prognostico. Dico quòd difficilis erit cura. Hippoc. de morbis mulierum dicit: quòd menstrua alba ultra sex menses non curantur, quia totum corpus in his infrigidatur, & tabidæ sunt, & nunquam habent sanguinem, & facies earum apparet semper plena quodam muco, & oculi sunt his concaui, & uidentur habere quendam circulum nigrum, propter paucitatem spirituum & boni sanguinis. Item cerebrum & uentriculus sunt affecta. Et sic uidetis in qua difficultate sumus. Quo ad curam, intentio principalis est, ut possit seipsam erigere & ambulare: ideo illa contractio erit remouenda: sed hoc fieri non potest, nisi remoueantur materiæ & causæ propinquæ. Hæc autem non remoueantur, nisi prius remotæ remoueantur, id est, mala complexio membrorum. Ergo sunt alteranda membra, & etiam totum. Hoc autem fieri non potest, nisi prius euacuetur totum. Et secundum resolutionem sequitur, quòd ab illo incipiendum, quòd ultimo inuentum est. Primo ergo euacuanda materia pituitosa, & prius incidatur & abstergetur & præparetur, ut cum syrupo ex aceto forti, & alijs incidentibus & calfacientibus, ut *Byrrhianus*, quo miror cur medici nostri non utantur. Euacuatio potest fieri cum agarico, & alijs in quibus ingreditur agaricum, ut pilulæ cochis, aggregatiæ, confect. *Flamech*, hiera *Logadij*, hiera *Archigenis*, prout est parata. Euacuato capite, si uidebitis quòd materia deueniat à capite, quamuis ego non quærerem multam euacuationem capitis, ne magis exiccarem caput, & sic maiores inducerem uigilias, igitur non multum laborem circa caput, ut ingenue fatear, & puto etiam caput non esse ualde affectum. Et licet aliquæ destillationes defluant per nares, tamen credo quòd hoc potius fiat per consensum inferiorum partium, quàm quòd sit ibi multa materia, & quòd generetur ibi multa materia ratione cerebri. Tandem tingantur membra inferiora cum aquis *Apponitanis*, quia calfaciunt et exiccant. Item abluantur hoc balneo: & si timemus superfluam resolutionem, interdum apponatur aliquod molliens, ut adipēs, non cum diaquilon, quia sunt in eo quedam gummata, quæ nimis sunt fortia. Accipite oleum amygdal. dulcium, uel butyrum recens: hæc enim non sunt inueterata, ut de his possimus esse certi. Item laudo lutum magis quàm foueas: quia quo materia est densior, eo magis influit & hæret magis: sicut etiam amara magis aperiunt quàm aëria, tamen propter motum, alias magis aëria aperirent, quia calidiora.



Icet patiat in utroq; crure, nihilominus quia sinistrum longe magis est affectū, & trahere uidetur ad se totam curationem, ideo de eo prius agemus. Circa sinistrum crus uidemus duo: primo contractionem neruorum & chordarum, secundo quandam dislocationem leuem fibulae circa partem exteriorē cruris. Difficultas circa fontem huius morbi est, qui indicat totam curationem, ideo natura morbi inquirenda, quia ab

hoc pendet omnis indicatio agendi. Natura autem morbi cognoscitur per suas causas proximas, ut omnia alia; nam natura consistit in materia & forma uniuscuiusque rei. Videmus dislocationem & contractionem; quaeritur, utrum contractio proveniat à dislocatione, an contra dislocatio à contractione, uel an utrunque seorsum se habeat, ita ut nec dislocatio sit causa contractionis, nec contra: Dicam quod sentio. Credo non esse necessariam consequentiam, ut sit facta contractio ob hoc, quia os sit dislocatum; quia uidemus saepe ossa esse dislocata, & non esse contracta, sed habere suam membri in linea recta: & hoc saepissime uidemus. Deinde uidemus etiam saepe fieri contractionem sine aliqua dislocatione ossis. Ergo non uidetur sequi necessario alterum ad alterum, sed sunt separata, & habent proprias causas: sunt tamen ita, quod facile alterum consequatur ad alterum. Quod autem non fuerit facta dislocatio à contractione in hoc casu, uidetur ex hoc, quia habuit brachium contractum, non tamen dislocatum fuit. Ideo cū contractio fuerit in brachio sine dislocatione, credendum quod in crure etiam fuerit contractio facta sine dislocatione. Et si est dicendum, alterum esse causam alterius, potius dicerem contractionem causam esse dislocationis, quae est in parte extrinseca. Et huius rei habeo coniecturam hanc: nam contractio incepit in brachio eiusdem lateris, & dislocatio est in partibus exterioribus. Materiae autem semper exteriorem partem occupant, cum descendunt à superioribus ad inferiores musculos & chordas, ut etiam in sciatica uidemus; nam in hac semper est dolor in exteriori parte, inde etiam dicitur uena sciatica illa quae est in parte exteriori. Sed si sit descensus in interioribus partibus, & interiora membra afficiuntur, semper decumbit nocuentum ad partem intrinsecam, ut in affectibus uentris semper partes interiores offenduntur. Et ita si alterum esset dicendum esse causam alterius, tunc dico quod potius contractio illa quae facta est in chordis musculorum extrinsecis, remouerit os à fibula à proprio suo situ. Cum enim chordae alligentur ossibus mediantibus ligamentis, quando retrahitur chorda, simul retrahitur etiam quod adharet: si adharet os & trahitur chorda, ergo & os trahitur ad eundem situm. Et cum contractio fuerit in parte exteriori magis, & os quoque luxatum est in parte exteriori, dicerem ego contractionem causam fuisse, ut etiam facta fuerit dislocatio. Non tamen nego quod ex dislocatione ossis distorquentur omnia uasa, & fiat obliquatio neruorum, & sic per consequens aliqua contractio, sed tamen ea est exigua. Illa autem contractio quae hic est, plurima sane est & maxima, & non potest esse ex sola dislocatione ossis, quae ad modum exiguam facit contractionem. Et ex his concludo & credo, contractionem hanc non pendere ex dislocatione. Et sic habemus morbum. Causa. Contrahuntur muscoli, quia aliquid est in capite musculorum, ubi maximus est sensus, & ideo sit acutissimus dolor à quacunque uel inflammatione uel alteratione temperaturae, siue exciccentur, siue humescantur nimium illi muscoli, siue mordicentur: unde sunt tres illae species spasmi, quamuis Galenus non uideatur ponere nisi duas, tamen 9. uet. 2. r. 1. ponit tertium spasmum ponit ex mordicatione rei acris sine materia, quem uocant non proportionatum ad materiam. Fiunt igitur spasmi ex tribus istis causis: est enim uel materia contrahens caput musculi, & implens, & extendens, aut quia exciccentur, aut quia mordicetur à re mordente, ut à ueneno &c. Non credo membrum contrahi ab aliquo istorum, & ideo potius dicerē, quod haec conuulsio quae sit ab his tribus causis, facit quendam

quendam motum, estq; cum motu quodam præter uoluntatem. Hic autē in hoc nostro casu nullus est motus, ergo nō potest dici spasmus uel conuulsio, quæ est quidam motus deprauatus, & à re præter naturam factus. Ergo quia nō habet formam spasmī, non est dicendus spasmus hic affectus. Hic est contractio quædā, & sæpe contrahuntur membra sine spasmō, quando scilicet non in capite musculi, sed in chordis est materia pituitosa, quæ abbreviat chordam, & induratur ibi materia, unde non possit extendi chorda, sed fit breuior, & tendit ad suū principium. Non autē est tantus dolor, quia chorda non est tam magnæ sensibilitatis ut nervus: plura enim habet ligamenta quàm nervus, & ideo non ita sentit ut caput musculi, & etiam, quia iam facta est intemperies, & est in habitu, ideo non fit amplius dolor, quia materia iam est quieta, & infixa, ac imbibita, ideo fit illa contractio sine motu & dolore; & cum chorda ita contrahitur, contrahitur etiam os, & non potest fieri linea recta. Et tales contractiones sæpe contingunt etiam in alijs partibus corporis, ut in collo: & plures uidi qui haberent tales contractiones per totum tempus uitæ suæ, sine omni dolore. Credo igitur quod hæc contractio est facta in crure propter humorem frigidum pituitosum descendentem ad illam partem: & non est mirū, quia fuit & catarrhus primo ad partes gutturis, secundo descendit ad brachium, tertio ad crura, quia grauis est proprium descendere, & factus ibi tumor & contractio, qua nunc laborat. Successit dislocatio, siue à contractione chordarum extrinsecarum, siue habeat causam propriam; nam dum descendit materia, relaxat, & in iuncturis facit luxationes & lubricationes, & ligamenta etiam imbibuntur illo humore, & ipsa etiā relaxantur, & hinc fit illa lubricatio. Cum enim antea ibi sit pituita tanta, quanta requiritur pro motu faciliter obeundo, si hæc pituita sit nimis multa, relaxantur illæ iuncturæ, & maxime si succus crudus aduenerit. Vnde illi, in quibus redundat pituita circa partes, ex sola lubricatione pedis, incidunt in dislocationes maximas. Ego noui nobilem matronam Venetijs, quæ ex solo casu in terram dislocauit ossa genu & totum crus: est pituitosa & pinguis mulier, & redundans humiditatib. Et hæc est causa, materia est indurata, & congelata pituita in illis partibus. Induratur autem pituita uel propter frigus comprimens & congelans, uel propter caliditatem resoluentem & excoquentem. Ego magis credo materiam hic indurata esse propter frigus congelans, quia materia est in frigido loco, scilicet iuncturis & chordis, ideo materia est exiccata & indurata à frigido, & non à calido: & hoc præscire plurimum confert ad curationē. Et credo quod hic uir habeat hunc morbum planè disproportionatum suæ materiæ & naturali temperamento: est carnosus, habet amplas uenas, musculos robustos & magnos, & ita credo quod habeat insignē caliditatem hepatis, & sic nec ratione temperaturæ, nec ratione uitæ, quia habuit plurima exercitia, potuit aggregare pituitā multam: usus enim uictu exiccante in nauī, ut pane bis cocto, uino fortissimo, quib. solent uti in nauib. quia diutius durat, & sic potius generati humores adusti quàm frigidi. In altero crure habet ulcera, & hoc est proportionatū suæ naturæ & cōplexioni, quia est color niger, & ulcus est subnigricans, habens crustā exiccata, quia ex adustis humoribus. Et hæc ulcera & intemperies occupauit partem dextram seu crus dextrū, cum tamen, si ab extrinsecis causis habuisset ortum hæc exulceratio, potius in parte sinistra eisse deberat: quia ibi erant cōpedes, & dolor attrahens, & membrū debilius. Sed quia membrū mandans est in parte dextra, scilicet hepar generans hos humores adustos et acres, ideo est illa exulceratio facta in crure dextro, propter sitū membri mandantis, & symbolū cum hepate. An possit curari? Vbi materia est indurata, & facta tanquam lapis, & in loco frigido, scilicet iuncturis, difficile resoluitur & non bene patitur emolliuionem aut resolutionem. Locus est frigidus, profundus; materia inobedientissima, casus nō facilis; credo tamen quod aliquid poterit inchoari. Sed cum quibus? Intentio principalis est, ut resoluantur illa materia in illis partibus contenta, & alterare membra; & hæc esset uera curatio. Sed hoc non potest fieri, nisi alia primo fiant. Nam resoluentia magis indurabunt materiam extrahendo omne illud quod est tenue & humidum: ideo primo erit materia illa humectanda cum calefacientibus, quia congelatio facta à

frigido. Resoluentia enim adhibita ante mollificationē, magis petrificabunt materiā, & sicut deinde tanquā lateres, qui nec à calido nec à frigido resoluuntur. Ergo secunda surgit intentio, scilicet mollificatio. Sed hæc duo nō possunt fieri, nisi habeamus corpus mundū: nisi enim hoc fiat, plus demandabitur ad partem leuam, quā resoluamus & mollificemus: resolutia enim plus attrahent, & mollificantia plus preparabunt, & ita plus affluet quā resoluatur. Sunt itaq; quatuor intentiones in hoc casu, & quod ultimo inuentū est in resolutione, primū erit in executione. Primo ergo exquirite euacuetur ab uniuerso corpore humor maxime peccans, pituitosus scilicet, quem humorē magis timemus. Hoc aut non possumus, nisi præmissis consequentib. Quæritur, an conueniat syrupus acetosus, & alij confecti ex aceto? Videtur enim quod non, quia acetū nocet nervis ex duplici causa, & quia mordicat, & propter complexionē suam, quia est frigidū. Dico quod acetosa illa nō perueniunt ad locū affectū. Mesue dicit: quod syrupus acetosus facit penetrare medicinas ad ea loca, ad quæ aliās non penetrarent. Et Gal. 3. *ut* dicit: quod si nervi sunt uulnerati, & in profundo, quod tum cum alijs medicamentis admiscendū sit acetum, quia iuuabit penetrationem aliorū medicamentorū: & dicit ibi Gal. quod acetum amittit in transitu vires suas acres, antequā accedat ad nervos. Dico igitur, si acetū amittit vires suas in tam paruo transitu, multo magis amittet vires si per os sumatur: longa enim est uia per ventriculū, hepatis &c. antequā ad nervos perueniat, & sæpe mutatur & alteratur: & ideo possumus uti aceto in affectionibus nervorū, & syrupus acetosus optime conuenit. Et utinā syrupi nostri essent magis acetosi quā sunt, sunt enim ferē dulces plus quā acetosi. Cōmiscerem mel ros. cum syrupo acetoso, qui conuenit & ventriculo, & impedit mel ne corrosionē faciat acetū 3 i. mellis ros. & 3 i. acetoli syrupi cum decocto betonice & lux, propter nervos. Pro euacuatione darem agaricū, & in quibus ingreditur agaricum, ut pilulæ cochiae, aggregatiuæ, trahunt enim à iuncturis. Diaphœnicon nō exhiberem, quia non est in eo nisi turbit & scammonia, & in eo est nulla uis ad humorē pituitosum: nihil enim operatur turbit, nisi ei addatur scammonia, & tandem turbat. Ego aliquando uolui facere periculum, & exhibui ipsius turbit etiam correcti cum zinzibere & sine zinzibere, 3 3. & etiam 3 4. in uarijs corporibus, & nihil eduxit, sed tantū fecit conturbationes. Mesue dicit, turbit albi gummosi: ubi habebimus hoc nostrum esse siccum, & merum lignum, & abhorreo ab hoc. Pilulæ magis essent conuenientes. Darem agarici præparati 24 cum calsia: item confec. hamech. Et purgetur bis, ter, & sæpius, si opus fuerit.

Quo ad localia, primo est moliendum, quia materia est congelata à frigore, ut supra dictum est, non à calore, ideo potest recipere curā. Si à calido esset materia indurata & petrificata, non posset curari. Ergo primo molliatur materia, cū moderato calore colliquante, & non resolvente: quod colliquari est, oportet moderate resolvere: & hæc per uices applicentur, excedatq; potius mollificatio ipsam resolutionē quā contra: & hæc permisceantur: magis tamen placet mihi quod seorsum hæc applicentur, & uincant semper mollificantia: nam utrius in resolutione est incurabile. Et placet mihi quod semper usus est pinguedine humana, quæ moderata est, non resoluta, sed mollificat tantum, & bene factum est. Primo procederem cum mollificantibus primi gradus, postea cum mollificantib. secundi gradus. Myrrha, ammoniacū, hyssopus humida, crocus &c. sunt mollientia in secundo gradu: & in his sæpe erramus, quia non possumus metiri quantitatem: & hæc antiquata, efficiuntur resolutia, & acquirunt calorem: ideo tutius est ut permaneamus in mollificantibus primi gradus, ut est adeps porcino, oleum chamæmelinum: decoctum althææ, maluæ, liquiritiæ, sem. lini, fœnugræci. Hæc ferē accedunt ad secundum gradum. Primo fiat decoctum ex camomilla, malua, althæa, liquiritia, & fomentetur locus cum spongia, postea illiniatur cum oleis istis. Ad penetrationem posset apponi modicum croci, & lana humida molliiri locus per sex dies: postea per unum diem facerem resolutionem, ut cum pyrite lapide, quod Gal. dicit esse magicum quiddam: & sic longe maior erit mollificatio quā resolutio. Loco pyritis accipiantur lapides molaris. Si uellet tentare balnea S. Barthol. optime conuenirent. Montagnan-

scribit de quodam Cardinale, qui erat totus contractus, & quandiu fuit in hoc balneo, extendebat omnia membra, & tandem curatus est. Et nos habuimus hic puellam Dilectam 19. annorum, quæ tota contracta fuit, & sanata est perfecte, & iam nupsit uiro. In altero crure utatur primò alterantib; locum. Primò fiant abstergentia ulcus ex læ patho, hordeo, plantagine & balaustijs; decoquerem hæc in aqua fabrorū ferrariorum, uel alia aqua, & facerem lotionem cruris & ulceris; post lotionem exiccarem locum, & ascriperem postea succum solatri contritum in mortario plumbeo cū pistillo plumbeo, donec fieret solidior, & facerem linimentum, & linirem crus. Remota mala tempera-
tura accederem ad sanandum ulcus, & adhiberem unguentum de tutia, quo nihil est præstantius in materijs adustis.

Ad crurum ulcuscula ex nimia caliditate hepatis,

Consilium XXVII.

Parmacopola Anconitanus, singulo mense Martio patiebatur ulcuscula in cruribus ex nimia caliditate hepatis. Vñs erat uinis potentibus aromaticis & fructibus à cunis. Montanus: Utatur paulatim refrigerantibus, ut brodij pulli scutellam unam quotidie sumat, humectabit & remittet calorem hepatis; loco aquæ thermarum 82. aquæ lactis caprini 3 50. Syrupi acetosi simpli. multæ acetositatis 3 3. Misc. & ebulliant simul. Deinde bibat mane postquam exiuerit è lecto, et postquam fuerit expurgatus ab omni superfluitate; et sumat paulatim de ambulando per horam integram, deinde tardius prandeat ad minus post horas 4. & ita perseveret per dies 15. Sed ante assumptionem prædicti seri, sumat floris cassiæ 3 10. & post ultimam potionem repetat eandem cassiam, bora ante prandium. Item postquam accepit prædictum serum, fiat phlebotomia basilicæ dextri lateris, euacuando usq; ad 3 8. uel 10. sanguinis. Item perseveret post purgationem illam, inungere totam regionem hepatis & lumbos secundum longitudinem unguento rosaceo Mesue recenti eiusdem anni. Item per totum annum utatur confectione ex æqualibus partibus zuccari rosati & uiolati, & sit dosis 3 s. bora una ante prandium. Et quanto frequentius assumet tanto melius. Item utatur semel tantum in septimana Reubar. electo, ita ut masticet ipsum & deglutiat ad pondus 3 2. Item istam eandem purgationem præscriptam, cum sero lactis sumat etiam in autumno, hoc est bis semper in anno. Præterquam quod non phlebotomabitur nisi in uere. His peractis laudo etiam ad maiorem præseruationem suam, ut circa mensem Iulij uel principium Augusti, sumat aquas balneorum frigidiorum. Sicut sunt balnea de Luca, balnea de calderio in agro Veronensi, uel consimilia quæ sunt frigida & ferrea.

De quodam nobili iuvene patiente ulcera in pede,

& brachio, cum leui delirio,

Consilium XXVIII.

In hoc casu difficili nō tantum ad curationem, sed etiam ad cognitionem, utar compendio, ita tamen, ut nihil omitam necessarium, imminet enim extremum periculum. Dispositiones naturales, quoad temperaturam, mores, consuetudinem, proprietates indiuiduales uix possum scire, quia non noui hunc, nisi in hac ægitudine. An igitur sint æqualia uel inæqualia membra, nihil possum asserere, sed poterimus sine illis curationem instituere. Certum est, quod quando incipit fluxio, apparuit circa pedem sinistram abscessus sine colore, neq; durus, neque cum inflammatione, sed tumor insignis non protuberans, sed ueluti demissus & dispersus. Hic abscessus ubi erupit, exiuit sanguis, & degenerauit in plurima ulcera parua, quæ deueniunt ad unum commune, & tunc in eodem tempore aduenit in brachio similiter, & omnia erant generis eiusdem. Octauus iam mensis

agitur post primū abcessum, qui erat in talo. Accessit tandem dolor capitis, & postea sopor, siue id fuerit ratione materiae intrinsecæ, siue etiam ab applicatione soporiferi. Aliquando dormit, aliquando etiam plurimum uigilat. Deuenit præterea ad quoddam idcirum. Non recte memoratur, nec imaginatur, nec cognoscit, illæ enim actiones corruptæ sunt. Hæc sunt symptomata, quæ apparent in hoc ægro. Urinæ croceæ, tinctæ, indicantes maximum dolorem in aliqua parte corporis. Bilis autem tales urinas facit, cuius hic insigne dominium apparet in alui excrementis. Apparet etiam pituita. Videmus autem, quod si quis aggrediatur curam horum ulcerum, & exiccat in uno loco, in altero iterum erumpere, & erosiones fieri, ubi abcessus fuerint incisi. Sunt & in corpore alia impedimenta, quæ indicant difficultatem curationis. Virtus debilis est, & habitudine corporis, quæ nihil est aliud, quàm pellis, & ossa. Istitis igitur omnibus ita præsuppositis, inuenienda est curandi ratio. Habemus unum fundamentum Galeni & Hippo, ubi in singulis partibus apparet læsio, uel in hac, uel in illa sit nocuumentum aliquod necessarium est, ea originem habere ab aliquo principio uniuersali. Tria autem principia sunt; cerebrum, id, ubi læditur, læduntur uirtutes principales, & reliquæ actiones, quæ ad motum & sensum faciunt. Corde læso inficiuntur spiritus, & uita perit, hepate læso fit mala sanguificatio, & omnia excrementa coctionem corrumpunt. Hic excrementa omnia habet corruptissima. Supponamus igitur, quod omnes eiusmodi abcessus habeant communem originem, malam dispositionem in hepate, quæ est origo, & radix totius huius morbi. Qualem igitur dicemus esse hanc ægritudinem? Est intemperies mala, etiam cum solutione continui. Videmus urinas attestantes de bile, & nimia caliditate, excrementa alui de pituita plurima: ergo ex temperatura mala hepatis generantur humores deprauati, qui faciunt huiusmodi abcessus in diuersis partibus. Dubitauit, nunquid hic esset suspicio morbi Gallici: habet enim originem suam in hepate, generatur humor melancholicus, & humores adusti habent similia ulcera, & in eodem interdum ulcere omne genus est humorum, qui generantur in hepate ob malam istam infectionem. Vidi etiam quendam, quem ex solo dolore capitis deprehendi morbo Gallico laborare, cum nullū aliud esset signū. Et in hoc uene suspicor aliquid tale. Sed supponamus etiam non esse morbum Gallicū, quia non satis constat, dum enim sunt uariæ alterationes, contingit ut uenena generentur talia, quæ nullo pacto possint nominari: quando putruerunt ob uarias alterationes, quæ sunt etiam ex uarijs temperaturis nostris, satis est hoc constare, quod talia procedunt, tanq̃ propagines, à mala hepatis temperatura. Quare certū est quod euacuatio huius corporis poterit quidē aliquid facere, sed nō curare integrē. Quantū igitur ad morbum, est intemperies hepatis cum imbecillitate subiecti, & ariditate totius corporis, postea adest febris, quæ facit calorem præternaturalem, & inflammat sanguinem alioquin insamabilem. Sed est dubiū, quod in singulis abcessibus humor est sub forma sanguinis. Nam ubi sanguis deuenit ad aliquem locū, & facit abcessum, est tumor insignis cū calore uehementi, dolore summo, & sensu pulsationis in profundo, & magna etiā tensione membri. Hic nullū tale signū apparet, & tamen exit sanguis. Et mirū est, quod sanguis tā diu extra uenas existens, nō putrescat, cū dicat Auicenna, sanguinem extra uenas effluxum necessario putrescere. Ego uerō id de sectione credo, quando ferretur sanguis extra uenas, & mouetur in loco conueniente putredini, quod putrescat necessario, non aut tam cito in cōcauo corporis. Cura. Sunt fluxiones, in quibus reperitur primo membrū recipiens; & in hoc corpore omnia membra sunt debilia, materia quæ abundat: uia præterea ob longā fluxionem preparata: mandans est hepar, id præcipue respiciendū, membro recipienti, si aliquid nobile, succurrendū, reliqua prout nunc relinquimus. Habemus ægritudinē insignē, & uirtutē debilem quod apparet ex signis allatis: est enim sine carne, & mēbris solidis, ex quo in ancipiti sumus, si nō succurremus, morietur: sin uero succurremus, parū proficere possumus. Symp. quod nūc urget, est deliriū, cū tamē satis dormiat. Ad id uteretur auersionibus, facere frictiōes deorsum. Circa ulcera, omnia eodē modo curabuntur, si prius sublata sit causa, ad quā nihil melius poterimus facere, quàm exhibere decoctū ligni, quod exiccat, & singulariter respicit hepar. Bene pur

gatus est, quare statim accederē ad syrupos, pro quibus lignū decoquerem in aqua Eno-
diaug, ut facile penetrēt, nec nimis calefaciat. Vlcera post modū curabuntur, quia ratios
ne curata sunt hactenus. Erat quidam in eodē casu, & ulcera curabantur hoc modo, ut
uno sanato, in tribus alijs locis resularēt alia, et ille tandē curatus est solo decocto ligni.

De Polono patiente cedemata in pede, urinæ stillicidium, &
morbum Gallicum. Consilium XXIX.



Larissimi Doctores, Illustris, Dominus convocauit nos propter quosdam
suos morbos, qui distinguuntur ab actionibus læsis. Tunc enim est mors-
bus, cum est actio læsa, & si plures operationes læsæ sunt, plures sunt mors-
bi. Videndum igitur, quanam sint actiones læsæ, & quotuplices, & tunc
inueniemus morbos, quibus repertis inquiremus causas: postea accedes-
mus ad curationem. Operationes læsæ in hoc Domino duæ sunt in genere quidem:
animales & naturales. Naturales uerò læduntur multipliciter: primum uirtus nutriti-
ua particularis in certis membris, ut in pede dextro & sinistro apparent cedemata, quæ
inducunt incoctiones, quia nutriuntur illæ partes ex sanguine corrupto, imò non ex
sanguine, quia hepar non sanguificat recte, ut apparet in ambitu totius corporis. Ac
ita apparet uirtus nutritiua in pede læsa. Excrementa etiam indicant operationes læ-
sas, à quibus uirtutem naturalem nutritiuam diiudicamus. Urinæ plurimum recedunt
à naturali conditione: cum enim membra sint naturaliter calida, tamen ita sunt deco-
loratæ, atq; albæ, sicut lac. Atq; hoc indicat magnam incoctionem in membris natu-
ralibus. Præterea ex magna alui conspersione hoc cognoscemus. Nam 2. Prognosticū
ubi excrementa citius uel tardius egeruntur, expresse significatur diminutio caloris in
membris naturalibus, & coctionis priuatio. Est uero urinæ emissio partim naturalis,
partim uoluntaria, quæ sit per musculos uesicæ, cum modò emittatur urina cum ardo-
re, & sit stillicidium circa illam excretionem: Videmus actionem naturalem impedi-
tam, excretionem scilicet: quæ dupliciter læsa est. Primo diminuta, quia non excernit,
quando & quantum oportet. Secundo corrupta, quia egerit cum dolore, & habet ar-
dorem in emissionē, & non quantum oportet exit, sed stillicim. Actiones uerò ani-
males dupliciter sunt læsæ, sensitiuæ & motiuæ: Sensitiuæ læsa est, quia in sensu tactus,
in digito pedis dextri percipit dolorem, in humeris, itē & brachijs, læditur etiam circa
motū, nam urina emittitur non nisi cū maxima difficultate, quia musculi nō ita mouen-
tur, sicut oportet, postea non potest ambulare libere, non potest erigi. Omitto itē dolo-
rem renū, quia huiusmodi actiones læsæ sunt ab iisdem causis. Et hæc sunt operationes
læsæ, quæ proueniūt ab aliquo morbo, qui inquirendus. Incipiamus ab cedemate quod
est in pede. Morbus est in triplici differentia, uel est à mala intemperie, uel in cōposi-
tione, uel in solutione cōtinui. Hoc cedema prouenit à mala intemperie, quæ est per a se
fluxū materiæ frigidæ & humidæ, pituitosæ scilicet facientis affectū, qui est tumor præ-
ter naturā, qui quandoq; est morbus in cōpositione, scilicet cum impedit membrū or-
ganice, quandoq; est in temperatura morbus, quando nō impedit membrū simpliciter
Hic est in temperatura tantū, quia non impedit membrū à proprio motu, sed est tēpe-
raturā frigida & humida. An modo talis intēperies sit ibi per cōsensum, aut per essen-
tiā, scilicet, si in ipsis tibijs sit quædam intēperies, ut ibi etiā non posset confici bonus
sanguis: an uerò sanguis malus aut talis materia profluat ab alio mēbro, an uerò sit ab
utroq; Audiuimus, quod illustris D. nō habuit semper illud cedema, quia ubi nō labo-
rat, tūc non habet, ubi aut laborat aut equitat, statim crescit; unde certū est quod aliud
de mandetur, & omnino dictū est, quod mandetur ab hepate, quod habet diminutam
operationē in sanguificationē, et mandat talē materiā, ac facit pedē intumescere. Bene
crediderim, quod, cū perseverauerit hic fluxus, et assuescētum sit membrū nutriri tali
sanguine, et à materia frigida membrū seipso frigidius reddirū, facile tandē in eam tē-
peraturā incidisse. Ad alias actiones læsas accedo. Urinæ albæ & decoloratæ, cū pluri-
ma materia pituitosa, et simili puri, tamen nō percepi odorē aliquem, unde pituita ma-
gis puto: quia ubi uirtus sanguificans frustratur à suo fine, multiplicat pituitā, & deuenit

ad uenas, ac uias urinales, quæ late sunt, facile tingitur urina, per admixtionem pituitæ. Albedo enim urina duplex est, quædam priuatiua, quæ ob frigiditatem contingit, quædam positiua, quando mixta est cum humore, aut re alba. Constipata alius fit ob eandem causam, quia enim pituitæ plurimum generatur, & in intestinis uiscida & crassa nunc abundat, retinet feces, quia miscetur & facit, sicut si aliquis componeret parietem ex luto uiscofo, & duro. Alia etiam causa est, quia pituita plurima in intestinis existens obtundit bilem, quæ necessario debebat excitare intestina ad excretionem, ea fit propter frigiditatem & humiditatem in hepate non naturalem (qua nunc laborat) sed acquisitam per morbum. Ad stillicidium accedit dolor circa pectinem, quia illuc est affluxus materiae pituitosæ & crassæ. Cum enim est in uesica urina, quæ acris est, & sit mûlat naturaliter membranas, & muscûlum, ut egrediatur, simul premit pituita illa crassa, & excitat dolorem: cum autem mingit, liberatur à dolore, quia remota est causa. Stillicidium autem fit à multis causis, uel quia instrumentum debile, uel quod urina crassa. Et hanc causam esse hic credo ex parte urinae & instrumenti: ob admixtionem pituitæ, urina crassior non potest ita egredi. Instrumentum autem, quia dum materia crassior tendit ad exitum, obstruitur collum uesicæ, & non potest extrudi, ita non libenter exit, & fit stillicidium. Obstrui uero hoc potest uel à grumis, uel à calculo, uel à pituita. Hic est pituita: pondus autem percipitur, quia non excernitur materia quantum oportet. Istæ sunt actiones naturales læsæ, & morbi earum, uidelicet intemperies frigida & humida, quæ non est essentialiter in aliquo illorum membrorum, nisi in hepate, unde ad membra illa mandatur. Actio item animalis læsa, & primo, quod ad sensum tactus. Dolor & tumores in pede & brachijs fiunt ob defluxum materiae deuenientis ad eas partes: & uoluntaria ac sensitua læduntur ab eadem causa, à fluxu uidelicet seu materia, quæ est tanquam efficiens lædens membrum, & afferens trilem sensationem, & dolorem, quia est alteratio subita, & præcipue, quando mouetur & laborat, quia materia retenta in neruo comprimit eum, & excitat dolorem. Eadem materia est impedimento in motu, nam imbibitur in neruis & muscûlis, ideo non libere mouetur, sensitua etiam actio læsa, in pene & collo uesicæ ardor est urinae. Causæ huius duæ sunt, ut dixi ex parte urinae & instrumenti. Ex urina, causam declarat Gal. 3. de causis symptomatum. De excretionem. Ardor urinae fit à duabus causis, uel ratione uitæ, uel humiditatis existentis in pene & collo uesicæ, quæ hæret in adenibus, & est materia uiscida, quæ semper præuenit emissionem seminis. Ea humiditas, cum est exiccata, urina acris facile lædit penem, & partes illas sensituias, quando non sunt munitæ, amissa propria humiditate. Hic illustris Dominus incubuit plurimum Veneri, ergo potuit exiccare in istis partibus, sicut in senibus contingit, qui ab omni ferè humiditate tali exiccati sunt. Quia igitur exiccata talis humiditas, ardorem percipit ab urina, quæ ob admixtionem bilis acris est. Apparet autem huiusmodi ardor non semper, sed secundum quod urina est acris, uel ratione cibi, uel propter admixtionem humoris adusti, uel biliosi, uel falsi, & secundum priuationem humiditatis illic existentis. Sic habetis causas omnium symptomatum, uel est intemperies per affluxum, uel morbus ex priuatione humiditatis in illis adenibus. Morbus ille à quibus causis prouenit? Morbus nullam facit indicationem, quia ex eo tantum scitis, quod debeat remoueri. A natura igitur morbi sumenda indicatio. Diximus morbum esse per affluxum, unde & quas habeat causas. Porro causæ alterantes, & præparantes quædam sunt extrinsecæ, quædam intrinsecæ. Extrinsecæ causæ omnes conuenerunt in hoc nobili uiro. Aer ita frigidus, tempore hyemis, ut clauis erumpant tanta uehementia, sicut Poloni narrant: ut interficiant homines, est enim Polonus. Accessit inunctio maledicti argenti uiui, & fuit causa potissima. Auicenna enim distinctius loquitur de eo, & dicit illud frigiditate & humiditate inducere paralyin, & facere stuporem, apoplexiam, & epilepsiam. Cibus & potus eius fuit inordinatissimus, Veneris plurimus usus, exercitium inordinatissimum, statim à prandio, quandoq; manet in longissimo ocio, modo subito laborat, essent mihi tres dies necessarij ad enumeranda omnia: præterea in animi affectibus pluris

plurimum deliquit, administrat enim ferè omnia negocia regia. Intrinsecæ causæ sunt habitus corporis, ante habuit talem temperaturam, ut facile possit incurrere talem dispositionem. Temperaturam naturalem hepatis calidam & humidam indicat amplitudo uenarum, pili sublaui, mollities carnis, plurimum generat sanguinis. Cordis temperatura calida, & mediocriter sicca, quia est bonorum morum, non iracundus, benignus, mitis animi & humanissimus. Temperatura autem totius corporis facillime talis effici debet. Cerebrum in principio generationis, & testiculi fuerunt huius temperature. Quod uentriculus bene concoxerit, indicatur ex bona corporis proportionem, ac dispositionem. Dum autem aliquis nutritur lautissime, & plurimo cibo, & non exercetur, membra non appetunt, sed respuunt tale nutrimentum, & ita repletur corpus humoribus, à quibus suffocatur tandem calor naturalis, & innatus. Hic itaque uir abundat pituita, per totum corpus, & humoribus frigidis & humidis, quæ multiplicatio materię frigidæ & humidæ & crudæ duabus de causis accidit: Primo ratione debilitat caloris. Secundo ratione obiecti, quod quantitas tanta, & tales qualitates nutrimenti offerantur, ut non possit concoqui. His ita se habentibus apparet primo, quæ sint actiones læsæ, & qui morbi, & quæ causæ istorum morborum. Ex quibus elucescunt duo, quid scilicet dicendum sit de prognostico, & secundo, quomodo curandus.

Prognosticum. Dico si nos attendimus ad causas intrinsecas alterantes, reuera non est dubium quin possit curari. Generat enim adhuc multum de bono sanguine, quia rubicundus est, etiamsi intemperies hepatis ad frigiditatem accessit: facile itaque poterit curari. Quantum ad extrinsecas, ab aëre, cibo, potu, Venere necesse est ut temperet, & propterea fortasse non poterit curari, cum tales causæ, cum sanus esset, ac iuuenis, tantum potuerunt, ut illum ægrotum reddiderint. Quomodo igitur illis perfectuerantibus poterit restitui? Curatio. Duo sunt aduertenda: Primo intemperies frigida, & humida in uentriculo & hepate. Secundo, qualitas innominata, quæ aduersatur naturali temperiei hepatis, quæ non nota est, & uidetur esse affectus Gallicus. Ad temperiem remouendam instrumenta erunt calida & sicca, sed antequam hoc faciamus excrementa prius expellantur, deinde roboretur corpus. Repletum autem est corpus pessimis humoribus. Euacuandum igitur fortioribus: exhiberem syrupum de Liquiritia, confectionem Hamech, Coccias. Exhibuimus minoratiuum, sumpsit unum syrupum, cras mittitur sanguis è uena basilica ad §. 12. pro sanguinis natura. Et uelim etiam iterari euacuationes, sed fortiores. De cauteriis & localibus tunc loquemur, ubi alia erunt facta. Viçtus ratio non erit, ut ipsi soliti sunt, sed est immutanda, siquidem uolet aliquid fructus ex medicinis percipere.

De puero patiente in pede tumorem, & ulcus.

Consilium XXX.



Asus ex relatione Frismeliæ. Nunc tertius agitur annus, ex quo hic puer incidit in febrē, quæ durauit duos menses, & erat phlegmatica ex inordinato uictu contracta. Curatus ita, ut uideretur se meliuscule habere per hyemem. In uere iterum male se habuit, & in Aprili superuenit tumor pedis. Factæ frictions, & adhibita emplastra, absque eo, quod purgaretur totum corpus, plurima materia eo confluit. Postmodum purgatum corpus, & apostema ad suppurationem ductum, uariis auxiliis & ligaturis tandem apparente suppuratione cum aperitur ferro, exiuit nescio quid puris, patiebatur grauissimos dolores, ut decumberet & uideretur moriturus: postea tamen meliuscule habuit. Ideo huc uenit querens auxilium. Montanus. Est ulcus manifestum, & uidetur quiddam compositum. Nam præter solutionem continuam adest mala complexio propter colorem indicantem humores adustos, aggregatos, ibi facientes malam intemperiem. Est præterea caro superflua, & non naturalis, tollenda potius, quam curanda. Est & alia compositio mala, scilicet tumor. Et est dubium, an ulcus sit cacoë

cacoëthes & malignum, hoc non constat, & tamen augetur dubitatio. Quædam enim attestantur esse profundam solutionem, quia impeditur motus directionis pedis, cum tamen pes ipse non intumuerit. Dubitatur igitur, si incisa, corrosa, aut apostemata, sit ea chorda, propter quam non potest extendere tibiam, & an fiat ratione ulceris, an propter aliam causam, uidelicet affluxionis materiæ, uel propter participationem ulceris, quia est materia semper defluens, uel ex intemperie iam facta in loco, ratione cuius non concoquit alimentum delatum, propter loci debilitatem, uel propter affluxum materiæ à partibus superioribus: ut catarrhi deuenientis à capite, quia passus est in oculis, & pustulas circa caput præcedentibus diebus. Credo, quod primo & principaliter sit ex intemperie, quæ est in loco, ita, ut non concoquat, deinde etiam ex superioribus, nam hepar etiam non ita concoquit. Nec se exercet, ita ut solius est. Fuit autem in plurimo motu, & ideo male habet, quia nunc sedet semper in lecto, & quiescit, & in illa quiete excrementa non ita excernuntur commode: sed defluunt ad locum imbecilliorum. Est igitur difficilis curatio, propter uarietatem morbi: secundo etiam, quia corpus cacochymicum abundat excrementis, quæ remouenda, si uolumus curare solutionem continuam. Quid igitur agendum? Si uolumus curare ulcus, opus est euacuare, ut fieri potest, & iterare etiam, & intercipere defluxum corroboracione membrorum superiorum, & defensorijs, quæ non permittant materiam defluere, ut holo Armeno, & auersionibus, cauterijs in parte superiori, uidelicet in brachijs, quæ nocuum non habent, quia facile consolidantur, & multum iuuant. Ideo laudo, ut fiant: si enim intercipiatur materia, & exiccetur, poterit melius curari. Abluatur caput aquis Thermarum, uel etiam totum corpus, ita ut habeat uas, in quo poneret pedem, tamen non humectaret, sed muniretur emplastris, ut non aqua transiret, uel si transiret, etiam forte non noceret, quia exiccaret & abstergeret. Nutriatur postea cibus humectantibus humido substantifico, non excrementitio. Vlceri subuenire, primo erodentibus carnem superfluum, quæ adhuc restat in una parte, in altera remota est. Si posset reduci ad naturalem dispositionem, non remouerem, sed uereor ne possit, ideo remouere uerem medicamento, ex cera, oleo, & æruginis aeris, quod corrodit & consolidat, ut & Galenus docet: unguentum Diapalmæ laudatur etiam ab ipso Galeno, ita ut eo solo ad ulcera, inflammationes, fistulas & fluxiones uti possimus, & uideo hæcenus bene successisse. Si postmodum permanserit aliqua durities, poterimus uti luto sancti Bartholomei post consolidationem. De prognostico: non scio, si est corrosa chorda, non poterit extendere pedem, si non, mouebit commode. Potest enim nunc esse ex affluxu materiæ. Post annum redijt parens cum puero, qui ulcus iam consolidatum habebat utcumque, restabant tamen foramina, seu cicatrices grandes, & puer pedem incommodè mouebat, ita ut non satis extenderet: sed claudicaret, & pes etiam uidebatur minorari. Montanus puerum purgari uoluit, dedit 3. syrapi rosati solutui, misti cum aqua Betonicæ. Deinde pedem totum supra incipiendo iungi uoluit pinguedine Taxi, quæ refrigerat, & mollificat neruos. Ad Thermas cum ire uellet, consulere noluit, quod uereretur illam contractionem esse neruorum ex siccitate potius, quam ex affluxu alicuius materiæ, in quo casu solo Thermæ profunt, consuluit ut potius incommodè, quam omnino pede non uteretur, quod à Thermis maior exiccatio, & ideo uehementior contractio metuenda esset. Consuluit uerò, ut sequentibus potius auxilijs uteretur. Purgatio. R. Specierum hieræ simp. 3. 4. cum melle rosato, fiat bolus paruus, & detur 3. horis ante prandium, die immediate sequenti. Accipiat infra scriptos syropos. R. Oxymellis simpl. mellis rosati, ana 3. 6. decoctionis endiuivæ, betonicæ 3. 3. Misce pro uno syrupo, & sic pro alijs usque ad 5. Postea R. Agarici præparati 3. 4. fiant pillulæ N. 5. sumat uesperti uel die immediate sequenti. Item R. pinguedinis Marmotæ, lassi, ursi, humanæ ana 3. s. adipis anseris, gallinæ, olei liliorum alborum, amygd. dulcium, ana 3. 1. s. olei Therabinthinæ 3. s. Misce & cum modico ceræ, fiat linimentum, pro unctione totius cruris lassi, incipiendo ab ancha usque ad calcaneum, & ita frequentetur unctio per integrum annum, semel in die mane.

Pro uaria luxatione in pede, pro Domino à Stubenbergo.

Consilium XXXI.



BELLOCATVS. Agendum nobis est de casu nobilissimi pueri, qui patitur luxationem circa pedem, à qua cupit liberari. Est autem puer tredecim annorum ferè, & ipsa luxatio à multis annis durauit, ita ut ipsi fere parentes ignorent principium, nec utrum ita natus sit, affirmant. Nemo enim recordatur habuisse cum motum liberum pedis, aut ullam causam primitiuam referunt, nisi quòd pater iratus ante multos annos puerum cum uerberare uellet, mater puero succurrens, pede eum ex manibus patris retraxerit. Sed tamen nō satis norunt, utrū illud læsionis fuerit principium; puer enim arte ita regebat, ut incesu ægre animaduerneretur, ideo parū tunc curabant parentes. Nunc duobus annis cum uehementius moueri inciperet, & duceret choreas, maiore dolorum patitur, crus intumuit, & pes etiam à genu infra marcescit. Querit de his consilium & curationem. Credo esse luxationem pedis extremi in iunctura fibulæ, siue ipsius tibiæ, inter os & calcaneum introrsum, quia cum incedit, uidetur non super calcaneo, sed super tibiâ ingredi, & pes iste sursum eleuatus est, & deorsum concauus, idēq; multis annis durauit, nec unquam repositus est, licet cum aliquibus (ut audio) se unxerit. Modo etiam intumuit, quia cum non sit in proprio loco, & puer uoluerit pedes exercere, factus dolor, cuius ratione materia attracta, & intra chordas imbibita et iuncturas, propter dislocationem, unde pes intumuit. Quidnam fieri possit? Galenus 3. Meth. repositionem ad artem spectare, atq; ab artifice fieri uoluit. Sed Hipp. de Articulis, & Gal. in comment. distinguunt penes maius & minus. Non facile sanantur, si magnæ & antiquæ, maxime si accesserit demacratio pedis, ut in hoc puero. Accedit materia etiam in illis cauitatibus contenta, propter quam non facile restitui potest, nisi materia remoueat; ideo difficilem credo curationem futuram, & forte impossibilem. Sed quid fieri potest? Materia quæ intra ossa attenuari debet, & pes deinde in meliorem situm collocari, ut consequenti ætate concreascit aliquo modo, ut saltem melius incedat, si non exquisitè. Quomodo luxatio reponi deberet, sed id non potest fieri propter materiam ibi contentam, & igitur digerenda est ipsa, quæ emolliunt ualde, & parum resoluunt, ne magis induretur materia, & reddatur gypsea. Sed priusquam ad particularem aliquam curam accedam, prius totum corpus puto esse euacuandum. Ac quia puer est, non querendū de missione sanguinis. Arbitror igitur procedendum cum euacuantibus materiam crassam, pituitosam cum aliqua etiam parte cholæræ. Sed cum calores iam maximi, & tempus non sit idoneum, ideo lenioribus uteretur tantum, ut potius bis uel ter repeterentur. Darem itaq; cassiam cum electuario de Dactylis in parua tamen quantitate. Concoquere materiam cum syrupo de Betonica & rosato. Et hoc modo facta & iterata euacuatione, uterem emollientibus lotionibus & fomentis factis ex decocto radicum Althææ, sem. lini, Foenugraci. Et postea mitterem puerum ad lutum S. Bartholomei, aut montis Orthonis, quod emolliet partes induratas. Quibus peractis, si possibile foret, tentarem repositionem talem, qualis fieri posset, si puer pateretur, & postea roborarem ligamenta, & chordas cum emplastro ex croco, & aliquando ex Diadistamo, sed remissiori in caliditate, ita ut misceatur cum unguento Diapalmæ, aut Diachalcitidis, & per aliquod tempus haberet calceos arte paratos, aut aliquid, quod teneret pedem rectum, ut soleam, quæ non cederet, & ut pes non contraheretur, sed extenderetur. **FRISIMELICA.** Duo sunt symptomata, de quibus hic puer conqueritur. Impeditur operatio pedis, & apparet mutata forma, & situs pedis. Morbus qui facit operationem læsam, est dislocatio seu luxatio, uel dimotio articuli ab articulo, seu à loco proprio, cum congerie humorum crassorum, qui ipsi etiam motum impediunt, & quidem apparent luxata esse ossa omnia, quæ componunt pedem, & in malleolis esse maiorem repletionem. Quod ad causas attinet, credo primo factam esse aliquam attractione matris læsionem, non quòd

non quòd sit luxatio, sed elongatio, ut refert Galenus libro de articulis, & Auicenna de luxatione. Ea dislocatione, facta est imbecillitas membrorum, non tamen omnino impediatur in motu, sed materia posimodum paulatim defluens perfectam fecit luxationem, & ideo à biennio magis impeditus est in motu, & adhuc quotidie crescit impedimentum, & dolor sequitur, & pes marcescit, quia humores mali defluunt, membrumq; imbecillum redditur, ut non ita nutriatur. Sed hic unum est uidendum, quia sub genu affecti pedis apparet quaedam durities, an in musculis, uel alijs quoq; partibus sit affectus præter naturam, an materia per consensum aliquarum partium superiorum defluat, sicut fit interdum, ut caput transmittat excrementa sua ad loca inferiora. Sed cum diligenter inquisitionem, audiui nihil eum unquam passum esse in capite, neq; pati, nec aliud membrum in corpore esse affectum uidetur, quod mandet, sed tota ratio ad causam primitiuam referenda uidetur, quam deinde plurimum adiunxit mala uictus ratio. Quid igitur erit futurum? Si considero ea, quæ sunt necessaria ad salutatem huius nobilissimi pueri, uidetur ualde difficile, quia non credo posse perfici hæc duo, ut remoueantur ea, quæ congesta in pedem tumorem faciunt, & dislocationem perfecerunt. Secundo, ut membrum reponi possit, ferme impossibile erit, quia materia plurima aggregata est, quæ crassa & locus est imbecillis ualde. Si materia curuari posset, forte cura possibilis foret. Quæritur modo, quod est possibile, ut scilicet præseruetur, ne cadat in deterius, quod licet difficile sit, hoc tamen fieri potest. Materia euacuanda crassa est, uiscida, & adhærens: ideo primum mollienda cum relaxantibus, & leniter, non ualde tamen resoluentibus. Cogitabam ego quoq; de luto, quod emollit, & resoluit. Sed id medicamentum ualidum, & uehemens in puero tenello & resoluibili, uix poterit perpeti, sed ideo non prætermitterem purgationem lenem, & delegarem ad Thermas, ijsq; uteretur commode pro ratione temporis, & ætatis, posset habere medicamenta resoluentia, & emollientia. Si non sanaretur in luto, adhiberem etiam localia, emplastrum Diapalma, seu Catholicon Nicolai, cui alia frigidiora admisceri possunt. Hæc & alia præscribi poterunt. Purgationes maiores nunc non faciendæ ratione temporis, & ætatis etiam; sed exquisita uictus ratio instituenda erit. Demacratio facile amouebitur, remota enim materia nutrirî incipiet, & pars illa durius circa genu facile resoluetur. Montanus: Offerat nobis casus admodum difficilis & implicatus; nam si actiones læsas consideremus, omnes tres læsas uidebimus. Primo enim uirtutem animalem motiuam læsam, & corruptam cernimus. Vitalem quoq; diminutam, scilicet calorem à corde influentem ad membra diminute accedere ad eam partem. Naturalem etiam diminui, non enim nutritur pars, ut oportebat. Atq; ita omnes tres uirtutes læsæ sunt. Et cum actione læsa indicetur malitia morbi, omnino morbi plurimi sunt, & difficiles. Quòd autem morbus etiam multiplex sit, apparet, nam omnia tria genera morborum commixta sunt. Primo enim intemperies tanta in toto membro à genu infra, ut longe gracilius sit quam aliud, & plurima materia ad partes infimas reledit, quæ fecit malam complexionem, quam uocat Galenus libro de diff. morborum, per affluxum materię. In compositione mutatus situs, læsa figura & in quantitate etiam uitium, alibi deficit, alibi abundat. Solutio autem continui manifesta est, cum sit luxatio multiplex. Itaq; hoc modo triplex est genus symptomatum, triplex etiam genus morbi, & ideo multiplices indicationes medendi & occurrendi, sed quia hæc in uniuersali tantum dicta sunt, ideo distinctius loquendum, & quia plures morbi, uel alter erit causa alterius, uel quilibet seorsim separabitur. Oportet igitur uidere quomodo se habeat. Ex relatione hoc scimus, licet ipsi distincte hoc dicere nequeant, ab eo potissimum actu, quando mater traxit puerum pede, dum manu patris esset comprehensus, factam esse læsionem uolentem, ex qua quicquid in eo modi successit, subortum est. Quia attractio illa fecit aliquid circa solutionem continui, separas uir ossa uel integre, uel ex parte saltem, quia in puero ossa debilia & mollia sunt, & ligamenta humida, ita, ut facillime possit facta esse luxatio integra, ad quam reliqua incommoda secuta sunt; sed qualis sit dislocatio, & in quibus ossibus, uidendum. Est in pede

pede primo astragulus, in quo tanquam basi firmatur os tibie & fibula, est deinde os naviculare, sunt ossa pectinis plantæ, & ultimo digitorum. In quibus modo sit dislocatio ex figura, & impedimento motus, inquirendum est; primo, pes contractus est breuior seipso, non quia chorda aliqua contracta sit, ut in spasmo cynico, in quo non ossa, sed muscoli contrahuntur, & ita membrum contrahitur. Hic pes contractus est secundum longitudinem, circa plantam pedis, unde ossa aliqua plantæ contracta esse necesse est, & præsertim naviculare, circa quod tumor apparet insignis. Est & impedimentum circa iunctionem, ut neq; superius neq; inferius pedem mouere possit, quod non fit ex aliquo impedimento musculorum, seu chordarum, sed quia ibi est etiam perversa locatio ossium, nec os calcanei erigit pedem, super quo fundatur stabilitas pedis: sed inflexum est, ex qua inflexione & fibula relaxata est, & os superius non rite adhæret suæ basi, & ita multiplicem crediderim luxationem, seu dislocationem, ut apparet ex motu deprauato, & ipsa etiam figura pedis. An uerò chordæ, quæ trahunt & mouent articulos pedis sint læsæ, aut uerò si ossa redirent ad debitam locationem, recte pedem mouere posset, difficultas uidetur; quia, ut refert clariss. Doctor, circa genu est aliqua durities, quæ impedimentum ex parte musculorum & chordarum ostendit, & ita multiplex impedimentum est circa uirtutem motiuam, cuius actiones uarie læduntur, propter solutionem continui, & luxationes prædictas. Quod ad alias actiones læsas attinet, uirtus uitalis non ita influit in hoc membrum, sicut ad alia, unde calor non ita fortis. Et naturalis etiam debilior, non ita nutritur membrum: quod apud me curationem fere facit impossibilem. Id unde ueniat exquirendum, & inquirendæ causæ. Vis detur etiam difficile, cum ex motu uehementiori maior calor proueniat, & partes, quæ magis exercentur, maiores sint, ideo pes læsus magis calidus esse debet, in puero præsertim, qui fortis est calor: unde igitur secuta ariditas in puero naturaliter humidior, in quo difficilior est exiccatio. Vbi cumq; sunt dislocationes, paralyse, uel aliquis in nervis affectus, continue augentur obstructions, à quibus locus læditur, quia calor naturalis impeditur, ne transire possit: quod si ex hac peruenerit, exiccatio facile remouebitur, remotis enim obstructionibus ad suum statum redibit: sed alia causa difficilior est, labor continuus exiccatur humidum radicale. Hic exercitium continuum & immoderatum habuit, & laboriosum, ut semper sit in ijs, qui habent pedes oblæsos, ambulauit cum maxima difficultate. Cum hoc modo crus substantiæ exiccetur, & calor, qui humido nutritur, exiccatur, incurabile est, sicut & in paralyticis cōtingit, licet ibi fiat à causa contraria, uidelicet, à suffocatione, hic uerò à resolutione, idē tamen effectus, & quidē in hoc casu minus mirabilis, ideo hanc arefactionē magnificatio in hoc puero, cū credam esse ex humiditatis radicalis defectu, quia biliosus quidem est, sed tenuissimus sanguinis, & resoluibilis, carnē mollē habet, & musculos graciles, unde cū sanguine plurima est humiditas aquosa, atq; ideo facilius resolui potest. Quod aut uirtus uitalis non accedit ad locum, credo factū propter obstructions, & humores pituitosos continue descendentes, unde tumor præter naturam & affluxus materiæ continuus, quæ procul dubio frigida, & pituitosa est, & propter indigestionem aggregatur, non quod mittatur ab alijs membris, quia nullum male factum est, sed quia in ipso membro obstructions multiplices, uasa obstruuntur, & coarctantur, & tandem refrigerantur, unde nutrimentum descendens aggregatur in ijs partibus in quibus potest, & cum non bene conficitur, multiplicantur excrementa, & ratione cruditatis, & ob uirtutem expulsiuam debiliorē, ideo quotidie deterius habet, quia quo plus aggregatur materia, eo magis multiplicantur obstructions, ac ipsa etiam dislocatio augetur, & sequuntur omnia incommoda. Materia etiam contenta ibi, resolutis partibus subtilioribus exiccatur, induratur, & fit gypsea, ut intra dislocationem & ossa tactu percipi potest: ea enim materia uacuitates omnes repleuit. Et ita multiplex est læsio, quæ plurimis indiget ad hoc ut curetur. Nam quoad speculationem facilius, quoad curationem uerò, hoc opus, hic labor est. Quoad prognosticum apparet fere impossibilem

lis, si ea quæ requiruntur consideremus. Primo enim humor viscidus implantatus est intra iuncturas & chordas in profundo, ubi alioqui difficulter resoluitur, & oportet removere illam intemperiem, seu demacrationem, quæ si est ex defectu humidi radicalis, quomodo recuperari poterit, sed supponatur id fieri posse, & non esse factam resolutionem humidi radicalis, tamen cura difficilis erit, quia humor impactus crassus est, non facile resolvetur, partes enim subtiles exhalant, terrestres uero manent. Quod utinam non sit factum hæcenus, non quidem à Medico, sed à calore præternaturali. Quod si materia resoluti non potest, multo minus remoueri poterit. Sed quia pueritia plena spei, in qua multa curabilia sunt, quæ alioqui curam nullam recipiunt, sicut Galenus refert de membris spermaticis incisis, possumus de humido quoque idem sperare, & de resolutione, sed credo difficile fore, tentandum tamen est, & melius est facere aliquid cum spe, quam omnino dimittere.

Ad curam. Propositum est lutum balneorum pro remouenda materia, quod quidem unum ex difficillimis esse dictum est. Sed uidendum, an ea possint resolueri ista materiam ut oportet; plus enim resoluunt, quam molliunt. Nam habent sulphur, salem & parum de bitumine, sicut tribunt illi per distillationem, qui experti sunt harum Thermarum uires. Et si etiam plus esset Bituminis, tamen illud etiam ualde resoluunt, cum sit calidum in tertio. Si uestre excellent, inclinatur animus, ut recipiat, consulerem, ut toto eo tempore, quo accipit, quando non imponitur lutum, utatur lenientibus ex ijs, quæ molliunt, ut sunt oleum amygd. dulcium, butyrum recens, pinguedo porci non salita, alioqui suspectum habere lutum. Sed si hoc modo reciperet una hora resoluunt, & toto alio tempore molliet, atque ita tentari poterit. Sed quid commodi sequetur, dum inde acquiramus, modum curationis, & augebitur etiam spes. Tentare igitur hoc modo. Sed an prius euacuandus? Credo quod sic, licet calor insignis, tamen Cassia, & syrupus rosatus solutius dari possunt, eaque iterari bis uel ter etiam in balneo, ut diuertantur humores, ne fluant ad locum. Postea si perseverabit, unum propono, quod laudat Galenus si lenitione & molliitione loci præmissa fomentum facimus lapidis Pyritidis, sed longissima molliitio præmittenda, ne magis induretur materia, & reddatur cura plane impossibilis; cum quicquid spei est, sit tantum ratione ætatis. De arefactione cruris, ut restaretur modo, quo potest in puero, factis purgationibus uteretur Dyopasimis, qui tamen prudenter fieri debent, & relinqui in loco per modicum tempus, ut calor trahatur ad locum, & postea mollientia, & nutrientia adhibeantur, & utatur optimis cibis. Circa luxationem, si tumor, remouebitur à ligamentis, arte paulatim repositio tentanda est, nec uno impetu statim reponantur.

De luxatione pedis, pro eodem.

Consilium XXXII.



Nemo potest dubitare situm & figuram pedis illustrissimæ pueri luxatione corrumpi, & ab eadem causa motum quoque impediri. Sed quæ nam ossa sunt luxata? Credimus primo illa esse, quæ sunt in pectine pedis, deinde os clauiculare, tertio talum, quarto os calcanei. Et hæc omnia expresse patitur, ut patet ex ipso modo impedimenti motuum, & ex figura uitata, ex ipso situ & locis ubi apparet luxatio. Causas extrinsecas quidem pro comperto non habemus. Intrinsecæ uero quæ aduenerunt, fouerunt & auxerunt luxationes, humorum crudum & viscidum opinamur esse, unde ligamenta laxentur, ossa lubricentur, & lubricata coarctentur. Cruris uero gracilitatem non modicam credimus maxime fieri ab humido nutrimentali nimis exiecat, ita ut etiam periculum imminet, ne pars quoque radicalis humidi exaruerit, scilicet ob laboriosum importunumque motum in ea parte excitatum. Indicium est quod tum maxime arefieri incipit, & deterius habere,

cum uacabat choreis. Curationem arbitror quidem difficilem & arduam admodum, nihilominus tentandam consulo. Si enim puer ille generosus pati uoluerit, forte curatio non erit omnino difficilis uel impossibilis: est enim adolescentia plena sp̄s. Primo igitur esset illi diligentissima uictus ratio proponenda, & ut ille cum toto crure maxime custodiretur à frigore, optimeq; muniretur, ea tamen ratione habita, ne nimis incallescant: si tamen ad alterum declinare oporteat, ad calidum potius declinet. Pareat compositionibus, uitet epularum multitudinem, unico cibo sit contentus: fugiat pastilia, lacticia, fructus, pisces, præsertim palustres, carnes porcinas, bubulas, & omnes antiquas. Persuadeatur ut quàm creberrime, sicut esset bis in septimana, aut semel saltem, tantum Rhabarbari mandat ac deglutiat, quantum est scrupuli pondus: si enim hoc fecerit, nullo alio medicamento indigebit solvente. Circa lutum sancti Bartholomæi pro materia illa uiscida resoluenda, quæ circa luxationes adhaeret, laudo quidem, sed ea lege, ut toto eo tempore, quo extra lutum morabitur, liniatur locus oleo amygdalarum dulcium, uel adipe suillo recenti sine sale, uel butyro recenti, uel oleo Camomelino. Post experientiam factam huiusmodi lutum applicando, pro ijs materijs quæ adhuc relinquentur, laudo fomentū lapidis pyritis, ita ut prius mollicetur locus cum linimentis paulo ante recitatis. Deinde altero quoq; die excipiat fumum lapidis pyritis, crebro agitando & mouendo, quemadmodum Galenus præcipit. Valet etiam ad resolutionem simul & mollitionem œsypi ceratum ex descriptione Philagri: frequentissime tamen utatur lotionē facta ex ramentis cupressi, rosis siccis, camomilla, salvia, & betonica, ualet enim ad resolutionem materiei, exiccationem & corroborationem loci. Pro crure alendo suaderem, ut minime laboraret, & mane modice fricaretur, deinde deliniretur oleo amygdalarum dulcium, uel medulla recenti cruris uiculi, & uteretur optimis alimentis pro cibo. Quòd si contingat, ut materia in loco luxationis contenta maxima ex parte dissoluatur, tum poterit tentare resiaurationem luxatorum ossium non quidem uiolenter aut confertim, sed suauiter & paulatim cum hastulis mollibus ac planis, & cum ligaturis commode ab optimo Chirurgo situm ossium naturalem intelligente perfectis: quia nos puerum sine consensu tutorum, propter calores, & imbecillitatem etiam ac teneritatem corporis, ad thermas mittere nolumus. Consulam, ut accipiat duas uel tres etiam uncias syrupi rosati solutui, cum modico aquæ betonicæ. Pes luxatus liniatur bene cum decocto camomillæ, & deinde supponatur ceratum œsypi ex descriptione Philagri, ac singulis diebus semel innouetur. Crus mane leuiter frictum inungatur oleo amygdalarum dulcium, & quietus uiuat. Sinigulo oetiduo semel masticet rhabarbarum, ut supra.

Pro D. Georgio Freydel Germano: alterius
cruris tumefactione laborante.

Consilium XXXIII.



Vm laudauerimus in hoc præstantissimo puero post purgationem ueris, usum thermarum, ita ut fumo & luto tumores fouendo, quæreret discussionem materię & locorum corroboracionem, ipse autem ob urgentia negotia cogatur in Germaniam proficisci, petit ut thermarum loco aliquid proponam, quod idem præstare possit quod ipsæ thermæ. Dico igitur, postquam in patriam redierit, atq; ibi animo & corpore aliquandiu quieuerit, optimū fore ut rursus expurgetur. Neq; enim probabile est tantum itineris confecturum, quin in ratione uictus non delinquat plurimum, atq; inde rursus non aggreget crudos & deprauatos humores. Est autem omnino contra rationem, loco adhibere resoluentia & exiccantia remedia, nisi primo totum corpus fuerit expurgatum, alioqui longe plus humoris attrahetur, quàm resoluatur. Facta ergo purgatione, postquam animo & corpore quieuerit, nullo temporis spatio interposito, parabit infra scriptum remedium,

Primo duobus aut tribus diebus loca tumentia illinet cum adipe porcino recenti, hoc est, eiusdem anni, non salito, admixto oleo amygd. dulcium, ac butyro etiam recenti; illinet autem singulis diebus his, mane inquam & uesper. Tertio die accipiet quatuor aut quinque frusta ad magnitudinem oui, lapidis pyritæ, quem uulgo marchesitam uocant. Quod si haberi non poterit, eius loco sumet frustū lapidis molaris noui, & aquam non experti, & sit eiusdem magnitudinis, quæ iniiciet in ignem ex carbonibus accensum, habebitq; uas ad id præparatū stricti orificij æneum, qualia sunt ea quibus utuntur tonsores ad lixiuium deferendum, in quod uas aceto semiplenū infundat repente tantam copiam eorum lapidum ignitorū, ut fumus sufficienter exhalet; quem fumum totum diligenter excipiat circa tumores, adiectis undecunq; pannis operientibus, ne fumus per alias partes exhalet; & dum incallescunt partes tumefactæ, per illum uaporem, semper agitabit crus, hinc inde mouendo, iamdiūq; illum fumum admister, quā diu partes exudent humorem ab extrinseco. Deinde locum abluet aqua calida, in qua decocta sit camomilla, & rosæ siccz, & absterget leuiter panno lineo calido. Ultimo inunget eodem linimento paulo ante descripto, & per duos adhuc dies eodem modo bis singulis diebus mane & uesper idem repetat. Deinde tertio die ad illud idem suffumigium redibit, alternatim repetendo per 15. dies, aut etiam 20. postea quiescet, & si curatus fuerit, bene erit si minus, interim quiescet donec autumnalis purgatio accesserit, qua purgatione facta statim tentabit illud idem fomentum uel suffumigium, deinde quiescet usq; ad uernam purgationem. Deniq; nunquam cessabit ab iisdem remedijs itidem repetitis, donec suauitatem acquirat. Neq; enim est discedendum ab ijs quæ inter initia recte fuerint instituta, etsi non successerit, quemadmodum optime cōsulit Hippoc. Estq; illi omnino præsupponendum, quemadmodum etiam in consultatione admonuimus, ægritudinem longam fore, & perseverantia esse peruincendam, in qua sola est cum diuino auxilio spes ponenda, cum firma opinione. Nihil enim deterius huic, & omnibus alijs chronicis ac diuturnis morbis, quā crebra mutatio sententiarum & remediorum. Hoc igitur admonere uolui tanquam rem fortasse præ reliquis omnibus maxime opportunam.

Pro puero Patricio Veneto, à prima natiuitate scabioso.

Consilium XXXIII.



Åtura in humano corpore excrementis dedicauit certa loca, inter quæ cutis præcipua est; quia igitur hic puer est repletus pituita & bile: natura fortis expellit materiam in ultimis uenis per ambitum corporis contentam, & cutis recipit excrementa, & ita fit scabies, quia pituita adusta salsa fit, & ei bilis admiscetur. Si simplex esset, nō fieret scabies. (Gal. 3. de causis sympt.) Quando aut materia salsa est & subtilis, non facit pustulas, sed exhalat cum pruritu aliquo. Si nimis crassa est, non potest ad cutim peruenire. Si media inter crassitatem & tenuitatem peruenit ad cutim, & ratione aëris ambientis frigidi, non exhalat, sed unitur, & facit pustulas; ideo scalpunt se, & secundum quod plus est pituitæ, uel bilis, cō scabies est uel humida, uel sicca. Aliquando etiam pediculos facit ratione putredinis. R. Epithymi, Senæ ana drach. 3. in sero per noctem infunde, & mane decoque, & exhibe loco syrupi. Et omni die lauatur corpus ex sero cum fumo terræ. Caveat præcipue à piscibus & fœcamentis.

Ad scabiem ex materia adusta post purgationem,

R. Succ. limonum			
Butyri recentis	ana	3	3.
Terebinthinæ puræ			
Salis communis		3	2.

Misce omnia simul, & colliquantur ad ignem, & incorporentur agitando cum spatula lignea, postea remoucantur ab igne, & recipiantur vitelli ouorum recentium & incorporentur simul, sed prius refrigeretur unguentum, ne oua indurescant.

Pro quodam adolescente scabie laborante, & parum febricitante.

Consilium XXXV.



Cceperat Calsiam. Ordinauit clystere commune ex Hieræ picæ 3 s. Mellis rosati 3 2. Postea syrupum: R. Mellis rosati, syrupi de fumo terræ ana 3 1. decocti Cichorii, Boraginis, liquiritiæ 3 4. Misce pro uno, & pro alijs eodem modo, donec coctio appareat. Purgauit postea cum confectionis Hamech 3 4. Syrup. rosat. solutui 3 3. cum modico aquæ fumi terræ, fiat potio. Unguentum postea ordinauit, quia desiccare studebat, & febris iam desierat: ex tali aqua.

R. Limones
Salis Nitri

10.
3 2.

Incendantur Limones & aspergantur sale Nitri, deinde imponantur in botiam, & destillentur ad ignem conuenientem sine adustione, fiet aqua odorifera, si libet, musco aromatizetur.

Pro scabie aliud.

R. Styracis liquidæ
Olei rosarum;
Salis
Succi Limonum
Aquæ rosar. ana.

Sulphure tamen nihil
præstantius.

Pro capite fiat lixirium ex cinere uitium, fici, & rad. cannarum, & accipiatur q. s. pro una lotionem, adde Agarici 3 2. fiat ebullitio optima, & exprimat forster, cui adde salis Nitri 3 2. & erit optimum. Post lotionem excidentur capilli, & ungatur locus oleo Caryophyllorum, & tantum Ladani addatur, & Terebinthinæ q. s. ad incorporationem, ungatur etiam quouis uespere cum dicto oleo.

Aliud.

R. Squammæ ferri
Hordei usti
Capilli Veneris usti.

Iridis ana, cum Ladano dissoluto in oleo Laurino fiat linimentum.

Pro scabie post purgationem.

Consilium XXXVI.

R. Lapatij rad. simul cum folijs ab omni luto mundatos. N. 3.
Hordei cum cortice suo P. 3.
Radicum Altheæ 3 2.
Foliorum Maluæ M. 2.
Radicum Ellebori nigri 3 1.

Bulliant omnia simul in s. q. aquæ ad consumptionem dimidiæ partis, deinde fiat fortis expressio, & colaturæ adde postea: R. Olei ros. 3 3. Terebinthinæ 3 2. Salis Nitri 3 s.

Bulliant omnia simul ad consumptionem aquæ, deinde addantur succi Limonum 3. 6. remoueat ab igne, dumq; incipit refrigerari, adde uistellos ouorum recentium num. 4. conseruetur postea in uase mudo, & bene cooperto, & illinat loca scabiosa omnia scalpendo prius apud ignem, & sic fiat alternis diebus uesperis ante introitum lecti septem uicibus, ultimo ingrediat balneum, & mundificetur totum corpus, postea mutet uestes & chirothecas. Pro maculis delendis prodest aqua destillata ex Limonibus cum farina fabarum, uel aqua ex ipsis siliquis fabarum uiridum, succus etiam limonum cum nitro optimum est pro scabie unguentum.

De scabie pro puero.

Consilium XXXVI.

ERAT PVER LABORANS FEBRE PVTRIDA & hydropē, cuius cutis aspera erat, & habebat dispositionem ad scabiem, de qua Montanus hoc dedit consilium. Scabies est de genere fluxionum, & semper deducenda est ad fluxiones: sed in qualibet fluxione quatuor sunt consideranda, scilicet membrum mandans, membrum recipiens, materia quæ transmittitur, & uia per quas. Ad quam partem hic transmittitur: ad totam cutim, quæ recipit, propterea quia imbecillior est à propria natura. Semper enim uidebis ad cutim fieri crisin in fine ægritudinis, cum scabie, pustulis, sudore, in adolescentibus, & non raro etiam in alijs. Est præter hæc debilitatus admodum, quia perpeßus magnum frigus, & aquas intercutem, ut pene exhaustus sit calor, nec possit concoquere alimentum propemodum, nec expellere excrementa. Propter paupertatem & ingluuiem cibos multos ingessit & uarios, nec boni succi, nec nutrimenti commodit: unde in uenis & hepate materia multa. Viæ quoq; latæ sunt, quia cholericus: habet latas uenas, & poros amplos. Scabies, rigor, sudor, lepra, pruritus simplex, siccus, sub cute ab eadem materia nascuntur. Ita omnes fluxiones sunt, sed tantum secundum diuersum modum substantiæ & uirtutis expellentis uariant. Si materia tenuis, & pori aperti, nullum sit symptoma, quia materia exhalat: si uero materia crassior, uirtus non fortis, & cutis resistit, sit rigor. Est etiam rigor sine febre interdum, ut Gal. lib. 2. de diff. febrium & lib. de rigore, ostendit. Si materia crassior, uirtus fortis, & uia latiores, peruenit ad cutim, ac ibi contrahitur, & pustulas generat: estq; materia pituitosa, aliquando falsa. Est ægritudo in compositione, quia cutis asperior est quam esse deberet, Gal. 2. de Causis mor. Morbus est quando impedit operationes: quando uero non impedit, est symptoma. In hoc puero sunt pustule, nec est simplex pruritus, sicut ubi materia tenuis est. Ex frictione cessat pruritus, quia dilatatis poris euaporat: hinc cutis aspera est, & facit desquamations, quia materia multa quidem, sed tenuis est, & apud antiquos proprie lepra dicitur. Nā apud medicos bodie lepra longe alia est, quam quæ apud antiquos elephantiasis dicitur, & desquamatur ferè usq; ad ossa. In hoc puero est ex humore falso, pituitoso, adusto. Si ex melancholia, faceret elephantiasin, & uerā leprā. Auicenna dicit falsedine ex duabus causis provenire, uel cum bilis cum pituita miscetur, uel quando adurit materiam pituitosa. Prima causa habet difficultatem, quia nunquam ex tali mixtione facietis falsedinem, rem scilicet amaram cum insipida miscendo. Nam falsedo etiam differt ab amaritudine, unde non scio quā experientia ductus hoc dixerit. In secunda causa uerum dixit: quia ubi calor adurens occupat materiam terreæ sitem & crassam, & eam exurit, falsam facit. Sic etiam fit falsedo maris, ob adustas partes terreas, mistas cum humore aqueo, ut Theophilus ait de saporibus. Salsedo in terresti substantia fundatur, sicut & amaritudo: habent enim eandem causam materiam lem, materiam scilicet crassam & adustam, & efficientem, utrunque calorem adurentē, nisi quia amara sunt magis adusta, ita etiā, ut si quæ falsa ulterius adurantur, fiunt amara, sicut nitrum est salis genus excoctum. Cura à natura rei. Primo ponamus corpus esse purgatum, est falsedo, & est fluxio, quæ quandoque sola euacuatione curatur, ut mater

ut materia cum non sit tam amplius, mundetur: unde etiam dicit Galenus, sepius se fluxiones sola euacuatione curasse. Abstineat à rebus salis, acetosis, carne bouina, uino crasso, potenti, & omni re calida & adurenter utatur uino subtili & tenui. Si adhuc medicamentis indigeat, utendum abstergentibus & exsiccantibus: quia si illa quæ adhærent, abstergantur, corpus reddetur æquale. Aspera cum abstergentibus curantur: sic conueniunt omnia acida, ut succus limonum, acetosa, oxylapathum, sal nitrum, decoctum lupinorum, Terebinthina, si timetis nimiam exiccationem, potestis addere butyrum, oleum rosatum, sed satis est fontes indicasse.

De scabie humida cum pruritu,

Consilium XXXVII.

℞. Floris cassiæ 3 10.

Cum saccharo fiat bolus, sumat per horam unam ante prandium.

Item ℞. Succu boraginis

Fumi terræ

Cichoreæ ana 3. 3.

Purificentur & feruentur pro tribus uicibus, sumatur ergo tertia pars huius syrupi, & feri caprini 3 6. Misce, & sumatur in aurora loco syrupi per 14. aut 15. dies, pro ut magis conferet.

Item:

℞. Reubarbari electi 3 2.

Macis 3 1.

Incidantur & aspergantur uino aromatico, postea infundantur in aqua lactis caprini, per horas 24. facta diligenti expressione & colatura.

℞. Confect. Hamech 3 3.

Syrupi rosati solutui 3 2.

Misce, fiat potio danda in aurora cum custodia. Item ℞. sacchari rosati 3 6. Utatur ante cibum mane & sero, & sumat 3 s. singulis uicibus, post assumptionem medicamenti, post duos præcedentes syropos, mittatur sanguis à uena hepatis dextri lateris, & extrahantur circa 3 8. Item peractis his omnibus ingrediatur balneum aque dulcis, & primo sudet & fricetur, deinde lauetur. Postea in secundo loco balnei mittetur sanguis per cucurbitulas, applicando eas tibijs, brachijs, spatulis & naribus, postea illinantur manus, & totum corpus linimento infra scripto.

℞. Terebinthina lotæ 3 3.

Olei rosati

Butyri recentis ana 3 2.

Storacis calamitæ 3 1.

Succi limonum quantum est pondus omnium, salis nitri 3 s.

Salis communis 3 2.

Misce omnia simul, & bulliant in olla noua ebullitione una, deinde remoueantur ab igne, & ubi tepuerint, adde uitellos ouorum recentium N. 4. commisce omnia simul ad formam unguenti, & utere ante purgationem, nullas lotiones aut unctiones (neq. de butyro) manibus applicari uoluit, quod ille plus materię ad locum pertraherent, si tamen omnino lauare uellet, faceret id cum decocto altheæ maluæ, & inungeret manus succo aranciorum medijs saporis, pedes tumescebant, lauit ex rosis, althea, camomilla, sahia Maiorana pulegio, in uino & aqua coctis. Et quia ex malo regimine uidebatur quasi principium cachexiæ, dedit Trochiscos de absinthio.

Ad scabiem post purgationem,

Consilium XXXIX.

℞. Radicum ellebori nigri	℥ 6.
Laphatij acuti	man. 10.
Radice ellebori albi	℥ 2.
Limonium cum corticibus suis in frustra incisorum numero 15.	
Therebinthæ	℥ 4.
Salis nitri	℥ 2.

Contundantur omnia simul, & fermententur per dies quatuor in uase mundo & bene cooperto, ne transpiret, sepelianturq; in simo equino: post fermentationem quatuor dierum extrahatur primo aqua, deinde oleum: utrunq; optime scabiem remouet, & cutem ab omni labe mundabit.

De scabie, tinnitu aurium, hæmorrhoidibus,

Consilium XXXX.



Accidentia sunt consideranda. Primo scabies, quæ habet pustulas magnas, sæpe aquositate cum dolore, & mordacitate emanantem: habet & maculas nigras circa pectus, quæ depilant & persistunt semper: habet etiam tinnitum aurium, qui perseuerat, noctu præcipue, & dolores maxillarum, etiam hæmorrhoides sunt copiosæ: sanguis est copiosus, & post sanguinem aqua exit, quæ mordicat & calida est, causat eundem dolorem in crure: febrem quoque, ut nunc habet. Materie & causæ symptomatum inueniendæ, ut curemus. Sed oportet prius scire temperaturam naturalem; ut sciamus qualitatem lapsus & medicamenta. Procedam per conclusiones. Temperatura calida, & hepatis calidum. Color magnum argumentum temperaturæ, nisi sit aliquod accedens, ut si sit in sole uersatus. Sed uera temperatura colligi debet ex actionibus & excrementis. Cætera accidentia postea testimonium & fidem perhibent illis, sed non sunt tam certa. Actiones secundum naturam quales erant nesciunt: nam æger ad nos uenit, uenæ tamen amplæ. Pili & musculi calidam temperaturam ab initio fuisse significant. Nec curo aliorum temperaturam, ut cerebri, quia nec illud, nec alia membra curabo, non enim sibi est affectus: ex cacoehymia omnia dependent, quæ quidem est ab humoribus in uentriculo & iecore genitis. Hepatis est calidum & siccum intense redditum ut patet ex operationibus: eos enim qui hepatis calidum & siccum habent perpetuo destitui bonis actionibus in uentriculo necesse est, quia caliditas adurit, & hepatis amplectitur uentriculum, & cum calidum est, consumit sua caliditate omenti pinguedinem, quæ adheret membris à frigidityte, nec permittit generare adipem omenti, cuius usus est, ut calorem in uentre conseruet: ideo sibi vulnerati male concoquunt. Etiam uoracitas facit, ut hepatis ante tempus cibum attrahat. Inde sunt circa uenas meseraicas crassorum humorum obstructions, deinde in uentriculo generatur pituita, & ita una causa alteram iuuat. His stantibus, cognita hepatis & uentriculi temperatura, ratione hepatis calidi multum bilis & fecis sanguinis generatur, quod est naturale. Ad hæc accesserunt exercitia importuna, & labores: est uenator, pedes ambulat, nunquam quiescit, semper magnis laboribus deditus, coit, ingessit cibos quoscunque, & uina potentia bibit. Incidit in aliam calamitatem. Sunt 12. anni cum coiret cum scorto, incidit in pustulas, & passus est morbum Gallicum. Medicus dedit linimentum ex argento uiuot per os exspuit, & membra nervosa parata ad fluxiones reddidit. Quæ inde incommoda sequuntur: Auic. dicit argentum uiuum inducere stuporem, paralylin &c.

inducere stuporem, paralyfin &c. & tota sua forma naturæ humanæ contrariari. Hæc igitur omnia acceſſerunt: primo temperatura hepatis à natura fuit calida: ſecundo uictus, exercitatio & conſuetudo noxia: tertio, argentum uiuam omnia membra debilitauit: Scabies eſt ex fluxione, non ex contagio, in illo uiro, omniaq; accidentia præter febrem, tinnitus, grauitas capitis, hæmorrhoids &c. ſecundo de different. februm. Cum eſt fluxio, uidendum quod ſit membrum mandans, quod recipiens, uiz per quas, & quæ materia fluens. Hæc eſt regula. Cutis igitur membrum recipiens eſt & occaſio, quia debilis, & accidens et aduenit nouum ratione cutis, trahit &c. Contagium quod cuti intemperiem & putredinem affert, cuius ratione trahit ad ſe humores, qui parant fluxionem. Vbi igitur abſtergitur putredo illa, non ſit attractio ulterius, ſecundo de differ. februm. In hoc uiro non eſt cauſa membrum recipiens, quod ipſum recipit aliunde. Sed interior cauſa eſt membrum mandans. Ideo & hæmorrhoides habet, quia uenæ illæ recipiunt humorem alium deſluentem. Oportet igitur eſſe membrum mandans. Sic tinnitus aurium fluor eſt. Neceſſe igitur eſt aliquam eſſe materiam, cum omnia ſymptomata ad fluxionem ſint reducta. Scabies propria cutis, quæ recipit: membrum mandans muſculi: & reliquæ partes interiores quæ debent nutriri, mittunt nutrimentum ſuum, quo nutriri debent, ad cutim, quia alimentum non eſt bonum, ideo quod fundamenta, hepar & chylus non ſunt ſecundum naturam, unde de malum generari ſanguinem neceſſe ſit. Muſculi igitur trahunt dulciorem partem, & quod reliquum eſt mittunt ad cutim. Porro is humor in ſubſtantia uel tenuis eſt, uel craſſus, uel ſaluſ, uel acris, aut mordax, & ſemper diuerſa facit. Humor ſaluſ diuerſificat in ſubſtantia, facit ſcabiem cum pruritu. Si eſt pruritus tenuis, natura facile euaporat: ſi eſt materia craſſa, ex ſcalptura non euaporat, ſed facit puſtulas, & ſibi putreſcit. hæc uera cauſa ſcabei. Materia ſubtilior pruritum generat, craſſa ſcabiem: hoc uoluit Auicenna. Materia igitur huius ſcabei eſt humor ſaluſ, qui tranſmittitur ad manus & crura, quia maior copia materiæ: & exit cum dolore aqua, quia humor calidus ſoluit continuum & alterat. Concurrent igitur duæ cauſæ, quæ ſunt cauſa doloris ſecundum Galenum, licet alij male dicunt unam eſſe, tinnitus in cerebro, & grauitas capitis, ex materia fluenti naſcitur: tertio de locis affectis, cap. de dolore capitis. Qui habent calidum hepar, & totum ambitum uenarum calidum, ſubiecti ſunt repletioni capitis:

& ſi acceſſit cruditas per uiam communem, repletur caput, & ita ſit non tantum ob hepar, ſed etiam ob uentriculum, ſicut hic concurrent hæc duo, non tamen ob naturam hepatis, ſed ob uictum etiam malum facientem crudum uentriculum. An caput calidum ſit, non habet inſtructionem: poteſt tamen eſſe calidum, & cauſam habere, quod facit le aſcendant uapores, qui poſtea mouentur in aure, & faciunt tinnitum.

DE PSORA OCCVPANTE

uniuersum corpus.

Consilium XLI.



VM SINT DVO PRAETER NATVRAM; primum, quod sensui non ita deprehenditur, difficultas anhelitus, uertigo, grauitas capitis, tinnitus aurium cum destillatione: secundum occurrat sensui uisus, & est defoedatio cutis pustularis, & asperitates: hæc principaliter sunt consideranda, nam de illis maxime conqueritur. Primum, apparet sensui uisus, & ex colore singulorum membrorum affectiones discernuntur: quæ quidem proueniunt à materia collecta. Natura materia deprehenditur ex colore: uidemus enim pustulas tam in facie, quàm in cruribus & toto corpore, quæ tendunt ad fuscèdinem, partim rubent, partim nigricant: rubedo circa faciem magis, in alijs partibus nigredo magis. Nonnunquam illæ pustulæ in diuersis partibus erumpentes faciunt suppurationem, & inde exit pus. Consideranda natura ex colore. Sanguis dominatur cum bile, uel sanguine melancholico, erumpens ad cutim. Videndum quo nomine debeat appellari. Medici occupati sunt ualde circa hoc nomen. Ex una parte accidens est, hic affectus, ex alia parte ægritudo. Sunt morbi dependentes ab eadem causa secundum ordinem, ab eadem materia, sanguine austo melancholico. Quidam est uniuersalis, quidam particularis. Particulares sunt, qui occupant tantum partem corporis, non totum corpus, ut canceri, lichenum omnes species, pendent ab eadem materia, sanguine melancholico crasso. Quædam ab eadem materia dependentes occupant totum corpus, ut elephantiasis, lepra, psora. In isto corpore non est morbus particularis, nam æqualiter occupatur ab ista defoedatione: sit à melancholia cum sanguine, & sic est morbus uniuersalis. Non est elephas, nam elephas habet proprium ut occupet carnem & ossa: sed ista defoedatio non nisi extimam cutim inualit. Nec est lepra, nam lepra habet pathognomonicum accidens, ut decidant squamæ, unde habuit nomen, quia squamæ quotidie decidunt. Galenus distinguit psoram à lepra, quia lepra non habet asperitatem & inæqualitatem, ut psora. Videmus hic inæqualitatem & asperitatem cum pruritu, quod psoræ longe magis proprium quàm lepræ: unde ponenda hæc affectio sub capite psoræ. Differunt omnes morbi uniuersales inter se, quod ut sciamus, plurimum facit ad curationem. Differunt in crassitudine materie peccantis uel humoris. Humor melancholicus naturalis cum sit humor crassus, faculentus, non facit nec psoram nec lepram, quia non potest excerni ad partes cutis. Vbi autem humor est subtilis, tenuis, uaporosus, transit ad cutem, sed diffilatur propter tenuitatem suam: ubi crassior est non potest exire. Et illa materia est uel quæta, uel mota. Si est quæta, adhæret musculis, & facit lassitudinem ulcerosam. Si mota, & transit ad cutem, diffilatur, facit sudores: si non diffilatur, facit pruritum, & alia genera pustularum diuersa circa corpus. Si admodum crassa, non exit ad cutem, sed adhæret musculis, occupat partes solidas. Si corrumpit ossa, sit elephas. Vbi subtilior est magis declinans ad sanguinem, participans humore pituitoso falso, transit ad cutim, facile expellitur, non tamen potest exhalare, sed adhæret, & facit lepram & psoram: psora autem magis habet de humore melancholico: lepra magis ad falsum, & magis æqualiter inhæret, non facit eam asperitatem, quia liquidior & humidior humor facit superficiem æqualem: ubi autem exaruerit, facit squamulas ex humore pituitoso exsiccatas, ut sunt in superficie capitis furfures, ubi diffilatur pituita ex capite, & circa cutim excrucatur, & facit squamulas illas. Vnde qui abundant squamulis illis, habent caput ualde humidum, quia pituita cum exarescit, facit squamulas. Psora autem quia sit ab humore

magis aduſſo, facit inæqualitates cutis: proprium enim ſicci eſt 4. Meteor, ut ſit cauſa aſperitatis, ut humidum eſt cauſa leuitatis. In lepra eſt leuior cutis quàm in pſora, quæ dependet ab humore melancholico, qualis hæc eſt, non tamen ita craſſo ut faciat elephantiem, ſed tamen craſſiori quàm ut faciat lepram. Humor diſſuſus in toto corpore non eſt æqualis, admixta eſt pituitoſa materia & ſanguinea. Nō igitur mirum, ſi ea materia humida putreſcat & faciat pus, & apparent puſtule quæ à Græcis pſydracæ, ab Arabibus Saphah uocantur. Hæc eſt natura morbi quantū ad cauſam formalem: quantum ad cauſas efficientes, ſunt intrinſecæ & extrinſecæ. Membrum quod generat omnes humores, eſt hepar: ad hepar ergo referenda cauſa efficiens, tanquam ad membrū principale, quod ſecundum propriam temperaturam generat humores. Si moderate calidum eſt, ſanguinem generat: de bile autem & humore melancholico, facit quantum opus eſt: ſi maior caliditas, & hepar calidius ſit quàm par eſt, plus de bile generatur, & appellantur tales cholerici, in quibus propter caliditatem hepatis generatur plus de bile quàm de reliquis. Vbi intenditur caliditas & minuitur humiditas, generatur humor melancholicus. In paraſtaſtica ætate calidi & ſicci, ſunt melancholici aduſſi, quia acquiritur caliditas ex diminutione humiditatis, non generatur bilis, ſed humor melancholicus. Hoc hepar eſt ſupercalcraftum, & uidetur à primo ortu tale eſſe quod exceſſe ferit notabiliter ad calidum, per ſiccum & humidum non multum. Qui habent caliditatem ſolam, abſq; paſſiuarum exceſſu, plurimum carnis generant. Qui calidi & humidum, abundant plurima pinguedine. Probabile eſt quod fuerit calidū naturaliter, abſq; exceſſu humiditatis & ſiccitatis, temperatū in paſſiuis, redundans in calido. In habentibus autem ſymbolum, facilior eſt tranſitus: generauit ſanguinem biſioſum, deuenit ad paraſtaſticam ætatem, potuit generare plurimū humorem melancholicū. Accedunt aliæ cauſæ non corporeæ, ſed extrinſecæ. Fuit conditionis talis, in qua habuit omnia quæ potuerunt ſupercalcraftere hepar: bibit uinum potentiſſimū. Credo quod natura ipſa uſus fuerit cibarijs ſalſis & atribus, quæ ſupercalcraftiunt hepar ſuis qualitatibus primis. Alimenta præter calorem auctum potuerunt generare humorem melancholicum: nam à calore igneo & immoderate ſe habente, per ſe generatur plurimus humor melancholicus: ſi accedat ſecundum, ſcilicet alimentū generans melancholiam, potentiſſima erit cauſa aggregandi humores melancholicos. Habuit inſignem caliditatem hepatis, & in *μακρῶς* multo magis auctus calor iſte eſt, ex modo ſubſtantię cibi melancholici. Niſi fuiſſet adiumentum nature per fluxum hæmorrhoidum, inciditſet non in pſoram, ſed in elephantiam. Materia continuo expurgata fuit per fluxū. Qui ſubiecti ſunt huic fluxui, liberantur ab omnibus humoribus melancholicis. Potentiſſima cauſa in hoc fuit, cum haberet eum fluxum, & tamen habuit hunc morbum. Quo ad catarrhum, corpus ita paratū eſt ad catarrhum ſtante ratione uictus, ut nullum corpus magis opportunit. Talis temperatura corporis miſtit uapores ad caput continuo, primo Epid., & tertio de locis affectis. Ab ambitu totius corporis aſcendunt uapores ſtante peſſima ratione uictus: & hinc etiam tinnitus aurium, propter motionem ſpirituū. Catarrhus ex ea parte materiæ eſt, ubi: in cerebro naturaliter frigidus. Nam in naturali ſua ſubſtantia propria, omne cerebrum frigidum & humidū eſt, ſed dicitur reſpectiue calidum, humidum & ſiccum, cum tamen omnia ſint frigida & humida. Ideo cum ſit propria natura frigida & humida, condenſat uapores, & ſic fit catarrhus, & hic facit anhelitus difficultatem, & tuſim. Non tamen eſt inſignis læſio adhuc ex hoc catarrho. Pruritus facile curabitur, ſi modo non patiatur elephantiam. Pſora eſt initium elephantiae: oportet ut ipſe ſibi ſit medicus. Circa curā duo ſunt faciendæ: primo tollendus morbus factus, ſecundo cauſæ quæ faciunt. Morbus factus ſunt puſtule, deſecratio circa curam, quæ abſtergendo mundificanda eſt: quod non fiet niſi materia remoueat, quæ in toto ambitu uenarum fouet continue illam partem. Oportet omnino remouere materiam. Dux ergo ſunt indicationes: primo, ut abſtergatur cutis: ſecundo, ut remoueat materia. Eſt tertiā indicatio: nam ſi remoueat materia & abſtergatur cutis, & non remoueamus

remoueamus caliditatem hepatis, & causas efficientes & extrinsecus occurrentes, nihil proderit. Primum ergo est abstergere cutem: secundum, remouere humorem; tertium, alterare hepar: quartum, regulare rationem uictus. Incipiamus ab euacuatione, sine qua nec alterare, nec abstergere cutem, neque nutrire corpus cibis conuenientibus possumus. Mundificandum corpus cum his quæ mundificant humores peccantes, scilicet humorem melancholicum, sanguinem & pituitam, quæ redundat ex descensu catarrhi. Accedit portio bilis, redundant omnes quatuor humores. Alij humores coquantur & præparantur. Sanguis non expectat aliam coctionem, debet euacuari sine præparatione. Facta purgatione humorum in primis uenis cum calsia, deuentur ad missionem sanguinis, ut euacuetur principalis humor sanguis, & fiat sæpe. In humore melancholico ubi permixtus est sanguini, iteranda est phlebotomia, & euacuetur per interualla: deinde bene nutriatur, post iterum euacuetur, idè à basilica. Intentio est non tantum euacuare humores, sed simul alterare membra, quod possumus facere uno remedio, non debemus facere pluribus. In utroque latere secunda uena, & ab utraq; basilica. Secundo fiat euacuatio præcipue duorum humorum, melancholici & pituitæ. Biliolus humor facile coquitur & expellitur. Rhasis uult bilem non indigere coctione: sed indiget leni coctione, facili momento coquimus. Maiore coctione indiget pituita & melancholia. Sunt concoctiua in communi usu, quæ respiciunt pituitam, non considerando humorem melancholicum, quem aggrediar postea. Ex multitudine pituitæ obstruuntur uenæ sua uisciditate, & ille humor retinet alios humores ne sint præparati: obstruit quoq;. Quando igitur pituita in uenis est cum humore melancholico, non debemus utrumque simul præparare. Pituita indiget in eis uis abstergentibus: humor melancholicus aliquali humectatione, ut fiat facilis ad excretionem, non est uiscidus, sed crassus, qui indiget humectatione. Quæ faciunt ad coctionem pituitæ, non faciunt ad concoctionem ipsius humoris melancholici. In hoc casu inciperem à pituita. Oxymel, & syrupus acetosus incidunt sine calefactione. Non multum calefaciem, ne humori melancholico nocerem. Danda sunt quæ incidunt lapides & calculos. Vtrum acetum conueniet digestionis humoris melancholici? quanto magis dubitabitur de calefactionibus, & exiccantibus. Acetosa conueniunt partibus terrestribus, confringunt calculum & lapides. Darem syrupum acetosum, oxymel, cum melle rosato. Euacuarem postea cum confecti hamechi, in qua epithymus & myrobalani. Et euacuant humorem pituitosum pilulæ de Agarico. Darem agarici 3. 2. cum 3. 1. calsiae, euacuat humorem pituitosum, & respicit humorem melancholicum. Quo ad humorem melancholicum, syrupum de pomis dulcibus, Sabor regis. Decoctum liquiritiæ maximè confert ad humorem melancholicum siccum & frigidum. Item maluæ decoctio cum iuribus pinguibus pulli postea euacuarem cum illis decoctis traditis à Mesue. Deinde apponerem elleborum nigrum, ut in superiori syrupo, non plusquam 3. semis corticum ellebori nigri: felicissime operatur ter aut quater sine molestia. Quod si detur ante euacuationem pituitæ, lædet, & nihil proderit ista euacuatio. Pituita optime euacuetur. Soleo dare sex uicibus, euacuat quadragies, nisi debilitas accidat, tunc intermitto unam. Facta euacuatione abstergenda cutis. Fieri possunt linimenta ex succo lapathij, limonum, ellebori cortice ex radice. Decoquantur cum malua & althæa in aqua, donec consumatur tota substantia, factis expressionibus. Oleum rosarum recens, therebinthina, styracis quida, magna copia succi limonum cum nitro, abstergit omnem defecationem. Peracto illo, queritur nunquid conueniat lorio balnearum? Habent magnam uim abstergendi maculas corporis. Sed dubito ne calefaciant hepar. Ad defendendum hepar somat duas aut tres heminas feri lactis, & illinatur hepar infrigidante Galeni: conuenit propter hepar calidum. Bibat serum, & ingrediatur balneum. Non dubitarem de supercalefactione hepatis. Aqua marina idem facit, sed nimis calida est. Aquarum quoq; dulcium balnea, cum fiunt ex elleboro, lapathio, cum sale, abstergendæ cutis gratia.

gratia. Necesse est deinde confortare, fiat ad contrarium, & in frigidetur hepar. Vitium est quod regat se, ac remoueat causas extrinsecas: abstineat ob omnibus calidis, uino calido. Utatur carnibus bonis, frigidis alimentis, piscibus saxatilibus. Marini sunt laudatissimi, quia habent minus superfluitatum quam fluuiales, qui faciunt augeri pituitam, & calorem postea: expedit quoque ut pituita non multiplicetur. In partibus

Dalmatiz, gobij marini optimi sunt, in alto mari. Inter pisces saxatiles, mugiles, apud nos rari. Admoneamus & protestemur, si uult permanere sanus,

quod debet eo uictu uti & refrigerantibus. Saccharum rosæ

cum cum Rhabbarbari 3 1. ter aut quater in mense

sumat. Hæmorrhoides semper teneantur

apertæ: si stringuntur,

aperiantur.

FINIS.

DE MONTANO, AD MONTANVM TYPOGRAPHVM, HIERONYMVS DONZELLINVS.

ronymus Donzellinus.

Iamq; opus exegi, quod nec Iouis ira, nec ignis,
Nec poterit ferrum, nec edax abolere uetustas,
Nam licet exiguo, iaceat Montanus in antro,
Marmore condusus, fatorum lege perenni;
Parte tamen meliore sui, super Æthera notus
Viuet; eritq; illi æternum, indelebile nomen.

Noribergæ, apud Ioannem Montanum, &
Vlricum Neuberum,

M. D. LIX,